

6
106 06
GRATULATIO

ACADEMIÆ CANTABRIGIENSIS

DE PACE

Serenissimæ REGINÆ

A N N Æ

AUSPICIIS

FELICITER CONSTITUTA

Anno MDCCXII. 6

CANTABRIGIÆ,
TYPIS ACADEMICIS.

THE
REGISTER
OF
THE
REVENUE



A D
R E G I N A M

MAXIMA Reginarum, Europam quæ facis orbis,
Europæ Britonas quæ facis una decus,
Jam tibi maturos offert victoria fructus,
Jam tibi magnorum maximus annus adest:
Ægide deposita meditatur mitior artes
Pacis, & inservit tota Minerva tibi:
Otia miratur tellus tranquilla, tumultu
Infano nuper fervere cuncta videns.
Interea augustam frontem sine nube serenat
Lætitia, atque suum comprobat autor opus;
Sic rerum informem pulchro Deus ordine molem
Disposuit, tenebris elicuitque diem,
Laudavit factum confirmans; lumine risit
Naturæ facies exhilarata novo.

En

G R A T U L A T I O

En Regina fecat vacuos Classis tua fluctus,
Et late regnis imperat æquoreis.
Divitiasque suas tibi vectigalia solvit
Omniparens Tellus, Oceanusque Pater.
Jam neque tot Juvenes Britonum floremque decusque
Torquent purpureis Scaldis & Ister aquis.
Illo venales minus ah placuere triumphis
Sanguine, non tanti Gallia tota fuit !
At vos illustres tangant nova gaudia manes,
Jam pretium vestræ Patria mortis habet.

Tu vero O Britonum decus immortale, profundis
Vindex, Europæ numen, & Orbis amor !
Certatim quamvis properent tibi plaudere Reges,
Gratantum & turba splendeat aula frequens;
Ne tamen ô tenuem Musæ averferis honorem;
Quos fundit faciles officiosa modos
Accipe; sed placido vultu, quo turbida placas
Bella, & jam posito fulmine mitis ades.

J. ADAMS, S. T. P.
Coll. Regal. Præpositus
PROCANCELLARIUS.

ACADEMIÆ CANTABRIGIENSIS.

DUM effusa Gentes & populos super
Procella stridit Turbine bellico,
Amanſque caſorum cruorem
Immodico bibit ore Campus,
Inter tumultus tuta quieverat,
Et proeliantum Fulmina Gentium
Britanna tellus, quam fovebant
Dî faciles & Amica Princeps.
Cui vix rependat digna, Britannia
Parum recepti Conſcia Muneris,
Cernenſque Pacem reſtitutam
Inſolitum nihil intuetur.
O Quæ beatam protegis Angliam
Belli audiens jam Pacis & Arbitra,
Tuis ſecunda adſis Britannis,
Neu ſolitis careant Triumphis,
Dignere nobis conſilium & Tuos
Præbere Divos: Quos populos manu
Jamjam efficaci diſſipatos
Numine non ſine vidit Orbis,
Rurſus videbit non levioribus
Palmis revictos; Gloria nam pares
Accendit Æſtus, & Minerva
Fortem animum monet eſſe doctum.
Politioſorem noveris Angliam,
Dum vena dulcis divitis ingeni,
Ceu Flumen ingens nunc apertis
Latius exſpatiatur arvis:
Florebit almæ Nobilis artibus
Cultæque Pacis. Queis dedit Ægide
Terrere ſæva, perſpicaci
Mente dabit ſuperare Pallas.
Fas æqua ſuadens nudaque Veritas
Stabunt diſerto jam comites Foro,
Longeque pellet pejeratum
Pœna premens caput uſque Vindex.
ANNÆ loquentis verba valentia
Attentus Orbis devorat, auribus
Fixiſque Gentes diſſerentem, &
Attoniti ſtupere Reges.

A

Gratum

GRATULATIO

Gratum eloquuta Belligerantibus,
Hostilis Orbis protinus efferas
Componit iras, discrepantes
 Fœdus amicum iniere Gentes.
Musas amantis Gloria Belgicæ
ANNAM perenni Carmine consecrat,
 Cui debet assurgentem honorem
 Imperii decus & recepti.
Illam perustus solibus Africæ
Captivus orat, servitii insolens;
 Eous Orbis, nec potentem
 Occiduis reticebit ANNAM.
Novit supremam Te Rhodanum bibens,
Et Regna supplex bis Bavarus fugax
 Te rapta poscit, quem fefellit
 Ambitio & malefuadus error.
Tuque ANNA Phœbeæ æmula Lampadis
Spargis favores prodiga regios,
 Nec parca speratum petenti
 Auxilium meditaris Orbi.
Feliciori tempora stamine,
Regina dixit, currite; candidis
 Horæ quadrigis, Tuque Phœbe
 Volve dies meliore curru.
Regina dixit: protinus aureum
Ridetque sæclum. Grator it dies
 Blandum refulgens; lætiori
 Cuncta tuens micat ore Phœbus.
Almæque Pacis Filia Faustitas,
Fides & ulnis splendida lacteis
 Terras revisit, quas sinuque
 Copia subsequitur feraci.
Qualis Minister Fulminis Angelus,
(Cui nube vecto dextra sonantibus
 Armata flammis, torquet ignes
 Purpureoque rubet Triumpho,)
Placata cæli cum ira cadit ferox,
Trisulca cessat mittere fulmina,
 Et volvit orbem destinatum
 Luce nitens Bonus auspicata.
Turbata dudum pandit amœnior
Natura vultus, & facies nova

Pacis

ACADEMIÆ CANTABRIGIENSIS.

Pacis sacramento quietum
Dirigit in meliora mundum.
Pacem ut Britannis perpetuet Deus
Tutare vitam O ANNA Tuis Tuam,
Si publicarum cura rerum
Posse dabit Tibi Te vacare.

*Antonius de Grey, Comes de Harrold.
Illustr. Ducis de Kent, Filius natu
maximus. Ex Coll. Trin.*

Ad REGINAM.

O Decus, O Rerum Columnen, quas dicere grates,
Quasve referre parem, Divina Principe, dignas?
Seu Pacem, seu Bella geras, felicibus æque
Uteris auspiciis, cumulataque Gaudia spargis.
Crediderat quondam Rex Gallicus affore tempus,
Quo totum occiduum sua sub juga mitteret orbem:
Scilicet oblitus Wilhelmi, nescius ANNE,
Nondum foemineo assuetus dare terga flagello;
Nunc animum vultumque gerens (mutatus ab Illo)
Longe alium; Erroris veniam, Pacemque precatur;
Accipias, Regina, humilem Quem feceris, atque
Officiis vincas iterum, Quem viceris Armis.
Non Scepbris nunc Ille tuis, non invidet Aulæ,
Non Juvenem ostentat, mentita stirpe superbum:
Hæc olim Lodoix. Senio nunc fractus & Armis,
Si Requiem, Pacemque ferat, nihil amplius ambit;
Finibus antiquis contentus, cætera curæ
Commendat, Regina, tuæ. Tu Gentibus æquas
Arbiter imponas Leges, & Fœdera firmes.

*Car. Gul. Howard, Henrici Comitis
de Suffolcia & Bindon Filius natu
maximus. Coll. D. Magd.*

Ad

GRATULATIO

Ad REGINAM.

O ANNA, Europæ dum Tu miserata laborem
Bellonam mulces tumidam, effrænemque furorem
Fœminea reprimis dextra, cohibesque Catenis,
Æratoque fores occludis Cardine Jani;
Siste parumper opus magnum precor, & tibi lingua
Fatidica bifrons promittit quæ Deus audi.

“ Salve magna Parens pacis; te, Diva, Salutat
Te Dominam agnoscit Janus; nunc ecce lubenter
ANNA, tuo admonitus claudenda in templa recedo.
Sed prius, O Regina, tuos mihi dicere fas sit
Quid maneat, quid fata ferant Volventibus annis:
Nam licet hos oculos in longum extendere, nec quæ
Mortales hebetat Visus circumvolat umbra.

En gentes inter sublime Britannia tollit
Læta caput, faciliq; manu prætendit olivam.
Stant illæ attonitæ, & divinum munus adorant:
Dum dubitant tanto quales pro munere grates
Persolvent, merito certe par gratia nulla est;
Sed dare quod poterunt felix feret ANNA; beatam
Confluet ad Thamisis ripam, & ditabit Arenas
Quicquid terra boni quævis alit; hæc dabit aurum
Hæc pictas vestes, hæc Bacchi munera, quicquid
Aut profert tellus, aut inter viscera condit.
Et jam plena ferunt Anglorum carbasa venti
Indiæ ad extremas oras, & littora dives
Alluit assiduo quæ Ganges fervida sole.
Hospitibus Junget pubes se nuda Britannis,
Scire omnes ardent quæ causa advexerit; ANNÆ
Attoniti gesta ediscunt, & nomen adorant.
Sole suo majus numen regnare fatentur
Quod foveat terras, & late lumina spargat.

Sed nec dum memoro fœcundæ commoda pacis
Reflexum spectare piget quid lapsa tulerunt
Sæcula, & ingentes belli revocare triumphos.
Flandriacos video rorantes sanguine campos,
Multaque per sterilem dispersa cadavera terram.
Hic victi fugiunt Galli, fugientibus instat
Anglia quam nutrit pubes invicta, Britannum

Quæ

ACADEMIÆ CANTABRIGIENSIS.

Quæ decus extendet, vel morte occumbet honesta.
Illustres animæ! sic vos promittitis orbi
Pacem, sic lauro ramum felicitis olivæ
Inferis ANNA parens; carpent tua poma nepotes.

*Philip. Dormer Stanhope, Aul. Trin. Filius
Natu Max. Honoratiss. Dom. Stanhope
Filii Comitis de Chesterfield.*

INVENTRIX Oleæ duris quoque præsidet Armis,
Multusque ex duplici munere surgit honos;
Et sic, ANNA, Tuæ Tua Laurus certat Olivæ
Sertum det capiti pulchrius utra Tuo.
Palma Tibi, magna sed non sine Clade Tuorum,
Victori Populo flenda, Tropæa tulit:
Paci ascribe, Tuo quod nutu Europa quiescit,
Regna quod arbitrio dasque adimisque Tuo.
Sic memoranda sui Victoria Perseos armis
Palladis addiderit Gorgona, inane decus:
Arcis Cecropiæ imperium non Palma, nec Ægis
Picta, dedit; germen Pacis, Oliva dedit.

*Franciscus Willoughby, A. M. Coll. Jes.
Honoratissimi Domini Thomæ Baronis
de Middleton, Filius natu Maximus.*

Ad REGINAM.

CUR Britonum intrepidæ deponunt arma Cohortes?
Et referunt nullis jam signa ornanda Tropæis,
Cur procul a patria longe lateque jacentes
Per nostras urbes, fataliaque hostibus arva,
Securus graditur Gallus, cur tutus Iberus?
Siccine degenerant Angli, sic mascula cedunt
Pectora, quæ toties Gallos domuere Superbos?
Non Pallas præsto est, nec jussi Numine amico,
Arma statim renuunt; & pacis fœdera jungunt?
Hoc totum, ANNA, tuum est, Hominum tu Diva ruinas
In terris prohibes; Gentes dextraque potenti
Firmas; tu mulces animos in bella ruentum,

G R A T U L A T I O

Unica grassanti & posuisti fræna furori.
Talis ubi gelido cum forte aspexit in Hæmo
Prælia spirantem, & meditantem pectore bellum,
Mavortem Cytherea Venus; Mars cessat, & hastam
Ponit humi, mollitque iram sub corde latentem.

Quis Regina tuas Pompas, quis rite Triumphos
Enarrare queat, nutantem vertice toto
Fulcisti Europam; dum Galli damna gementes
Ad Pacem defessa tuam sua Brachia tendunt;
Ergo licet celebrare choros & solvere vota
Talia quæ repetens læti vox consonet Orbis.
Vivas, A N N A, diu Pacis redimita corona
Gallia quam supplex aufert; cedantque futuris
Præterita ut stupeant miracula tanta Nepotes.

*Johannes Trevor, Filius natu Secundus
Thomæ Baronis de Bromham, C. C. C.*

UT vidit Albas, omen amabile,
Rupes Britannas Ascanii Nepos,
Genti Gigantæ propinquans,
Non sine Dîs animosus Exul;
Regina Cypri (sic Druidæ canunt,
Visco adsidentes, Credite posteri)
Arcana fati sciscitata,
Extulit os Cytherea ponto,
Confessa Numen; qualis aquas levi
Concha secabat vecta, recens Mari
Exorta, nascentemque Divæ
Nereïdes stupuere Divam.
En regna quondam, Brute, ait, in tuum
Itura nomen, sanguis ubi tuus
Nosterque Neptuni tenebit
Perpetua ditione campos.
Hoc bellicosæ fata Britannia
Hac lege spondent, Imperio maris
Contenta terrestremque Martem
Oderit, & peregrina bella.
Crimen parentis, Progenies mea,
Gradivi amorem sæpe lues, tibi
Nobisque fatalem, & triumphis
In mediis peritura planges.

ACADEMIÆ CANTABRIGIENSIS.

Artes Salubres Pacis erunt Tuæ,
Florebit illis artibus Albion,
Magnoque responsa expetenti
Jura dabit Minor Orbis Orbi.
Hac arte seris ANNA Nepotibus
Promissa, fama vincet avos nova, &
Europa Reginam Britannum
Compositis colet omnis armis.

*Thomas Willoughby, Coll. Jes. Honora-
tissimi Domini Thomæ Baronis de
Middleton, Filius natu Secundus.*

Ad REGINAM.

QUÆ modo funereos, Academia, solvit honores
Conforti, ANNA, Tuo, sacramque ad Principis Urnam
Mœsta parentavit lugubri carmine, gestit
Vertere lætabunda modos, alacrisque Cupressum
Tristem in paciferam mutari gaudet olivam;
Speramus quod dum circumsonet undique plausus
Aulæ, Urbis, tota exultet Britannia, nostros
Misceri, Regina, etiam patiere triumphos,
Musarum & tenues non dedignabere cultus.

Exoptata diu requies post tædia belli
Dura decennalis rediit, Pax alma revisit
Desertos Britonas, pleno jam copia cornu
Angliacas placidis oras circumvolat alis;
Arma sat attonitæ gentes stupuere, secuta est
Te Dominam indivulsa comes Victoria, Marte
Quid valeas, Princeps, plus sat docuere tot urbes
Expugnata, arces disjectæ, diruta castra,
Gurgite purpureo testatur & Ister adauctus,
Tabo pinguentesque tui, Ramillia, campi;
Debitam at innumeris metam posuisse Triumphis,
Invictos frænasse animos, sprevisse tuorum
Largiter effuso quæsitæ sanguine lauros,
Arbitram & Europæ toti præscribere Pacem,
ANNA, Tuum est, ingensque Tui est ea Gloria Regni;
Ne quid restaret vincendum, denique Victrix
Ipsa Tui es, Victis facilis clementia parcit;

Quos

GRATULATIO

Quos dudum vicisti armis, quos fulmine belli
Terrueras, miti jam Majestate serenas.

Auspiciis, Regina, tuis felicior ætas
Hinc subit, annorum & procedere pulchrior ordo
Incipit, atque paras Templum dum claudere Jani,
Templa tua En! Pietas referari plurima jussit;
Hæc tibi erunt statuæ, laudum & Monumenta tuarum
Æterna, assiduis resonabunt atria votis
Sacra hæc, ut populo intersis longæva Britanno,
Lætificis oleæ frontem redimita corymbis,
Integram & ad feros Pacem missura nepotes.

*Car. Maynard, A. M. Christi Coll.
Honoratissimi Domini Banasteri
Maynard Baronis de Estaines,
Filius Natu Quintus.*

ANNÆ Britannicæ, Victrici Pacificæ.

LONGUM esset Numerare Tuos, Diva ANNA, Triumphos,
Ad Scaldim, Rhenumque, Istrum, Perque Æquora late:
Sed Meminisse dolet, quia Te Gessisse Tropæa
Hæc, Victrix Luget Pietas, Vicisse Coacta,
Sanguinis humani Parca, & vix Criminis Ultrix;
Jamque Triumphorum Satura es, Descende Curuli,
Teque Hominem memor esse, studens dare Gentibus, Unam
Da Pacem, Populoque Tuo, Sociisque Perennem.
Coram aderat, Solium Magna stipante Corona,
Gens supplex, flexoque genu, Te dira minantem
Conspexit, vultuque acri prope Castra Moventem,
Ducturamque Tuas Penetralia ad Intima Turmas:
Sic tandem Exorsa est: Parce Inviictissima Princeps,
Parce Orbi: Quæ meta Tuæ, Quis Terminus Iræ?
Jam Vicisse satis — Pudet hæc Opprobria Gallis
Vinci usque — At laus si qua manet, Vicisse Britannis
Et Solis Vicisse datur, solisque Tueri,
Una salus Victis a Te sperare salutem.
Dixit, & ancipiti Vultu Quæ Fata manerent
Horrescens, Pronum obducto Caput abdidit Ostro.
ANNA, & ad hæc Placido Ore Nitens, Vultuque Sereno:
Et Prostrasse Satis, satis est Quod Conscia Iniqui,

Nunc

ACADEMIÆ CANTABRIGIENSIS.

Nunc Recti studiosa velis tua Pacta tueri :
Surge ait, & Speres Jubeo, Hostile Omne Fatentem.
Ecce Thronum Ascendit, Sceptro & Diademate Fulgens;
Reginam inde Triplex stat circum Gratia, *Seymour*
Bot'lera, & *Massam*; Atque Has inter Amabile Lumen
For'steræ, *Slingsbæque* Decor, Quatuorque Sorores,
Nymphæ Pacis Amicæ, Animis Formaue Venustæ.
Ite ait, & Genium Imperii, huc ad Publica Nostra
Consilia accersite, Virum, quem Mitia semper
Delectant studia hæc, Pacique atque Artibus apta;
Hic finem imponet Bello, Justoque Furori
Harleius dabit, Illi Jussa capeßere fas est.
Adsit & *Harcourtus*, Quis Promptior Arbiter Æqui?
Accersite *Raby*, mittendum ad Fœdera *Strafford*,
Firmum Animo, Blandumque loqui, fideque sagacem.
Pacificumque Virum, & Divini Vatis olivam,
Digni equidem Majore & Primis sedibus Apti.
Nota Fides *Dartmouth*, Multi Vigilesque Labores
Bolingbroke, Tui; Veniant Suadere Periti
Concilii Præses *Buck'ngbam*, *Powletque* Palati.
Ite & Utramque *Domum*, Vocat Hos Mera Gratia Patres;
Ore Sagax *Bromley* est, Lingua Suavissimus *Hammer*.
Mittendus cum Classe *Hill* est, Custosque Tenendæ
Dunkirkæ, Hæc Moles Belli, nunc Pignora Pacis;
Et *Talbot* Gaudere dabit, Quos Terruit Olim.
Dilecti Omnes! --- Europæ Æqua Lance rependent
Quod Justum est, Habeantque Meas Nova Fœdera Leges,
Vindice Me, & Galli Bellum, Meque Auspice Pacem.
Dixit: & Extemplo Lex Cladi, Pax data Bello.
ANNA diu Regnet --- Dedit hæc Ter Maxima Princeps
Bellum Unum, Pacemque Unam, Unos esse Britannos,
Deliciæ, Populique Salus, ANNA Arbiter Orbis.

Nath. Lloyd Miles,
Aul. Trin. Custos.

G R A T U L A T I O

NON galeas, *Jesū*, non enses, *dogmata* poscunt;
 Vix *passa* innocuas arma tenere manus;
 Tranquillos da *Christe* dies; nec ad horrida bella,
 Protinus erumpat conscia turba mali.
 Dic age, *pacifici Domini* cur nomen adorant;
 Quēis volupe est, pacem non voluisse datam?
 Hoc ipse optarem; miseris contingat abunde
 Alma quies: Nobis sit quoque pace frui.
 Obsequium ex animo grati persolvimus ANNÆ,
 Quæ studet Angligenas tot cumulare bonis.

Hen. James, Sac. Theolog. Profess. Regius
 & Coll. Regin. Præsidens.

A N T I K E I M E N A.

Eclog. Script. Calend. Jan. 1710.

TITYRUS *hæc olim.* Me terque quaterque Beatum!
 En mea cara domus, sub clivo proxima Fonti,
 Parvula, sed satis ampla meis, nitet intus & extra;
 Aerios casus sine labe & sustinet omnes,
 Ventos, & Soles, hybernaque frigora, & imbres.
 Exiguum colo rus, sed Amœnum, Fertile, Nostrum;
 Splendida maturis seges arva coronat aristis,
 Et rident multo vestiti gramine campi;
 Pinguescunt pecudes, fluit ingens copia lactis
 Quæ teneros fœtus & Mensis aptat & Aris.
 Nec desunt oleæ, nec sunt sine vitibus ulmi.
 At suprema meæ Fortunæ gaudia complet
 Nocte dieque placens Uxor, pars altera vitæ;
 Quæ multa & pulchra & vera me prole beavit.
 Res omnes agimus socio conamine nostras,
 Exemplar pueris Ego factus, & Illa puellis.
 Et Musam, quam Nos modulamur voce, susurro
 Ad mulctram famulæ, famulique ad rastra sequuntur.
 Pensum sic hilares facilesque absolvimus omnes;
 Moribus antiquis aurato vivitur ævo.

Tityrus hæc hodie. Quis me infelicior extat!
 O Bellum, Bellum! Immane, Execrabile Monstrum!

Eume-

ACADEMIÆ CANTABRIGIENSIS.

Eumenidum in Thalamis, furiatis Anguibus ortum;
Atque venenata Sanie taboque refertum!
Quid Sceleris nostri, Quæ læsi Numinis Ira
Te tetris septo tenebris traduxit ab Orco
In lucem ætheriam? & Pestem Exitiumque creavit
Humano generi terraque marique paratum?

Vertitur in cineres Domus, & speciosa supellex;
Omnia nunc patimur sine tecto Incommoda cæli;
Cumque dies totos curis vexamur amaris,
Cogimur insomnes sine lecto ducere noctes.

Non Aper has segetes, pecudes non torva Leæna,
Non fera Tigris oves, nec sanguineus Lupus hœdos
Devorat; hæc rebus levis est injuria nostris;
Sævius his animal, Miles, (furibundus & atrox,
Quem Furia informant nostri sub corporis umbra,)
Irruit in messes; & equus detondet aristas,
Et passim pedibus perdit, queis ore pepercit.
Unum non hædum, solam non abripit agnam,
Sed totos ubicunque greges, armenta que ab agris
Et stabulis abigens in prædam colligit unam.
Omnia devastat quo fert rabiosa voluntas;
Diruit, Incendit, Lacerat, non dente vel ungue,
Sed rigido, quo mille modis certissima mortis
Instrumenta facit, Ferro populatus & Igne
Et Tonitru; Monachus quod dicitur invenisse
Discipulus Jovis inferni, Jovis æmulus alti.

Aut vacuis famuli famulæque vagantur in agris
Cum gemitu & lacrymis, & veste ciboque carentes;
Militis extorres aut pompam & castra sequuntur.
Quæ mala, quam rabiem proles carissima passa est,
Viva Mei miseri Præcordia, Matris ocelli?
Hic perit in cunis impastus, & alter in ulnis
Cum nutrice cadit gladio; qui grandior ævo est
Vel turpi Domino, vel vili servit Amicæ.
Quid teneræ mutæque metu cum Milite Natæ?
Vel prece vel pretio quæ non cessere, Puellas
Vi rapit imbelles, veluti lupo efferus agnas.

Parva quid hæc? Restat magis immedicabile vulnus.
Uxor! Penelope! quid nomine dulcius isto?
Dimidium Ipsa Mei! coram! Proh Juppiter Ultor!
Proh scelus infandum! Misero solamen at unum est
Quod negat amplexus & inexpugnabilis obstat,

Atque

G R A T U L A T I O

Atque pudicitiae consignat sanguine famam.
Hei mihi! cui, penitus sic fractis rebus, eodem
Non paribus fatis succumbere contigit ictu!

*Talia plorantem secum Melibæus Amicum
Excipit incautum, verbisque his corripit æstus.*
Tityre nunc sentis magis Infortunia quid sunt,
Cædes, atque Fames, cunctisque in rebus Egestas,
Quam cum *castaneis & pomis lacteque presso*
Laute me tecum saturatum nocte tenebas.

Fortunatus eras; at Fortunatus in horas
Æstimat haud æque Divum vel Dona vel Iras,
Incertisque oculis aliena pericula cernit;
Expertus sapi, & credes mihi vera loquuto.

Tune putes alios quod Tityrus unicus omnes
Adversis superat? dum me graviora ferentem
Spectas? exilio fractum? tot Perditus annos
Qui vixi, Perii potius mihi dicere fas sit?
Ossea Forma? vagor ceu Mortis Imago, vel Umbra?
Talibus Europa est, nunc tota, oppleta querelis;
Et turbatur agris, turbatur & urbibus; Ense
Gens furit in gentem, furit ignibus hostis in hostem;
Sic Alemannus atrox fervet, sic Gallus acutus,
Italiam hanc, neutri sociam, populatus uterque.

Desine jam mecum vanos effundere questus;
Nobis tempus erit; sic rerum vertitur ordo,
Jamque instat miseris; cum fors arriserit æqua,
Cumque Adversa Bonis Faustisque rependerit ample,
Reliquias vitæ assiduis successibus implens.

* *Pacifici & Sancti* Regum, Divina propago,
Heroïna potens virtutibus, o Dea certe,
Dissimiles hominum nata est componere mentes;
Alterum & effecit nunc Unum legibus Orbem.
Post hæc fausta domi sacrae primordia curæ,
Mox nostrum firmo pacavit fœdere Mundum.
Classe, Viris, Armisque valens, terraque marique
Cuique suum tribuit Jus, debellatque superbos.

Tutus es in patria, patriam sed & Ipse revisam
Si libet; & siquid reliquum est cum pace fruamur.
At fortunatum potius tranemus in *Orbem*;

† Nos vocat *ANNA*, facitque suos; Alimenta, Domusque,
Præbet Opesque; ut quisque suam, quam scit, colat Artem.

* Jacobi 1mi. Carol. 1mi. † Sicut nuper dictos *Palatinos*.

ACADEMIÆ CANTABRIGIENSIS.

Hanc sic ad seros transmittet Fama nepotes

EUROPÆ MATREM, LIBERTATISQUE PARENTEM.

Incipe nunc animos mecum revocare; parumque
Te dare lætitiæ; Votisque & Laudibus unum
Hunc celebrare diem, cum nil nisi vota supersint.
Munus ob immensum, Festum meditare quotannis;
Et surgat Pietas quantum Fortuna resurget.
Cumque tuos Divis gratos recitaveris Hymnos
Sæpius hoc, Latio bene notum, interfere carmen;
NULLA SALUS BELLO, PACEM TE POSCIMUS OMNES.

In exploratam Pacem 1713.

FULMINA Marlborii quod non potuere; nec Altum
Pectus, Achillei Principis, Eugenii;
Non Scepbris junctus Germanus; Belga nec armis
Acrior in Montes; non Sociata manus;
(Scilicet insanos Belli componere fluctus,
Jusque reclamanti reddere cuique suum;)
Numinis id nutu Felix, sine sanguine Victrix,
Vivax consiliis, Anglica Suada potest.
Lapsuram nobis *cunctando restituit Rem*;
Nempe solent multo surgere Magna gradu.
Divisum Imperium, cum Bella moventur & instant,
Provida cum rapido Marte Minerva tenet;
Cædibus *Ille* jubet cognatas sternere terras;
Sanguinis *Hæc* rivos claudere, fata SAT EST.

*Joannes Covell, Coll. Christ.
Cant. Custos.*

A RMA canant alii, & funestos strage Triumphos,
Nostroque Hostilique madentes sanguine Lauros:
At me Pacis amor, Pacatæ & foedere Gentes
Invitum miseros cogunt extundere Versus.
Tu Pacis, Deus, Auctor ades; Pacisque Tuasque
Laudes Tu præsens faveas placidusque canenti.
Hæc desueta diu indoctæ Tibi Carmina Musæ,
Non tamen ingrata, nec dedignatus, habebis.
Cum tandem, positis, mitescere sæcula, Bellis,
Incipiunt, & Pax nos pene ignota revisit,

D

Sacra-

G R A T U L A T I O

Sacraque Christiadam coeunt in foedera Gentes;
 Non Bellator Equus, stratos qui proterit Hostes,
 Non horrenda ferox ardens in praelia Miles,
 Quam multum frustra diu exoptavimus unam,
 Pace beat. Nimbus veluti demissus Olympo
 Leniter & pecus, & sitientes recreat Agros;
 Sic tandem vis respexit Cælestis ab alto
 Indignos, certamque dedit post Bella quietem.

Haud prædis Rex innumeris spoliisque superbus,
 Haud Ductor belli foedatus sanguine dextram;
 Sed Regina hujus Dux est ac Arbitra facti,
 Cui Patriæque salus cordi est, & Relligionis
 Sanctus honos: solet his unis impendere curam,
 Et vetat afflictis miseros diffidere rebus.
 Hanc Deus insigni ante alios dignatus honore
 Partiri in Gentes jubet hæc cælestia Pacis
 Munera: quæ sperare aliqui, promittere nemo
 Auderet, volvenda Dies en attulit ultro!

Exoptata Bonis cum Lux affulserat Orbi,
 Concilium magnum cogit Regina frequentes
 Magnates, Equitesque, & lectos undique Cives:
 Convenere acciti omnes: Medio ipsa Senatu
 Paciferæ dextra ramum prætendit Olivæ
 Alta sedens, vultus oculosque serena nitentes;
 Pacta refert recolens firmandæ in sæcula Pacis.
 Nulla unquam ullius mulsit Vox gratior aures:
 Semper dulce loquens; at nunc divina videri,
 Nec mortale sonans. Gratesque ac Gaudia Patres
 Et voce & vultu testati. Nec mora, magnus
 It Populi clamor læti, volitatque per Urbes,
 Perque Agros; resonant silvæque & littora Ponti:
 Excipiunt Nautæ sonitum, & super æthera tollunt.
 Dunchercæ rutilas clamorosa ut Gaudia Turres
 Attingunt, mediis placide crepitantibus undis;
 Altius assurgens haud immemor illa vetustos
 Agnoscit Dominos, & non ingrata salutat.

Qua Constantinus domuit Cruce strenuus Hostes,
 Hac Tu vicisti, Pietate insignis & Armis
 Regina, ac fessis requiem pacemque dedisti;
 Plusque Tuis Precibus debemus, quam omnibus Armis.
 Ista olim miseris informis Machina lethi
 Quæ fuit, una potest hominum lenire dolores.

Non

ACADEMIÆ CANTABRIGIENSIS.

Non Crux nuda, teres, durumque & fissile Lignum;
Unica sed Christi pendentis vivida Virtus.

Nam supra & Gemmas Crux alma & Regia supra
Sceptra valens, animas perituras submovet Orco;
Imbelles acies, trepidantiaque agmina Martis
Diffugiunt, & se Mors ipsa in Tartara condit,
Inque antra exanimes Furia interiora recurrant.

Nec mentem spes falsa subit, nunc affore Tempus,
Quo pleni quondam cecinerunt Numine Vates
Infantes collusuros circa Aspidis antra
Illæfos; juxtaque Lupos tibi pascier Agnos
Impavidos cernes, sævos interque Leones
Errare Armenta intrepide. Non ipse cruento
Aut fremet ore Leo, surgetve in cornua Taurus.
Haud Tigris rabida, haud nequam vulpecula lædet.
Lethifer agrestem in falcem curvabitur Ensis,
Hastæque ac Jacula innocuos vertentur in usus.

O Tibi tam, Regina, diu modo vita supersit,
Floreat ut Pacis studium, Pietasque Fidesque:
Dissidia, iræque absint; in meliusque Britannum
Gens mutata Tuo discat traducere Vitam
Exemplo; tantum Tua demum ut facta secutos
Moribus emendes, quantum Virtutibus ornas!

*R. Jenkin, S. Th. pro D^{na} Marg.
Profes. & Coll. Div. Joh. Præfect.*

Ad Nobilissimum ROBERTUM OXONII Comitem.

O XONIO Grantæque faves, simul æquus utrique;
Una parat titulos, utraque corda soror.
Deliciæ ambarum; contendunt viribus ambæ,
Et res in dubio est, hæc sit an illa prior.
Certamen felix, & non inamabile, cum Te
Divisum retinent alter & alter amor.
Per Te bella silent, per Te lassata quiescit
Turba loquax, omni sævior hoste, domi.
Pax nimis exul erat, tandem nos læta revisit,
Inque tuis manibus vimen oliva fuit.
Sit prudens, fortisque animi, sit publica cura
Harleius nobis; est tamen, ANNA, Tuus.

V. Stubbe, S. T. P. Coll. Trin.

GRATULATIO

Εἰς τὴν Εἰρήνην μετὰξὺ Ἀγγλῶν καὶ Κελτῶν ὧς ἐτέρων
Δυνάμεων βεβαιωθείσαν.

Οὐκ ἄδω τὸν Ἄρην, θεὸν ἔλιν καὶ πολίπορθον,
Οὐ τόδε Δαιμόνιον βλαβερὸν, δεινὸν, βροτολοιγόν,
Ἀνδροφόνον, βλοσυρὸν τ', ἔχαιμαίῳ ἄτον αἰδῶ.
Οὐ κλείω ψεύσιν, ὑπερήνορα, ἡπερσπευτῶ,
Οὐ συγερὸν, φεικλόν, κακοπραΐμονα, κερδαλέον τε,
Ἄγειον, αἰνότατον, καὶ χέτλια ἔργα φιλέντα,
Ἵβρισην, ἀπάτηλον, ἀλιτρὸν τ' ἢδ' ἀνέρασον,
Δημόδορον τ', ἀκόρητον, ἀτάσθαλον, ἀρχέκακον τε,
Μαινόμενον τ', ἀγέλασον, ἀμείλιχον, ἀγκυλομήτην,
Ἐμπλεον ἠδὲ φόνοις, δολορράφῃσιν ἄριστον,
Παντοίας ἀπάτας καὶ μῆδεα λυγρὰ εἰδούλα,
Τὸν τ' ἀνιηρέτατον, πικρὸν, φθισήνορ', ἀγαυρὸν,
Παρδαλέων τε λύκων ὀλοώτερον ἔκείν' αἰδῶ.

Ἀλλ' ἄδω Θεὸν Εἰρήνης τὸν Παμβασιλῆα,
Δωτῆρ' ἡσυχίης, πολέμοιο καὶ ἐχθρὸν αἰδῶ,
Τὸν μὲν ἀλεξίκακον, πολυήρατον, εὐκηνον τε,
Ὀλβιον, ἀσπασόν, λιγυρὸν, χαρίεντ', εἰρίμον,
Πεῖον, ἀποτρέπον, καὶ ἐννεά θυμὸν ἔχοντα,
Ἡσυχον, εὐεργόν τ', οἰκτίρμονα, μελιχιόν τε,
Ἡπιον, εὐθυμον, μαλακόν τ', ἐλεήμονα, τερπνόν,
Πανάγαθον, γλυκερὸν, σωτῆρα, φιλοφρογνέοντα,
Ἰλαον, αἰμύλιον, σρεπλὸν τ', ἀγανόντ', ἐρατεινόν,
Γηθόσυνον τ', ἐδανόν, καὶ νήδυμον, ἡμερόεντα,
Τῷτον ἐγὼ κλείω Πανυπέρτατον Ἀθάνατον τε,
Εἰρήνης ἱεῖης καὶ τῇ Φιλότῃ Ἐρασίην.

EYKTIKON.

Εἴθ' ὄφελον πρεστέρων Πολέμων Κελτῶν Βρετανῶν τε
Λησμοσύνην τε κακῶν πρὸς τ' ἐόντων ἔμμεναί αἰεὶ,
Ἡδ' Ἀγγλῆς πάυσεας οἰζυρεὶ πολέμοιο
Ἀλλήκοις ἡμετέροις, πειτελλομένων ἐν αὐτῶν,
Ὡς ὄφελ' ἡμετέροις χώραις νῦν καὶ μετόπισθε
Εἶναι φυλόπιδοι τέλει ἔχαλον, ἠδὲ δύνασθαι
Οὐδὲν Ἐνυάλιον Πολεμὸν θ' εὐδόντ' ἐπιγείρειν.

ACADEMIÆ CANTABRIGIENSIS.

Νῦν ἄραγ', ὦ Βασιλεῦ Οὐλύμπιε, πᾶσαν αὐτῶ,
 Πᾶσαν τ' Ἀγλῖγενεσι βίῳ δῆρειν τε βαρεῖαν,
 Λυγρὴν ὀλεθρὴν αἰὶ, ἀνδροκτασίας τε μάχας τε,
 Νείκεα δακρυόεν' ἔριδας τε καὶ ἄλγε' ἄμυνε.
 Ἄμμας, Ἄναξ Ὑψίσ', ἐξ ἁορῶ ἐλομύροιο
 Νωλεμέως ῥύσαι, ἀνάλυσον τ', ἠδὲ σάωσον.
 Οὐράνιῳ Βασιλεὺς Εἰσηνίῳ ἱμερθέσσαν
 Ἀρμονίῳ τε διδοῖ, ἀκμαίῳ Σιωθεσίῳ τε.
 Πάμπαν ὀλόκληρην πέλοι Ὀρχιον ἠδὲ Τέλειον,
 Καὶ τότε ἀνήλειπτον καὶ ἐπαλινάγρετον εἴη,
 Πάντοτ' ἀκίνητον, ὅς ἐμπεδον ἄρρηκτόν τε,
 Αἰδῆαις γενεαῖς, μέγαλοιο Θεοιο ἔκηλ.
 Οὕτως Μασάων χορὸς εὐχέ' ἐκ Χάμοιο.

Johan. Edwards, S. T. P.
 Coll. D. Joh. quondam Socius.

מלכת סבא בת מלחמה
 קשת הכושית על ידה
 לשלמה מלך באה לראות
 כל טובתו וארמונות

למעם בינה רחמנות
 יסוד שלום במלכותו
 שומעת רב ורב חווה
 מששומעת בעירה

מלך צדפת בר מלחמה
 מלכת שלם פקד חנה
 למעם צדק ומאויב
 לסור ביתו נאמן אוהב

שלום בעיניו לא יפה
 קודם קחתה מיד חנה
 כלי מות אויב כלם
 ואסור הוא חבלי שלם

מלכת סבא בתלמודה
 רת אלוהית שבה ביתה
 מלך צדפת עם השלום
 חק משוחות צדפה לחום

פן כנרקה המצרי הוא
 לעוג לועג ענות יוסף
 תמצא ים סוף רודף לנו
 לך בשלום ואל חוסף

E

DUM

G R A T U L A T I O

DUM belli pacisque æquato examine Lances
 Sustinet, & varias pensitat ANNA vices;
 Ne bellis oppressa gemat, neu pace sinistra
 Amittat proprium terra Britannia decus:
 Ecce novo ætherius fulgens e sidere Conjux
 Solatur dubiam fata futura canens.
 Sat bellis Martique datum, sat sanguinis hausit
 Hasta pii; Ingenium mitius, ANNA, Tibi est.
 Dum sumptis potius spes succurrebat in armis,
 Nostræ etiam huic decori consulere manus.
 Libera quid referam fato Bruxella supremo
 Machina cum volucres misit in astra globos?
 Quid Bavarum exutum castris, pudibundaque late
 Jugera deserti mille vacasse soli,
 Tum frustra revocasse suos; montesque rogatos
 Umbras tam claræ non habuisse fugæ?
 Quid trepidum celsa memorem Bufleron ab arce
 Arma sua in proprium versa timere caput?
 Me duce jampridem commisit tot fera Victor
 Prælia Borbonias vertere clarus opes:
 Dum verti expedit libram in sublimia raptam,
 Jam novus everfam est restituisse labor:
 Ne vergat nimis hæc, surgat neu fortius illa,
 Cura Tua est; æquas postulat ista manus.
 Sola potes, Patriumque Tibi est succurrere rebus,
 Et jura armatis ponere litigiis.
 Justitiæ nova majestas Tibi cogit utrosque
 Cedere, seque Tuis tradere consiliis.
 Quem pudeat? Tibi Quis non affectaverit ultro
 Vel poscente magis porrigere, ANNA, manus?
 Gloria dum absolvit Dextræ ambitiosa potentis
 Cedendi pravum dedecus, atque metum.
 Depositis odiis coeunt in fœdera Gentes
 Unica, queis Unam est Te timuisse Salus.
 Hand secus intonuit celsa cum Jupiter Ida,
 Commune armatos misit in obsequium.
 Cessit amor ferri; abjuratæque rapinæ;
 Et gravis acceptis Legibus ira fremit.
 Fœmineæ sensit tandem grave pondus habenæ,
 Celticus & didicit terror habere modum.

Sed

ACADEMIÆ CANTABRIGIENSIS.

Sed Tua quam late dederint tormenta ruinas
Dicere, erat ferreū scilicet oris opus.
Hæc decora, has laudes Pietas Tua moribus ultro
Condonat, prior & religionis amor.
Justitia ut mores, pietas ut deferat aras,
Credo, Tibi haud tanti vincere semper erat.
Quamquam adeo haud exosa manus victoria vestras;
Sed generi humano parcere palma prior.
Cuncta Tibi provisa: Laboribus utere porro
Alma trahens terræ divitiasque maris.
Hic vigil astriferum custos ego vester Olympum
Mortali posita conditione colo.
Sorte etiam mihi Pontus: Ero Neptunus in undis,
E cælo Castor sidera certa dabo.
Immensum fundes radianti lumine circum,
ANNA, diem; Noctes & mea cura reget.
Inferiora Maris me vindice numina Classes
Ducunt seu Glaucus, seu Melicerta Tuas.
Sive Tibi Hispanos, seu Phœbum Classis utrumque
Lustrabit, Cionias seu Tua curret aquas.
Sive metalliferas Austri rimabitur oras
Et velis rores combibet aureolos.
Quacunque illa vago cursum dabit æquore, Pacem
Firmabit populis, & Tibi jura maris.
Terrorem sparget, Britonumque armata triumphos
Qua gravis horrendis navigat imperiis.
Albion ante alias felix secura procellæ,
Nympha in secreto pumice lenta sedes.
Hostibus, atque avidis minus opportuna Tyrannis
Quæ nisi Pegaseis non adearis equis:
Tu latus æquoribus succincta fidelibus altum es;
Perfida sint aliis, si modo fida Tibi.
Tuta diem spera; fulvas Pax aurea messes
Et Tibi mala hortus parturit Hesperius.
En Tibi dispensat constantia fata regitque
ANNA eadem semper, semper & ANNA regat.

*Phil. Bouquet, S. T. &
Ling. Sanct. Profess.*

Ad

GRATULATIO

Ad REGINAM.

AUSPICIIS, Regina, Tuis, post tædia Belli
(Qualia non Priscis nota fuere Viris)
Pacem, exoptatam precibus votisque, peractam
Jam tandem agnoscunt Subdita Regna suam;
Quæ mediis Furiis lateque strepentibus Armis,
Te norunt misero consuluisse Gregi,
Missis jam Curis alienis, ut sibi plaudunt,
Et facile exultant Te proprio frui!
Hoc, Regina, Tuis spondet Res ipsa, Deusque
Maximus, Eximia quem Pietate colis.
Ut Tibi adunatas *divisa Britannia* Vires
Debet, & affectus debeat *Una* suos;
Quos si quæ Bonitas poterit sibi vincere, lenis
Strictura Imperii, aut Relligionis honos,
Quis vetet ut possint pariter coalescere, Cives
Ut possint gratas reddere quisque vices?
Quas nisi præstiterint, *duo maxima munera Cæli*
Reginam & Pacem pro nihilo esse volunt.
Quin longum pereant, Tibi qui periere; ruinæ
Sit studiosa suæ Gens malefida Tibi.
Dum Tibi nulla Pium Pectus *Sacra pestis* adurat,
Pax Tua Te regnis, sospitet, ANNA, Tuis.

Guil. Thackham, S. T. P.
e Sen. Soc. Coll. Regal.

ANNA duas Gentes (queis Magna Britannia nomen)
Uniat, unitas & regit ANNA duas.
Imperiis regit Una æquis; Hanc Gallia vidit
Dictantem populo Jura Fidemque suo;
Vidit & Obstupuit: Morum dulcedine captus
Sic Lodoix regitur, sic regit Ille suos.
Quanta potes, Princeps! quid non speremus ab ANNA?
Anglia tota Tua est; Gallia tota Tua est.

Joannes Exton, LL. D. Aul. Trin. Soc.

ACADEMIÆ CANTABRIGIENSIS.

De Pace.

QUÆ pestis Bello magis est Epidemica? Bellum
Sævit in Austriacis, ceu pestis Ephemera, campis;
Innumeros hominesque & equos una abripit hora:
Flammis continuis validas mox impetit urbes;
Fulgure, fulmine conturbatur & intus, & extra,
Inque vices furit & mitescit ferreus imber.
Passibus haud lentis fas est obrepere mortem,
Ictu oculi pereunt una Dominique Domusque.
Mox chronici passim populos pressere dolores,
Torpor, dira fames, & rerum turpis egestas,
Contra hæc quid valeant medicorum pharmaca? tantum
Quantum ferratis *pilulas* impingere portis.
Ipse pater rerum Dominus vitæque necisque,
Qui sedat rapidas terraque marique procellas,
Contunditque Iras hominum populique furores,
Duraque ad arbitrium Regum præcordia fingit;
Annuuit ille Deus, fidis, Regina, piisque
Consiliis, precibusque tuis; *Dux Fœmina facti es.*
Ipsa, tuos populos Gentem quæ nectis in unam,
Europæ toti das, facta pace, salutem.

Chr. Green, Med. Profess. Reg.

In Pacem.

DIVA, Tu nexis elementa vinculis
Molliter firmas, & iniqua magnæ
Bella Naturæ premis, & sonoras
Fulminis Alas.
Cum Deus Phœbum, celeremque Lunam
Jussit æterno remeare cursu,
Pulchra, Tu lætum caput extulisti
Nata Tonantis.
Tu maris nigris agitata ventis
Terga componis, stabilisque vastos
Montium tractus, jugaque inquietis
Tunsa procellis.
F

Te

GRATULATIO

Te colit bello furiosa Thrace,
Te gravis Medus pharetra decorus,
Teque ferventi positus sub axe

Afer & Indus.

O ; laborantes miserata gentes,
Tollis insanas Dea, tollis iras,
Et leves tecum Charites revertunt,

Lucidus Ordo.

Tuque cui tota favet arte Phœbus
O Poetarum decus, O Priore
Tu tui Phœbi melos affecutus

Dic age carmen !

Dic ut Europes moderetur Orbem,
Ut Britannorum regit alma gentes,
Ut, vices cujus gerit, æmuletur

ANNA Tonantem,

Qui simul diros jaculatus ignes,
Splendidas Cæli tremefecit arces,
Reprimens fulmen, placido gubernat

Numine Divos.

Edmundus Waller, M. D.
Coll. Div. Johan. Soc.

ΖΕΥΣ ὅταν Ἡμετέρῃ ἐκείνατ τάξιν Ἀνάσῃ,
Παύσαδ' Βροτόλοιγον Ἀγίω, Πόλιάς τε Φυλάσσειν,
Καὶ βασιλῆς, ἐ λαὸν ἀειζήλων βασιλῆων,
Εἰπέ, Θεὰ, ποῖον κλέθ' εἶλε Δικασπόλθ' ἈΝΝΗ.
Ἐν Σπονδῇ Πολέμωτ' ἴσῃς Ἡ γὰρ λάχε πμῆς,
Ἀνδράσι βελευτῇσι κεκασμύρῃ ἠδὲ Μαχηταῖς.
Ἡ γὰρ νυ Λωίσιθ' πολέμω ἢ γῆραι λυγρῷ
Τερόμυθ', παίδων παῖδας θνήσκοντας ὀρεῖτ'
Ἐν μεγάροισιν ἐοῖσι, πύρας νεκύων τε θαμείας,
Ὡδε ἢ Τορκεῖον, βεληφόρθ' ὅς οἱ ἀειθ' ἔειπε.
Δέξιθ' ἰὼ, μύθω παρσεφώνεε, δάκρυα λείβων.
' Νὺν ἀναφανδὸν ὀρώ μινιζομύροιο Θεοῖο
' Κῆλ' ἀνὰ οἶκον ἐμὸν θάνατον καὶ κῆρα φέροντα.
' Πολλάκις ὠντὰ Στρατὸς μὲν ἀπώλεσε κῆλα Θεοῖο
' Ἡμετέρους, ὅτ' ἐγωγε Βρετανῶν, ἠδ' Ἐπικέρων

Ἐθνεα

ACADEMIÆ CANTABRIGIENSIS.

Ἐθνεα μὲνά μοι ἐν πολέμοις σινελθέμεν οἶδα
 Νήπιόν, ἔδ' ἔθ' ἔγνων ἀσεμφέα χεῖρα
 Ὑψόσ' αἰεθρομένοισι ἐπ' ἐμ' ἐν πολέμοις τε μάχαις τε.
 Τίς μοι ἀνίκητον λιτανεύσει Ἀγγελὸν ἈΝΝΗΝ;
 Ἡ γὰρ ἀνίκητος Θεὸς ὥς ἐν δεινότητι,
 Ὡς Θεὸς ἰκέτεω πρὸ φρον πεφιδήσε' ἀνδρός.
 Ὡς φάτο δακρυχέων ὁ Γέγων, ἅμα γὰρ φθινύθοντα
 Λαὸν Ἀναξ ἔκλαυσε, Πατὴρ θ' ἅμα οἱ φίλα τέκνα
 Κλαῖσεν, ὅμ' ἄρ' ἑὺφροσύνῃς ἔβαν θανάτοιο φέρεσθαι.
 Τῷ δ' ἄρ' εὐφροσύνῃς Θεράπων ὥς ἀντίον ἦν δα.
 Ὡ βασιλεῦ, μάλα τ' ἐπ' ἡμερτὲς ἔειπες,
 Παισὶν ὅλοοιο λιταῖοις πολέμοιο.
 Τένεκά τοι, βασιλεῦ, τόδε τέκνον Ζηνὸς ἔκητι
 Ἠλυθεν ἔρανόθεν, ἢ τένεκα παῖδας ἀπῆυρε,
 Μητέρας ὄφρα θέλης πολέμοις πεπρωκότας ἔλοις
 Παῖδας ὀδυρομένοισι αὐτὸς κλαίων ἐλεαίρειν,
 Καὶ παύειν Ἀνδροκτασίας ἄγε Θεοπέλῳ ἈΝΝΗ
 Δὸς κλέει, ἡ καὶ πρὸς Ἑτεροκλῆς πολλὰκι Νίκη
 Τιμήσασθαι κλέει, ἡμῖν μέγα πένθος ἐφῆκε.
 Ἀγγελίῳ οἱ πέμπ', ὧντος Θεὸς αἰθέρι ναίων
 Τῇ πεῖθ' βασιλεῦ, Σὲ ἀνωγει ὄρκια τάμνειν.
 Ὡ Βασίλισσα μάκαρ, μοισηγενὲς, ὀλβιοδαῖμον,
 Ἡ ἐὰν Σὺ, Πείαμον Θέπῃς παῖς ὥς γέροντα
 Ἡδέσθ' ὃν ἰκέτω, κλαίοντ' ἐλέησέ τε παίδων
 Ὀρφανὸν ὠκυμόρων, ὅπως οἱ μέγα κῦδος ἔδωκε
 Καί πρ' αἰετεύσαντι μάχαις ἐνὶ κυδιανείραις,
 Ἡδὲ Θεᾶς δήλωσε Γόνον ἢ ἀληθέα παῖδα.
 Ὡς Σὺ κλαίοντά, βασιλεῦ, εὐμείλιχόν Ἐχθρῷ
 Ἀνδράσιν ὀψιγόνοισι εὐκλέα Σ' αἰὲν ἔθηκες.
 Ὡ Στράβωνος Γένον εὐμνῆς αἰὲν Ἀνάκτων,
 Ἄλλοις τ' ἴλαον, ἢ δήμοις οἷσιν ἀνάσσεις.
 Ἡ κεν γηθήσῃ Περσέων, ἄλλοι τε Βρετανῶν
 Ἡρώες βασιλεῖς μέγα τερφθήσονται ἀν' ἡτορ
 Ἀκρὰ ἀπ' ἐλύμπας καλιδόντες πατεῖδα γαῖαν
 Εἰρήνῳ ὕμνος τ' αὐτῶν γέρας ἠδὲ λαχέσσαν,
 Εἰρήνῳ ὕμνος τε πόνος μέτα, οἷα καὶ αὐτοί.
 Ὡ ποίη πρὸς ἀχρημά μοι ὧτα παρήλυθε μολπή;

GRATULATIO

Ὡς ἱερὸν τὸ λάλημ', ὅπα ὡς ἠδεῖαν ἀκέω;
 Ἡ πάλιν ἔρανόις ἡμῖν θεῶ' Ἀγέλοι ὕμνοις
 Εἰρήνῳ πάσαις ἄδῃν εὐφρονης αἰαίς;
 Ἡ Σέθεν, ὦ ἌΝΝΗ Δῶρον, Σέθεν ἔνομ' ἀκέω
 Ἄκρον ἀερόμυρον Μερύπων μολπαῖς ἐς Ὀλυμπον;
 Οὐνομα μὲν μακρὸν περβέβηκεν ἐς ἔρανόν, αὐτὴ
 Δηθὰ μάλ' ἡμετέροις δε χοροῖς Βασίλισσα μετείης
 Εἰρήνης τε Δοτὴρ θεοείκελ', ἠδ' ἐ Φυλάκτωρ.

Tho. Pilgrim, A. M. Gr. Ling. Profess.
 Coll. Trin. Socius.

A N N A armis dudum, studiisque asperrima belli,
 Nunc mites curas pectore blanda movet.
 Una manus ferrum, Lancem tenet una; Quieti
 Hæc favet, & victrix altera firmat Opus.
 Nota armis dudum, sis fœdere notior A N N A;
 Quæ te cunque olim Terra timebat, amet.
 Nullum si metuas, nisi quem non viceris, Hostem;
 Quem metuas, Hostis jam tibi nullus erit.
 Sive foris, sive ille domi, tibi cedit uterque;
 Huic, armis; illi Pace timenda venis.

Jo. Baynes, A. M. Proc. Sen. Coll. Pet. Soc.

Q U I jacet extremo sub fidere Mænalis Ursæ,
 Tristis ubi, glacie mortua, torpet humus,
 Lurida semestri perpeßus tædia nocte,
 Dum negat officium qui vehit Axe Diem;
 Ut primum Phœbus geniales explicat ortus,
 Blandaue Hyperboreum mitigat aura gelu,
 Mane novo exultans, Hybernis sedibus exit,
 Nascentemque hilari suspicit ore Deum:
 Miratur placidæ redeuntia tempora lucis,
 Præcipit & cunctas pectore Veris opes.
 Sic post exhaustos Terraque Marique labores,
 Post Belli duras ancipitesque vices,
 Læta Dies oritur, Pacis Lux Alma refulget,
 Spirat & in Nostris mollior aura jugis;

Expe-

ACADEMIÆ CANTABRIGIENSIS.

Expectata diu pertentant gaudia mentes
Angligenum; optatis luxuriantque bonis.
Fallor? an agnosco reducis vestigia Divæ;
Fallor? an aspectus jam subit Ipsa meos.
Ecce tenet spicam manus altera, & altera Olivam,
Tempora Laurigeris cincta decora comis:
Copia Divino lateri fecunda ministrat,
Effundens flavas Copia frugis opes.
Inde pari passu Dominam comitatur euntem,
Incorrupta tenens Fœdera, Cana Fides.
Vade procul Bellona furens, nova regna requiras,
Aufer & accensas seditiosa faces.
Ecce cadunt, ductis ad sidera mœnibus, Urbes,
Et Cæli in vacuas Turris itura vias;
Æquanturque solo validi munimina Martis,
Quicquid & hostiles intulit ante minas.
At nova contemptis crescent Pallatia flammis
Pulchrius; ad ripas, Thamesis Alme, tuas.
Arduaue e solido surgent fastigia saxo
Templorum; dices Nobile Pacis opus.

Magna Parens Patriæ, decus & tutela tuorum,
Seu Pacem instauras, seu fera bella moves,
Desine curarum: O Cælo Dilecta! quiete,
Quam dederis terris, incipe & Ipsa frui.

Tuque Decus Phœbi, Musarum maxima cura,
Pollens arguta, Culte *Priore*, lyra,
Dulce melos fundas; linguisque animisque favemus,
Dum cantas, Nostræ Gloria prima Domus.
Æternos facias Pacem, Pacisque Ministros,
Inque tuo vivat carmine Gentis honos,
Audiat Europæ solatia fera juvenus,
Et per Fœmineas gaudia parta manus.

Tho. Feilde, Coll. Div. Johan. Soc.
& Procurat. alter.

GRATULATIO

Ad REGINAM.

ANGLORUM gentis decus, ANNA, salusque supernum
Post numen, quæ res nostras tutaris & ornas,
Tu bellis, tu pace potens, tu condere leges
Æquas docta, eadem populos frænare superbos;
Moribus antiquis stabit Res Anglica longa
Æternum fama nomen, dum Regia jura
Et Majestatem Parium domus alta tueri
Et Populi studeant, dum nullus publica Drances
Consilia impediat fallacis crimine linguæ
Obscuris falsa involvens, dum Ecclesia Mater
Te Caput agnoscat, merito te jure Patronam,
Sancitos retinens stabili fundamine ritus,
Antiquamque fidem, jus & venerabile Mitræ;
Nec tetram moveant violenti seditionem
Dissentire quibus datur indulgentia, pœna
Immunes, grati sed libertate fruantur.
Artes edoctus pacis, felicia regna,
Isacidûm Rector, tenuit, sapientia famam
Cui dedit æternam, australi, hunc, de gente profecta
Regina invisens, sacro pendebat ab ore,
Mirabatur opes multum, mage callida verba.
Te, Regina, animi lenis mentisque benignæ,
Ambitione tumens Gallus, bella horrida, cogit
Invitam gerere, & longos producere in annos;
Expertus damno quid virtus Anglica possit
Fœmineis læta auspiciis, orare coactus
Lege tua pacem accepit: sapuisse docebas
Illustres Socios, & finem ponere bello.
Aurea Pax toti, reddat commercia, mundo
Utilia, & Regnis accrescant commoda vestris,
Artificumque manus gnavæ frugique coloni
Felices operum laude atque labore fruantur.
Si vero in terris poterit gens ulla latere,
Invida gens sceptris vestris, inimica quieti,
Dediscant artes belli, lucrumque sequantur
Degeneres, turpe, inde inimicis præda futuri,
Nam virtus aurique fames in pectore eodem
Vix sedes posuere suas. Tu Diva teneto
Pacis & armorum studiis clarissima Regna.

ACADEMIÆ CANTABRIGIENSIS.

Expressit vultus faciles, & membra decora
Knellerus vivos doctus Miscere colores :
Sed carus Musis, & natus rebus agendis,
Pindaricis, Janum Antiquum, qui vocibus urget,
Carmine felici, & magnos libavit honores
Willhelmi Magni, mentem divinaque pingat
Pectora, nam calamus Divam describere dignus;
Sic dabis, Angligenæ vati per sæcula nomen
Quale dedit magno, Princeps Invieta, Maroni
Troius Æneas Pietate insignis & Armis.

Rob. Grove, Coll. Div. Johan. Socius
& Almæ Univerſ. Regiſt. Principal.

HACTENUS Invieta Virtus ſpectata Britanni,
ANNAque Magna ſuos protexit ab Hoſtibus armis
Teutonas & Belgas : Immenſis Fœdera gazis
Aſſeruit, Valide, Totis & Viribus, una
Juſtitium pepigit Sociis pacemque Sequeſtram.
Sat Marti ferroque datum eſt, Hockſtedia clades
Quas dedit agnoſcit grato Germania plauſu ;
Flandria nec reticet Magni molimina Niſus.
Jam vero ut Finem longi, Regina laboris
Læta videt, ſubito male concita turbine ſurgit
Tempeſtas, Terraſque quatit, turbatque ſerenum.
“ Illicet Ulterius (ſic juſſit Faſcio) Bellum
“ Contra fata Deum, perverſo Numine, poſcunt.
Sic ubi Grandævus requiem pacemque Latinus
Deſeſſis bello Phrygibus fractiſque Decenni
Obtulerat, Turnus ſe contra ſiſtit iniquus
Arbiter, & late frendens furit Ardea Fruſtra.

C. Beaumont, A. M.
Coll. S. Pet. nuper Socius.

In obnitentes Paci.

IMPROBENT pacem neque conſulentes
Patriæ pergant, male pertinaces !
Principis votum, populique contra
Ire furentes !

En

GRATULATIO

En tamen magnum meditans triumphum,
Ardet invitos studio levandi,
Subditis, Victrix, sibi quod negarint,

ANNA reponens.

Barbaro tandem satiate bello,
Principi adversate nimis benignæ,
Te, prece & multa, lachrymisque puris,

Rite piandum,

Quas struit Regina sacrans tremendo
Cæde gaudentes graviter ferire
Numini accincto, cito, dum licebit,

Transfer in ædes.

Civis, & Miles, feret & Sacerdos,
Parta felici sibi servitute,
Nam dabit princeps! ea, quæ decebit,

Præmia clarus.

Separans Regina Sacris profana
Perge, misceri prohibens *Duellis*
Impiis, sævis inimica, pacem, ac

Turpia pellens.

Sic Deo pacis, Tibi & obsequentes,
Regna confirmans, repares Britannos.
His viget factis, & oliva frondens

Usque vigebit.

Sic diu ex alto Solio, precamur,
Deprimens hostes, animansque amicos
Splendeas, Princeps, tenebras fugantis
Solis ad instar.

J. Bowtell, S. T. B. Coll. Div. Joh. Soc.

GAUDETE Cives, gaudeat Britannia,
Desideranti quod suæ Britanniae
Post tot beneficia, unicum quod potis erat
Præstare, quo beatior foret domi,
Id ANNA pace restituta præstitit:
Post tot triumphos, mille post victorias,
Nomen Britannum quod pote fuit unicum
Tollere apud exteras magis gentes, suis
Id ANNA pacis Arbitra Europæ dedit.
Europa quantas debet ô Tibi gratias,

Quæ

ACADEMIÆ CANTABRIGIENSIS.

Quæ libera olim armis, quieta nunc Tuis
Fit, ANNA, consiliis? Britannia quas Tibi,
Felicitate quam beas tanta, ut Dei
Vix amplius dent, propria quam ut faxint bona?
Gaudete Cives, gaudeat Britannia,
Ostendat universa civitas piam
Lætitiâ, & inquieta rabies partium
Pacis sacro quiescat in silentio:
Mundo quod & Tuis dedisti, ANNA, Tibi ne
Cives Tui porro negarint Otium.

Joannes Burford, A. M. Coll. Regal. Soc.

U^{SQUE} licet victrix sævo Britannia Marti
Quot pulchras animas divitiisque dedit?
At tandem satis est; post tantos grata labores
Otia Pax fessis exhibitura venit.
Carmine quo possim testari gaudia? laudes
ANNÆ quod dignum dicere carmen erit?
Ipsa etenim quantos passa es, Regina, labores,
Ut nobis possis Otia tuta dare?
Quid tua cura tibi debet Britannia? Jani
Claudere cui portas atque aperire datur.
Ut prius ob patriæ te sumsisse arma salutem
Sic patria incolumi jam posuisse juvat.
Nec propriæ gentis contenta salute fuisti,
Semper opem fociis arma tulere tua.
Bleinhemiæ strages testatur, Flandria testis
Terra virum, & virtutum omnium acerba cinis,
Quæ Belgis, tua quæ Germanis arma dederunt
Auxilia, & quantis eripere malis.
At non, depositis armis, deponere curam
Illorum virtus te generosa finit
Hos quoque ut invitos possis servare, salutem
Vel nostram piget haud sistere velle parum.
Austriacus tamen arma gerit; regno addere gentes
Scilicet ille novas, & nova regna cupit.
Jamdudum at docuit dura experientia, non hæc
Speranda ulterius, Carole, regna tibi.
Bella tamen moveas, placeant si bella, colenda est
Pax nobis, maneat Pax precor illa diu.

Car. Hawtrey, A. B. Coll. Regal. Soc.

* G

Ad

GRATULATIO

*Honoratissimo V. Dom^{ino} GULIELMO DRAKE,
Equiti Aurato & Baronetto, ac Magnae Curiae
THALASSIARCHIAE è Dominis Praefectis.*

De Classe Britannica in portum subducta.

RECTOR undarum, pelagique Praefes
Nerëus raras fluitare Ponto
Vidit ut Turres, vacuique late
Caerula Regni.

‘ Qua meum, dixit, decus, o Britanni,
‘ Vestra qua Classis periit procella?
‘ Invido quisnam Superûm Deorum
‘ Turbine merfit?

‘ Non Ego aeratas video biremes,
‘ Transtra nec densis onerata turmis,
‘ Audio aut laetae strepitum Juventae, aut
‘ Fulmina Belli;

‘ Neve, quas ventis placidis agebam,
‘ Cerno, qua Nautis steterant Columnae
‘ Herculis notae, refluxaque Calpe
‘ Vapulat unda;

‘ Nuper Hispanum male contumacem
‘ Rookius vestras ubi fudit, Urbem
‘ Imbre disiectam ruit & caduco
‘ Ahaenea nubes;

‘ Aut ubi ultrici Catalas ab unda
‘ Igneam plumbi stupuit procellam,
‘ Tristis horrendum tremuitque densas
‘ Barcina Lunas.

‘ Solus hîc nullos video sodales
‘ Brittonas?—Nereu, posito tridente,
‘ Otium posthac age sempiternum
‘ Inglorius antro.—

Audiit Tethys querulum Mariti
Carmen, iratum subitoque mulcet
Voce mellita, facilisque blando

Ore locuta est;
‘ Illa, quae semper Tibi Cura, Nereu,
‘ Nec minor vestrae Mihi Cura, Classis
‘ Innocens portu, innocuaque arena
Tuta quiescit;

‘ Miste

ACADEMIÆ CANTABRIGIENSIS.

- ‘ Misit ingentes modo quae favillas
- ‘ Ore centeno, ac tremefecit axem
- ‘ Duplicem, vidi tacito reclinem in
 - ‘ Litore Navim.
- ‘ Dixit haec nuper Mihi, Cui secunda
- ‘ Serviam soli, dominata Ponto
- ‘ ANNA devincto, Tibi & ipsa ponens
 - ‘ Jura volenti;
- ‘ Cantabris tandem pavidis relicto
- ‘ Litore, invitos jubet abstinere
- ‘ Milites iris, finit atque Iberas
 - ‘ Surgere turre.
- ‘ Orbe pacato, sedet ANNA, ridens
- ‘ Desuper Turbae rabiem frementis,
- ‘ Spernit infano Dominosque plebis
 - ‘ Foedere junctos.
- ‘ Orbe pacato, sedet ANNA, lance
- ‘ Temperans mundum, Jovis instar, aequa,
- ‘ Cui vigil virgaque potens adest Ca-
 - ‘ ducifer, Harleûs.

Haec ubi. Arridens petit Hic recessum;
Illa festino pede mox secuta,
Nota qua sedes erat, in jacentem
Illabitur algam.

Tuque, quem Musis pia cura amoenis
Patriae abduxit, cape, cum vacaris
Arduis, Carmen Tibi fabuloso
Pectine lusum.

Sam. Drake, A. M. Coll. Div. Joh. Socius.

TANDEM quiescunt Bella, nec amplius
Hostis ruinas Sanguineus parat,
At Pacis æternos honores
Compositis meditatur armis.
Nunc fas Lyæum promere conditum
Cellis avitis, & pede Libero
Pulsare terram, arasque Sacris
Marmoreas onerare flammis.

Non

G R A T U L A T I O

Non nunc ut olim Sanguine Spumeus
 Scaldis tumescit, non parat insolens
 Victor catenas, aut opimis
 Splendidus exuviis superbit.
 Quid arma possunt improba vidimus,
 Et vulneratam flevimus Angliam,
 At Pace confecta cruentum
 ANNA Studet reparare vulnus.
 In fœdus omnes jam coeunt Sacrum
 Præter Superbos Teutonas, hos adhuc
 Insana bellandi cupido
 Exagitat, miseræque Genti
 Tollit Quietem, mox avidi tamen
 Quærent negatum sæpius otium,
 Interque Gentes fœderatas
 Sero suam posuisse partem.

Johannes Morse, Aul. Clar. Alumn.

" **Α** ΚΡΙΤΟΙ ἐκ Νοτίων ποτὶ Βορρᾶν Κοσμοπολίται,
 Παύσατε Μαρθεσίῳ ὕμνῳ καὶ Πενθεσίλειαν,
 Ἀνπόπλῳτ' ἄλλας τε Ἀμαζόνας ἀντιανείρας.
 Θαυμάζειν παύσαδε Σεμίραμιν ἢ Κλεόπατραν,
 Καὶ κρατερῶ ὕμνεῖτε μόνῳ Βρέξανδρῳ Βασίλισσαν,
 Θηλειῶν, ἀρετῶν καὶ πράγματα, κρείττον' ἀπασῶν.
 Μικρὰ λέγω· Πάντων γὰρ ἐγείναθ' ὑπεύθυνος ἌΝΝΗ
 Ἡγεμόνων μαχίμων τε, καὶ Ἡμιθέων Ἡρώων.
 Θαυμαστὸν τὸ πάλαι Ἡρακλῆος ἔργον ἔδοξε,
 Κταιναμύς Λερναῖαν Ὑδραν, περικείμενον ἀγρὸν
 Πορθήσαν. Ἀτὰρ βλαβερώτερον ἌΝΝΑ δάμασσε
 Θηρίον, Εὐρώπῃ λοιμὸν καὶ κῆρα μέλαιναν
 Περσέϊον· Πλείστοις δ' ἀνεωγμένον εἶν' ἐτέεσσιν,
 ἌΝΝΗ κλείσε Νεῶν εἰρηνικὸν Ἀμφιπερσώπῃ,
 Εὐρώπῃ τε δέδωκεν, ἑοῖς δὲ μάλιστα Βρετάννοις,
 Χάρμιν, νηνεμίῳ, χρυσὸν τ' αἰῶνα Κρόνῳ.

A. Rogers, C. C. C.

ACADEMIÆ CANTABRIGIENSIS.

AGE, jam Triumphis dives O *Britannia*,
Accinge pectora gaudiis ingentibus;
Exuberantia pectore undanti suo
Quis non profundit gaudia? En tandem Dies
Effulsit Ille, Regna Qui verè beat!
Nam post tenaces hæcenus Belli moras,
Post tot virorum funera & tot lacrymas
Matrum, serena *Pax* adest grandem afferens
Felicitem. O lætum & optatum Diem!
Sic Turbo postquam immanis agitavit diu
Fretum; aut tumentibus Auster undis incubans
Sedibus ab imis concitum invertit mare;
Simul refulsit Fax gemelli fideris
Tranquilla pandens usque, Venti concidunt;
Turbida quiescunt maria; ridentque omnia.
Majore plausu tum fremunt Nautæ, aspera
Quàm si fuissent nulla; Provehitur Ratis
Post dura multò lætiùs, solito enitet
Pulchrior, & ipsis ducit ex damnis opes.

Quos non tumultus, quæ nefanda cernimus
Exitia, ubi ardet Bellum; ubi vis horrida
Martis tremendi se explicat? Latè furor
Vagatur audax. Quisque quod lubitum est scelus
Aggreditur ultro. Tum videre est nil nisi
Hæstas, & enses, & faces, & fulmina.
Sic undiquaque immensâ se spargunt mala.
Quisquàmne verò mentis adeò turbidæ
Qui hæc horrida exoptat? num & ultrà progredi
Sunt, quos juvat, mala tanta? Num heu! campis parum
Fusum est cruoris? Nec manus gladio rubens
Sat sceleris edidit? Anne sunt, qui respuunt
Pacis benignæ munera? O præposteros
Hominum timores! Exulat, longè exulat
Belli & malorum turba; Quid? *Pacem* timent?
Ponite timores: Nil enim hîc quod terreat.
Videre quicquid, quicquid audire est metus
Nos jam reliquit. Hinc abiit Bellum & Nefas.

O Nos beatos! scire modò fas sit bona
Nostra. Et quid obstat scire quo fas sit minús?
Nos *Pax* revisit auream frontem gerens,
Et Læta vultus. *Amor* inoffenso pede
Graditur comes, nocere cuiquam nescius,

G R A T U L A T I O

Prodesse gaudens omnibus. Sua *Faustitas*
Munera redonat grandia manu prodigâ.
Consequitur hilari usque ore & incessu gravi
Religio, nova tot *Templa* jam sibi gratulans
Dicanda; solito & lætior, quòd non suas
Aras, ut olim, polluant *Fanatici*.

Imò hæc beata Regna dicite, *Pax* ubi
Errat per Urbes cincta tam egregio agmine.
Innocua ruris dextra jam ferrum teret,
Et ipse miles callidas tantùm feris
Fraudes parabit, ac in usus uberis
Cereris suum diffinget ensem. Atqui Tuba
Bellorum in usum nata, quæ certamina
Accendit olim voce, resonabit procul,
Quà terra panditur uspiam, *Britonum* bona,
ANNÆque laudes, tanta Quæ facit Otia.

Exhausta demum Bella. Jam miles canat
Iò Triumphe! & cæteri longè sonent
Iò Triumphe! Nunc adeste, ac nunc vacat,
Adeste milites, Ducumque acta inclyta
Narrate, & acri nobiles Bello manus.

En *Hic* timendus hostibus, nullum timens
In acuta Belli fertur, horrendum intonans
Per flammam & hostes rapitur, & latè efferis
Exultat ardens stragibus. Quanto rotat
Fulmineus ensem turbine! & quantas agit
Impune clades! Ecce Quâ pugnat manu!
Ubique vincit, ubique sternit corpora.
Leo sic per arva dente stricto cursitat
In cæde multâ victor, ubi tauros premit,
Spumat, minasque volvit ore turbido,
Omniaque vastat faucibus rabidis hians.

At *Ille* solidæ mentis egregiè potens
Medios per ignes Belli & irata agmina
Sedatus equitat, mente volvens ardua
Momenta rerum. Quicquid in Castris furit
Hortatur, urget, imperat vultu gravi.
Hîc animus idem est, frontis hîc idem decor.
Dumque huc & illuc mille per mortes volat,
Stat magnus animi, firmus, intrepidus, suus.
Generosa Virtus nescit ignavos metus,
Illæsa semper, haud timet mortis minas

ACADEMIÆ CANTABRIGIENSIS.

Instantis, ac si fractus Orbis concidat,
Impavida manet ingentia inter fragmina.

At *Tu* decorus corpore, & vultu ferox,
Prodigus & animæ, dum volas nimis impiger
Feros in hostes, Quaque Telorum seges
Cuspidibus horruit acrior, ruis impetu;
(O tantus armis *Juvenis* haud meritis mori!)
Procul a Tuis densas superborum hostium
Inter catervas cadis.——At ô pulcherrimum
Mortis genus! Sic & mori pro Patriâ
Dulce & decorum. Hæc ipsa mors sibi præmium est.
Satis Ille vixit, morte qui tali occidit.

Quid verò plures? magna Virtus omnium
Spectata satis. Huc ergo mentem advertite.
Aspicite honoratum *Ducem* (victoricibus
Toties decorum Laureis) victum comas
Frondebis Olivæ. *Ormondi* in *Agris Flandricis*
Sat nota Virtus: Cernite hîc mitem manum.
Superare novit, novit Idem & parcere;
Et stabilem in ipso prælio *Pacem* facit.
Hinc gloriæ major seges, quàm si hostium
Turmas potentes diruisset funditus.

Pacem virenti flore redimiti caput
Celebrate, Cives; Agite, lætari decet.
Pæana dicite. Dicite alternâ vice
Straffordum amantem *Pacis*, & tum *Præsulem*,
Æqui tenacem *Præsulem*, mitem *Patrem*.
Et tum vicissim canite *Bolinbrochiumque*,
Harlèiumque, magna Nomina. Ast ubi
Ingens *Stuartum* Gloria, & *Britonum* Decus,
Cujus per arma regnat in terris Amor;
Ubi nominatur *ANNA*; magnus tum chorus,
Ubique, plenâ voce, complet æthera,
It ad astra clamor, cuncta plausu personant;
Hanc Oppidum, *Hanc* Senatus, *Hanc* Castrum canit,
(Parum illa) tota *Europa* simul *Hanc* concinit,
ANNA mque laudibus ornat ipsa *Gallia*.

Nil jam timendum. Nostra sat firma est salus,
Modò vivat *ANNA*. O *ANNA* & ut vivas diu,
Precamur omnes. Adsit ô precibus Deus!

Ric. Crossinge S. T. B. Aul. Pemb. Soc.

ANNA,

G R A T U L A T I O

A N N A, Tuæ tandem læta hæc Victoria pacis
 Ingens Augusto fine coronat opus.
 Dum requiem terris post tristia bella ferebas,
 Non Batavis, proprio Marte sed ipsa tuo.
 Turba fremat frendens ingrata, domique forisque,
 Misceat insanos consiliiue dolos.
 Sed frustra: exercet si Magna Britannia Vires,
 Inviçtas bello pace simulque suas.
 Contentus Dux quisque feris tunc temperat iris,
 Jus dum cuique suum lance dat A N N A pari.

Tu S O P H I A illustris, pacem Tibi gratulor A N N A E,
 Quæ tutam præstat Teque Tuamque domum.
 Et sanctæ illæ animæ, Quæ mille pericula fingunt,
 Curant & tristes spargere ubique metus,
 Pergant: dum Vobis quod mente Ecclesia recta
 Curat res vestras, Magna Ducissa, probant.

I nunc & supplex, per Quem felicitat A N N A
 Orbem Terrarum, Musâ precare Deum.
 Sacra Ministra Dei, cui mens sibi conscia recti
 Suavius ac melius quam Diadema sapit,
 Spretam Quæ Christi Sponsam complectitur, unam
 Ardenti sobolem Mater ut alma sinu,
 Vivat: & in terris, cum multâ pace triumphos
 Pacis, Quam terris nunc dedit ipsa, ferat,
 Dum Æterna in cælis, (veniant sed præmia sero)
 Martyre cum Carolo pace fruetur Avo.

Ric. Stephens, A. M.
 è Soc. Sen. Coll. Regal.

Ως ὅτε γαῖαν ἔλειπε Δίκη μὲν φύλον ἴσθα
 Ἀθανάτων, καὶ ἐκέτ' ἐν ἀνθρώποισιν ἐφάνθη·
 Ἐνθα σιδήρειον μισγῶν φύε' ἀνδρῶν,
 Οἱ κακὰ βελεύσαντες ἐναντίοι ἄλλος ἐπ' ἄλλον
 Ἀλγεσι παντοδαποῖσι πείθεσθον αἶαν ὀλεσκον.
 Ἀσραίας δ' ἐποθὴ ἀγαθὸς λάβε πάντα ἀπέσσης.

ACADEMIÆ CANTABRIGIENSIS.

Ὡς ἢ Φευγᾶς ὅπλων πολέμοιό τε κλαγγὴν
 Εἰρήνης, πόσα κήδε' ἐφίσα' ἀνθρώποισιν;
 Ἐχθος ἔπειθ', ὕβρις τε κακῶς ἐτάρην πολέμοιο,
 Καὶ βροτολοιογὸς Ἀρης, ἢ Εὐννύες ὀρμαίνουσαι,
 Καὶ Ἐρις αἰμαλόμεσα διέπρηστον πεδίοιο.
 Πανταχόθεν δ' ἔφερ' ἢ τε Φόνον ἢ κῆρα μέλαιναν.
 Ἀλλ' ἄγε νῦν μοι, Μῆσα, μέλ' ἄχαιέεσσον εἰπὲς,
 Οὐκ ἔσω τοι ἔρις τε φίλη, πόλεμοί τε μάχαι τε,
 Οὐδ' ὅσον Βρετταννὸς ἀπ' ἐχθρῶν ἤρατο κῦδ' ἄν,
 Ἡ Γάλλων, ἢ Ἰσρα εὐρρέϊται παρ' ὀχθᾶς.
 ἌΝΝΑ, πῆλ' ἄν' αὐτῶς, σωτηρία πάσης
 Εὐρώπης, φύλοισι εἰρῶν πᾶσιν ἔδωκεν.
 Αὐτὶς ὁμοφροσύνης πάντας μέγας ἱμερῶς ἔκ' ἔκ'·
 Ἡσυχοὶ εἰσι ἢ ἔπ' ἢ μέλ' πολέμῳ ἔργα.
 Μείζονας ἔν' διὰ τῶτο ἔχης, Βασίλισσα, θειάμβους,
 Ἡ ὑπὲρ αἰμοδόρου νίκης· νῦν ἌΝΝΑ κελεύει
 Εἰρῶν εἶναι, ἐς' αὐτίκα καὶ μάλα πολλοὶ
 Ὀλβον τε πλῆστον τ' Εἰρῶν δῶρα ἔχοντες
 Κλείσσωσι Βασίλισσαν ἐπ' ἑκάστα πέρας γαίης.

Tho. Crosse, A. M. Aul. Cath. Soc.

*Ad ROBERTUM Comitem OXONIENSEM &c.
 Magnæ Britanniae Thesaurarium.*

CUM Te, cum Pacem, Cæli duo maxima & ANNÆ
 Dona, Harlæe, canam, Musarum & Apollinis instar
 ANNA mihi faveat, Paci licet usque faventes
 Non ego non alias mea Posco in carmina Divas.

Viderat Illa suis Britonas victricibus Armis
 Oppressos, nimia partos mercede Triumphos,
 Et Te labenti jussit succurrere sæclo.

Sic spes Grajorum, certa & fiducia Ulysses
 Palladis auxilio semper stetit, ille secutus
 Jussa Deæ, clara volitat super æthera fama.

Omnia Jam rident, felicior incipit annus,
 Proventuque onerat sulcos, mox horrea rumpet,
 Fundit humus flores, & gramine prata virescunt,

GRATULATIO

Deducuntque suos pomorum pondera ramos;
Et qui cæruleum proscindit navibus æquor,
Divitiis Patrias sedes, atque otia mutans
Mercator reficit quassas in littore naves,
Nec timet infido merces committere ponto;
Impune extremas Indorum inviserit oras,
Inde novas revehens, Harlæo munera, gazas,
Primitias pacis; Sic O! persolvere Gentem
Quamque decet meritas tali pro munere grates.
Has attollit opes, puraque in veste resurgit
Religio veneranda, ævo vix nota priori.
Cura metusque abeunt, fugiunt fraudesque dolique,
Ambitio irrequieta, & amor sceleratus habendi.

Nos etiam Harlæo Britones solvamus honores;
Adsit Lætitiæ Bacchus dator, adsit Apollo,
Nunc cunctis cantare, & nunc ridere decorum.
Turba Ingens impune licet Virtutibus obstet,
Et livore premat facti Immortalis Honorem,
Dum florent Artes, & sunt Commercia Lucro,
Anglia Consilio Harlæi dum surgit ad Astra,
Felices Annos invita fatebitur Ire
Invidia, & major quando obice creverit Heros,
Ipsa suos flebit quos illi inflixerit ictus,
Figet & in proprium pectus, sine crimine, dentes.
Nullus jam Percussor erit, qui vulnere speret
Lædere ab incluso servatum Numine pectus.
Quæque petiverunt memorandum in sæcula Nomen,
Nunc elusa cavos subeunt mendacia folles.
Sic quæ per Noctem Stygiis sese extulit Umbra
Sedibus, humanas assumpta ut imagine Mentis
Terreat, ut lucem jam nunc instare propinquam
Senserit, infernis, (veluti formidine formæ
Ipsa suæ perculsa) iterum se condit in oris.

Tho. Foley, Trin. Coll. Socio Commensalis.

ACADEMIÆ CANTABRIGIENSIS.

Dialogus inter Vatem, & Pacem.

Vates. U^NDE? & quo tendis nostris novus advena terris?
Ignotum ad Britonas quis Tibi monstrat iter?

Pax. ANNA dedit facilesque vias, ventosque secundos,
Per Mare, per Terras, Hâc duce, tuta fui.
Exul eram patria, diversa per æquora vecta;
Anglia mi patria est, Anglia Pacis amans:
Direxi huc cursum, effugiens Certamen & Iram;
Si nomen quæras, PAX vocor; ANNA Parens.
Pacis es, ANNA, Parens; Tua sum, Tua dicar oportet;
Ut Tua permaneam, dic modo, *Fiat*, Erit.

Vates. Hoc satis est, Numen firmat quod dixerit ANNA;
ANNA regit Terras, & regit Astra Deus.

Nobilissimo Viro Magnæ Britanniae Thesaurario.

D^IGNE Pater Patriæ, Britonum fidissime Custos,
Quis Te, quisve Tuos scribere possit Avos?
Tentat Bentleius; quanquam valet Ille Loquendo,
Vix valet Ille Tuum dicere, Magne, decus.
Quam Fortis steteras, animæ quam Prodigus altæ,
Guiscardus sacrum dum fodit ense Latus!
Tum vere inferere Anna oculos in pectore posset,
Anglia tum vidit quæ Tibi cura sui.
Virtutem illa Tuam monstrabat Plaga; probare
Pectora non poterant Inviolata Fidem.
Vivis; vive, precor; Te nulla Pericula tangant:
Qua per Te fruimur, fas Tibi Pace frui!

Rob. Parran. S. T. B. Trin. Coll. Socius.

JAM Bellicosus pone Modum sonis
Pimplei dulcis, jam fileant tubæ;
Nec rauca pergas inquietâ
Tympana sollicitare dextra.
En te reposcit tibia, te Lyræ
Suaves susurri, te Citharæ leves,
Spirare jucundos amores
Propter aquas solitæ perennes;

Lætos

GRATULATIO

Lætos Amores, cum procul abforet
Bellona, nec dum Virgineo choro
Invisa Virtus evocaret
E Thalamo juvenes ad arma.
At nunc amantem blanda tenacibus
Pax reddit Ulnis; nec dolet amplius
Relicta Phyllis, frigidæve
Illacrymat Viduata Nocti.
Quin nunc amores inter & Oscula
Referre magni prælia nominis
Juvat reversum, & bella, nuper
Flandria quæ miseranda vidit.
Glebam eruentes Flandria fertilem
Duras Equorum viderat Ungulas,
Messēque Speratam dolebat
Heu! tenera Morientem in herba.
Atqui colonis arva querentibus
Abrepta, Messis spem prius irritam
Rependit hostili Britannus
Sanguine cum saturaret Agros.
Vides ut alto vertice stet seges,
En ut triumphans herba jacentibus
Insultet, hastatæque aristæ
Corpora quæ Nocuere subdant!
Secura pubes demetit horrei
Onus laborantis; juvat impigram
Legisse fruges, & peracta
Messe dies agitare festos.
Arguta jam nec fistula, nec leves
Silent avenæ, nec chorus interim
Cessabit agrestis Virorum
Quos poterunt iterare versus.
Rudes poetæ, magna, tibi tuas
(Quod tu canendi feceris Otia)
Non invidébunt, ANNA, laudes,
Digna cani meliore plectro!
Sed nec recuses quæ tibi gens dabit
Inculca, quæ nos; forsitan hæc tuo
Dignata si rides Ocello,
Musa Melos canet invidendum.

Johan. Cooper, Aul. Trin. Alumna.

ITE

ACADEMIÆ CANTABRIGIENSIS.

IT E triumphales pompæ, Martisque secundi
Exitiale decus; valeant damnosa tropæa,
Et rauci armorum sonitus, & inutile fulgur:
Hæc celebrata fatis, dum longa Britannia duræ
Tædia militiæ, funestaque bella trahebat.

Tunc Illa haud sensit, fervens certaminis æstu,
Vulnera quam furtim stillent, quæ cæca triumphis
Exurgat clades, terramque ut pauperet almam
Laurus in immensum crescens, ac sidera tangens,
Divitiasque Soli, succosque exhauriat imos:
Fluctibus at belli exultans, velut æquore puppis
Irato invehitur plenis jam turgida velis,
Ventoso tumuit fastu, ferrique procella
Gestit, & sævis inflata superbiit undis.

Scilicet ut correpta domus crepitantibus ardet
Ignibus, & flammis jamjam ruitura coruscat;
Dumque renidenti rutilant incendia cælo
Et late terrent populos, Vulcania pestis
Urit, & illustres avidè depascitur ædes:
Albion haud aliter streperis cum fulsit in armis;
Splendidius periit victrix, & lumine damnis
Accenso, claram traxit labefacta ruinam.
Usque ardens adeo virtus, dum gloria rerum
Inclita lucebat, vires absumpsit, & artus,
Et penitus tecto liquefactas igne medullas.
Victrices inter Lauros, spolia inter opima,
Heu quot pertulimus miseri dispendia belli!
Ah procul a patria quoties Mavortia classis
In fera fata viros rapuit, mortemque cruentam,
Trans pelagi fluctus, atque irremeabile marmor,
Immeritos! quoties vis abstulit invida venti
Nascentem florem, immaturaque pignora ruris!
Vix devota magis Lethæo corpora Diti
Lurida per Stygiam subvectat cymba paludem.
Hinc viduata suis sterilescunt arva colonis;
Hinc vacuæ exhaustis revirescunt civibus urbes;
Hinc inter densas nympharum rara juvenus
Pubescit turbas; absentem quæque puella
Ingemit Heroa, & raptos suspirat amores:
Non madidi fletus vigiles sub pectore tedas,
Non lacrymæ extinguunt: sed flamma virgo calefcit
Acrius amissa, multoque impensius ardet.

K

At

G R A T U L A T I O

At nunc sopitis tandem Pax undique bellis
 Aurea, ceu Phoenix defervescente favilla,
 Exoritur; redeuntque simul Saturnia regna,
 Almaque libertas, & amæni gratia ruris,
 Et tranquilla quies, & pleno copia cornu.
 Fructibus en quantis oneratur Nautica pinus!
 Quas sulcata novas effundunt æquora menses!
 Aspice! conjurant gentes ditare Britannos
 Donis quæque suis; huc toto corpore sudat
 Nereus, & cunctis connititur Æolus antris.
 Nam quales hinc inde volant, liquidasque per auras
 Aeris spatiantur apes, & roscida passim
 Mella legunt, referuntque domum, cellisque reponunt:
 Haud secus alatae naves vada falsa pererrant
 Innumeræ; celeri cursu, mora nulla, vagantes
 Qua seu cunque fremit pontus, ventive susurrant,
 Naturæ populantur opes, gravidæque volatu
 Vix revehunt tardo collectas undique merces.

Quin etiam Strages hominum, fatigue ruinas
 Instaurat genialis Amor; jam fervidus urget
 Blandum opus, & mundo fecundis incubat alis:
 Cernis ut emergit succisa Britannia ferro
 Lætior, & falcem ceu passa repullulat arbor,
 Usque reflorenti pergit sobolescere fætu.

Certatim interea Britones, Gentisque remotæ
 Te, Regina, canunt, cujus mitissima virtus
 Compressit belli rabiem, positoque tumultu
 Imperium dat Cuique suum, sua Cuique rependit,
 Pacatumque æquo libramine temperat orbem;
 Siderei dum terra poli micat æmula, spargens
 Æthereum decus; & diffuso lumine ridet.
 Sic ubi componit turbatas Æolus undas,
 Et nova pugnaces ventos in fœdera cogit,
 Horrida tempestas cedit, liquidissimus humor
 Diffluit; & justis libratum sternitur æquor
 Ponderibus, veraque refulget imagine cæli.

Quin age, tu, cujus Parnassia munere Laurus,
 Et tarde nimium crescens florescit Oliva,
 Casta Minerva, precor, penitus restingue furoris
 Reliquias, & adhuc gliscentes Cæsar's iras:
 Ex ANNA didicit furialia bella movere;
 Discat & ex ANNA placida requiescere Pace.

Joh. Warde, A. M. Coll. Regin. Soc.

J A M

ACADEMIÆ CANTABRIGIENSIS:

JAM satis Europam Bellona exercuit armis,
Jam satis hostiles intonuere minæ;
Pax diro armorum longe clangore fugata
Incoluit nimium Barbara regna diu.
At nunc pacatas repetas, Concordia, Terras,
Nunc ANNÆ sacra restituare manu.
ANNA graves Bellatorum compescuit iras,
Claudit & æterna tristia bella fera.
Omnia promittunt pacem; tu porrigis arces,
Galle, tuas, timidaque oppida capta manu:
Haud ultra fama accensus fera bella probabis,
Te clades, Lodoix, edocuere tuæ;
Promisere tibi quam vana Oracula Vatum
Borboniam Mundi fræna tenere Domum:
Tantum arma in Terris Britonum valere, piæque
In Cælis ANNÆ tam valere preces.
Ecce etiam jam Belga ferox secessit ab armis,
Et repetit patrios Turba Britanna Lares!
(Ah tibi contingant quæ Gentibus Otia præstas,
Nec semper placeant Bella, Britanne, domi!)Mutuam amicitiam exercent hostilia Regna,
Jam nimis haud Batavo, Galle, propinquus eris.
Sit, labor, ANNA, tuus, tua Gloria, fœdere Gentes
Tam male compositas jungere posse pari.
Bella silent ANNÆ auspiciis, terraque marique;
Et placidos populos Otia tuta tenent:
Non ultra lufos flet Rustica Turba labores,
Arvaque Militibus depopulata feris;
Extremo rediens a mundi cardine, tutus
Jam premit externa Navita merce ratem
Omnibus ex æquo Pax utilis: ANNA, tuisque
Commoda ab auspiciis carpere cuique licet:
Ah pereat! quicunque, frui cum Pace dedisti,
Maluerit prædas stultus, & arma sequi.

Edvard. Northey Coll. Regal. Commensal.
ad Mensam Soc. Fil. Nat. Minor Hon.
Edv. Northey Eq. Aurat. Caus. Reg. Procu-
rat. Gen. & Reginae à Secret. Consil.

G R A T U L A T I O

PRECIBUS vere regiis, Ministrisque
 ANNÆ peritis, tandem depulsa excessit
 Armorum rabies; Jani Templum occlusum est;
 Mire decoras Pax tuta ostendit formas;
 Non lenes somnos graves corrumpunt curæ;
 Extera nostro non pinguescit cruore
 Tellus; clamores plateas nusquam complent
 Lugubres, nec pallefcit orbatî vultus;
 Fruges abundant; cessat nummorum Exactor;
 Tristes non metuit Debitor Calendas;
 Sub ulmi densæ molliter strato ramis
 Actos Triumphos, partas certando Merces
 Dinumerare licet, & strages nullas;
 Prædator Gallicus magno edoctus ictu
 Vicinas segetes dehinc vexare horrescet;
 Ad summum honoris apicem Bello evectam
 Vim Anglicam suspicimus: Nec tamen desunt
 Sanguinolentos protrahi qui æstus vellent;
 Qualis gens hominum dicenda vix nosco, at
 In Pacem minus, in Prædam heu! Nimis apta.

*Edm. Brome, S. T. B. Coll. Div. Joh.
 Evang. Soc.*

UT cum minaci murmure proruens
 Commisit Euris Æolus Africos,
 Pontumque de fundo refudit,
 Æneadum meditans ruinam;
 Simul profundi fluctibus æquoris
 Rex jussit alta voce silentium,
 Venti filebant, Jamque blando
 Æquora decubuerê somno:
 Sic æstuosos comprimis impetus,
 Et sæva belli fulmina: sic tuo
 Nutu feroces, ANNÆ, motus,
 Sic lacerum moderaris orbem.
 Quæ terra, vel Quæ flumina lugubris
 Ignara belli? Funera conspicio,
 (O triste spectaculum) & Jacentes
 Undique Semideûm catervas!

Et!

ACADEMIÆ CANTABRIGIENSIS.

En ! ut procellæ Letiferæ tonant !
Signis minantur signa, viri viris,
Teloque Telum ! Jamque Rivi
Tabo equitum, peditumque stagnant !
At O protervo læta negotio
Quousque Erinnyes lurida sæviet ?
Quousque finestis Enyo
Exequiis maculabit orbem ?
Cessate lites, spicula machinæ
Dormite leti ; claude Inamabilem
Gradive scenam ; Quo Perennis
Quo miseros rapit unda belli ?
Audimur ! atrox Luctus, & æneis
Stipata centum Bella Furoribus,
Iræque cedunt ! Jam Garumna,
Jam Rhodanus famulatur undis,
Doctus minores volvere vortices :
Tremiscit oris Maurus ab ultimis,
Teque, ANNA, justam, Te Potentem
Compositis Veneratur armis.
Jam Gallicanus fœdera Pandarus
Multa subactus clade tuebitur,
Nec ora mutabit revinctus
Compedibus Manicisque Proteus.
Quod si cruoris non satis hauseris
Mavors, sagittas prome reconditas
Ensemque defingas, In oras
Odrysias, Arabumque Lunas.

Tho. Asbby, Coll. D. Johan.
Soc. Commensal.

UNDIQUE diffuso complexa Britannia ponto
Terra potens armis, multisque superba triumphis
Impavidas alit usque Animas, Mortisque capaces.
Devictis olim Gallis, pulsisque superbis
Hispanis viguit Fama celebrata per Orbem.
Jamque memor patriæ Laudis renovare Tropaea
Prostratis ardet Gallis ; infecta cruore
Arva, per obstantes volitantem sæpe catervas
Marlburium, captosque Duces, & Marte secundo
Direptas Urbes nostri cecinere Poëtae.

L

Sæpe

G R A T U L A T I O

Saepe triumphali Pompâ Regina suorum
 Gaudens plaudente incessit circumdata turbâ
 Templâ petens, meritosque Deo persolvit Honores.
 Intonuit crebris Populi clamoribus Æther,
 Undique collecti procedunt agmine festo,
 Sacra Deo peragunt: Pueri, innuptaeque Puellae
 Effusi ad citharae cantum duxere Choreas.
 A N N A E dilectum nomen resonare solebant;
 Et retulit latitans vicinis montibus Echo.

At Regina alias curas, nova pectore versat
 Consilia, & Pacem quaerit, finemque laborum.
 En obstare tuis, Lodoix, conatibus ausa
 Foemina, Te victum repetita clade coëgit
 Cedere vincenti Palmam: cum tendere supplex
 Coeperis Ipse manus, & Foedera certa petebas;
 Protinus hostiles reprimat Placata suorum
 Ardore, *mollitque animos, & temperat iras.*
 Protegere oppressas gentes, cohibere superbas
 Hoc amat, & placidâ Mundum donare Quiete.

“ Quid juvat immensos, ait, usque subire labores?
 “ Emptaque quid prodest Anglorum caede meorum
 “ Gloria, si nequeam saevas componere lites?
 “ Nec suadebat enim crudelia sumere tela
 “ Laudis Amor caecus, nec fusi dira cupido
 “ Sanguinis exacuit gladios: tenuare potentes
 “ Gallorum vires, nimiumque retundere fastum,
 “ Hoc, Hoc audaces urgebat in arma Britannos,
 “ Meque reluctantem pepulit, variosque timentem
 “ Eventus Belli, mille & discrimina rerum.
 “ Sed cum parta salus Bello, & depulsa pericla
 “ Europae populis suadent ut tela reponam,
 “ Horrendas nolo lites sine fine movere
 “ Frustra, Fortunaeque vices tentare superbas:
 “ Quin fileant passim Gemitus, Luctusque; tumultus
 “ Infanos Belli reprimam, Martisque furorem.

Dixerat, extemplo *redeunt Saturnia Regna,*
Aspera compositis mitescunt saecula bellis.
 Nunc in amicitiam coeunt, & Foedera pangunt
 Gentes, haud saeculis temere violanda futuris.

Ecce triumphantes redeunt, & vulnera jactant
 Britones ardentes animis, & laude tumentes.
 Jamque novas artes exercent, jam nova quaerunt

ACADEMIÆ CANTABRIGIENSIS.

Confilia, & dulces animis meditantur Amores.
Victorum Victrix formosa Puella superbit,
Gaudet & Heroas, quos nulla injecta movebant
Tela, nec adverso glomerati ex agmine Galli,
Correptos molli tandem languescere Flammâ
Virgineis Oculis domitos, & Vulnere caeco.
Sic domat Angligenûm proles, cohibetque superbos
Gallos, ipsa suis tandem domitanda Puellis;
Ponit & iratos animos, vultusque minaces,
Et blandas voces, & mollia verba susurrat
Foemineis animis grata, & suspiria ducit.
Aspirant votis blandae facilesque Puellae,
Solis & ardores passos, & longa laborum
Taedia Formosae magna mercede rependunt:
Depositoque metu Sponsalia laeta Parentes
Expectant, Taedasque parant, castosque Hymenaeos.

Salve certa salus Populis, & grata Britannis
Pax manibus gestans ramum frondentis Olivæ.
Te pulsam revocat tandem miserata laborum
ANNA peractorum, tutam stabilitque Quietem.
Jamque artes Pacis colere, & Socialia jura
Exercere, suosque jubet Florere Britannos.

Geo. Fenwick, A. M. Coll. Div.
Johan. Socius.

Ad Lyram a Se recens inventam.

O Graves æstus animi tumentis
Blande centenis cohibere nervis,
Dic age, *intactum* recinatque Camus,

Barbite, *carmen*:

Cujus ad ripas vacuum revisit
Phœbus aurata citharâ decorus,
Et *novo* pulsare dedit canoras

Pectine chordas.

Tu potes Mauri rabiem leonis
Flectere, insanus tibi cedit Auster,
Et silent raucis agitata ponti

Murmura ventis.

Civium

GRATULATIO

Civium tandem fera corda mulce,
Queis furor linguas acuit rebelles,
Tetra queis Discordia felle pectus

Imbuit atro.

Dum tubæ clangor, Britonum feroces
Quæ solet mentes furiare in arma,
Personet lætum moderantis orbem

Laudibus ANNÆ.

Audient gentes sub utroque mundi
Axe, quid nutu potuit timendo
ANNA, quid pollens animo sagaci Har-
leius ingens;

Frangat ut Martis rabidi furores
Alma Pax, mœstasque serenet urbes,
Aureo & terris redeat superba

Copia cornu.

It comes Virtus, rigidus satelles
It pudor casto speciosus ore,
Et Fides, & Fas, Pietasque puro

Splendida amictu.

R^{us} Long, A. M. Aul. Pemb. Soc.

*Ad Nobilissimum Virum ROBERTUM HAR-
LEIUM &c. Magnæ Britanniae Thesaura-
rium.*

DUM tu Brittannæ invigilas, Harleie, saluti,
Sanguine nec nimio parta tropæa probas;
Dum mundo, atque Tuis, magnæ felicibus ANNÆ
Auspiciis Pacem conciliare studes;
Frustra grandi obstat turba importuna labori,
Mille moras nectens callida, mille dolos:
Nam tua, ceu Palma ingenti sub pondere surgit,
Quo magis oppressa est, floret Oliva magis.

Hen. Drax, Coll. Magd. Socio
Commensalis.

NYN

ACADEMIÆ CANTABRIGIENSIS.

NΥΝ συγεῖς Πολέμοιο μῦϑ', ἢ δ' ἔπ' ἀκόντων,
 Συείγων τ' ἐνοπῇ, καὶ ἀρήϊα ἔργα πέπαι'),
 Μηκέτι λυγραίης Βρεϊτάνις γαῖα θειάμβης,
 Καὶ φόνον ἡμιθέων αἰάζεις ἄγχιον ἀνδρῶν.

Τίς πότ' ἀνευ δακρύων χαλεπαῖς δύναι' ἐν πρᾶπίδεσσι,
 Δεῖνον ἔπισκέπλειν ἔργον Βλοσυρώπε' Ἀρηϑ' ;

ὦι μέλ' Ἀσεροπὴ κορύθων ὁμαδός τε, ἔ' αἶμα,

Περθόμεναι τε πόλεις, αὐτὴ τε, Πτόλεμοί τε.

Τὸν δ' ἄτον πολέμοιο κακῶς ἐδαμάσασαο Πλήγαις
 ἌΝΝΑ, φάος κόσμου, χαλκίοις δῆσέ τε δεσμοῖς.

ὦς ὅτε μὲν Δαναῶν ξιφεί κλονέεσκε Φάλαγγας,

Ἐχέει χαλκίῳ κατὰ μύξαο Πάλλας Ἀθήνη.

Δητὰ βίῃ κρατερῇ πολέμοιο ἐκίδναί' ἐπ' αἶαν,

Ὀλλύντων τε καὶ ὀλλυμένων ὀρυμαῖδός ὀρώσ',

Δήθ' ὀλοφύρομενοι παῖδας σενάχοντο τοκῆς

Κτεινομένων, παῖδές τε τοκῆας μηκέτ' ἔοντας.

Ἀλλὰ σὺ μὲν Βασιλίδ' ἌΝΝΗ πολύφημ' ἔδωκες

Εἰς ἑλῶς Ἀγίλοισι μῦθ' ἐν ἀπήμοισι θεσμοῖς,

Δυσμυρέων περ φύγεσθαι μόλον, πολέμῳ τε θυέλλαν.

ὦς ὅταν ἴς ζεφύροιο ἢ ἀργέσας Νότοιο

Ὀρνύ', αἰγιαλῷ βρέμει εὐρέα νῶτα θαλάσσης,

Νωλεμέως, ἰάχῃ ὕλη, τρημέει δὲ κάρηνα

Ἵψηλῶν ὀρέων, φείσσει δέ τε γαῖα καὶ ὕδωρ

Νήρεϑ', ἐξ ἀνέμοιο πολυπλάκτωιο ἰωῆς.

Ἀλλ' ὅτε βένθος ἀλὸς πολῆς λείπεσθ' Ἀφροδίτη

Φαίνε'), ἡσυχίῃ πόντος, καὶ κύματ' ἀτάλλει,

Γηθοσύνη τε καλῆς θαυμάζε' ὁμμαί' Ἀνάσσης.

Francis Revel, Aul. Pemb. Alum.

AD V E N I T expectata, magis Pax grata morando :
 Hac mercede moræ, quæ tenuere, placent.

At quisnam Europæ Gentes sociâ arma secutæ

Vanus sollicitat pectora vestra timor ?

Quid pacem amplecti auspiciis dubitabitis A N N Æ,

Sub quæis Mavortis tam bene cessit opus ?

M

Ecquis

GRATULATIO

Ecquis sanguineas optet crudeſcere pugnas
 Immemor, illuſtres quot cecidere viri?
 Nunquam erit Europæ Libertas ſalva, putetis,
 Dum ſint Borbonia Gallica ſceptra manu?
 Fruſtra igitur Batavi poſcunt munimina; Gallus
 Fruſtra urbes Batavis tradidit ultro ſuas?
 Ipſe dedit Lodoix quo ſe defendere poſſint,
 Si quas intentent ſæcla futura minas?
 Gaudete O Batavi! vos munera pacis amatis;
 Vobis ante omnes merx peregrina placet.
 Clauſtra tenent Jani portas & mille cætenæ;
 Flandria, ſed veſtras jam ſera nulla tenet.
 Miles Io! reſcit a caſtris: jam projicit arma,
 Atque reliſta diu ruruſus aratra petit.
 Gaudete Angligenæ! tandem ſua commoda curat
 Anglia; neglexit rem fatiſ illa ſuam.
 Jam Nautæ tendant ventis ſinuoſa ſecundis
 Carbaſa, Pacifici qua tumet unda maris:
 Hinc aurum, reparet quod opes, impendia belli
 Quas longi hauſerunt, claffiſ onuſta ferat.

Gul. Norton, A. M. Coll. Regal Soc.

VENISTI tandem? tuaque exoptata tuemur
 Ora iterum, Pax alma! iterum Te mœſta fruetur
 Anglia? Te lento collifa Europa duello?
 Nec fretam auſpiciis ANNÆ divellere noſtro
 Amplexu externæ potuit fallacia gentiſ,
 Incaſſumque moræ nexæ; vel prava jubentum
 Ardor, & inſanas agitans Diſcordia mentes?
 Quo vero! quo, magna Hoſpes, poſt multa ſuorum
 Funera, poſt ſumptum ingentem, varioſque labores,
 Excipiet digno ſervata Britannia plauſu?
 Quid, Regina, Tibi meritiſ pro talibuſ unquam
 Reddemuſ? Dii dent grateſ, & præmia ſolvant!
 Pacatuſque tuos Orbis teſtetur honoreſ,
 O Decuſ Angliacæ gentiſ, dum Paciſ amœnæ
 Florebunt arteſ, & Paciſ amabile nomen.
 Nec Te, ſancte Pater, cura indubitata Deorum,
 Mœnia Trajecti Quem noſtriſ invida terriſ
 Præſidium Europæ ſervant, volvenda tacebunt

Sæcula.

ACADEMIÆ CANTABRIGIENSIS.

Sæcula. Te squalens incomptis Suecia campis,
Justitiam mirata gravem; Te grata loquetur
Gallia; crudeli Te functa Hispania bello;
Te Batavus; Martisque truces experta furores
Flandria; consiliis claro, cui plurimus (olim
Dicetur) Rex imperii commisit honores,
Fortunasque suas: ante omnes læta salutat,
Maturumque petit reditum, nec dum Anglia Pace
Expletur sine Te. Cur gaudia nostra moraris?
Usque adeo incumbis studio? gentique Britannæ
Consulis? & Paci, quam nondum percipis Ipse,
Invigilas? quanta hæc Virtus! Sic fama Catonem
Deserta errantem Libyæ, ferventia regna,
Militibus memorat fontem ostendisse, sed Ipsum
Extremum gustasse inventi pocula rivi.
Respice sollicitos pro Te, Vir magne, Britannos;
Proximus & nobis cum cælo condere pacem
Sit labor, ac pravo reduci succurrere sæclo.

O fortunati nimium! quid quæritis ultra
Perversi Cives? & tantis invida rebus
Seditio? non est toties cur fulminet armis
Malburus, egregius quantumvis Marte ferocem
Contuderit Gallum: luimus crudelia belli
Supplicia, ingentes & desolavimus urbes
Desolati ipsi: testatur Iberia luctus; —
Nec semel Angligenum spumavit sanguine Mola:
Quos Scaldus premit Ille Viros! — Artesia vidit
Lumina quot cecidisse Ducum! — gemit omne ruinis
Oppressum latus Europæ, queriturque (nefandum!)
Luxuriare agros humano sanguine, nec jam
Cultores superesse. — En! hæc Mavortia, Cives,
Gloria? Fas quærat diversas Patria laurus
Nec bello fictum, verum at de Pace triumphum.

Regna neque Hesperix, semper cedentia retro
Prendimus: Hesperix, quibus hoc, Fortuna, dedisti,
Cedatur solium: nil fata adversa moramur.

Nec raptas queritor palmas, avulsaque regna,
Quin proprios, Germane, velis defendere fines;
Neu rursus infidos belli tentare tumultus,
Bleinhemiasque acies; quo si Brittannica virtus
Cesserat, Austriacas Miles venisset ad arces
Celticus, & versis fleret Germania fatis.

Non

GRATULATIO

Non tibi jam rerum facies invisa tuarum,
Culpatufve Anglus, sed summa potentia Cæli
Abnuit, Hispanoque vetat confidere regno.

Aspice sublatas librato examine lances,
Quas Deus ætheria signum sublimis in arce
Extulit, & tristi jussit secedere bello:
Illic fortunamque tuam, viresque Philippi
Cognoscas licet, & quo vergat pondere fatum.

Gilbertus Burroughs, Coll. Regal. Soc.

PACIS opus Mundo meditata est ANNA petenti;
Atque imploratum jussit adesse Diem.
Sit facer ille Dies! blandi stent Aere venti:
Et placida in Vernis dormiat Aura rosis.
Audierim nullos tam fausta luce tumultus,
Sint, Pater, & cæli regna serena tui.
Cælum, Magne, regas: Tellus nam paret ubique,
Et Tua jam totis ANNA timetur Aquis.
Tuque O Cara tuis, proles dilecta Stuartum,
Ultima quæ a magno sceptrâ tueris Avo!
Sume triumphales Currus, & in ora Tuorum
Sæpe loquenda, olim, sæpe roganda, Veni.
Nunc O, nunc oculos liceat satiâre videndo
Præsentem, Æternæ te Decus Historiæ.
Nonne vides, venit ad celebrem nunc æmula Pompam
Isis; & Harlæi jure, superba venit.
Et Duce Læta suo, quamvis Tibi proxima longe
Succedit currû proxima Granta tuo.
Ante volans (dulci quantum sub pondere fas est
Nam gemini Infantes Ubera plena gravant)
Spargit opes, spargit suaves Tibi *Copia* odores,
Lilia, vos pedibus, Te quoque Laure, Comis.
Accensaque *Fides* tæda præmonstrat Eunti
Gressus; & *Pietas* ipsa ministrat iter.
At *Fama*, æternum quæ nunc tibi serviet Uni,
Solum hinc imperiis officiosa tuis,
Augustæ super arce sedens, gaudentibus Indis
Auditam & Medis personat ore tubam.
'ANNA Duces Regesque gravi discedere Bello,
'Tam sibi quam cunctis Imperiosa, monet.

ACADEMIÆ CANTABRIGIENSIS.

‘Illa prior, prior Illa, genus quæ ducit Olympo
‘Parcit; & innocuas abstinet alma manus.
‘Hinc petite exemplum, fera vos mortalia corda;
‘Quæ tanta in sterili pulvere Fama viret?
‘Fortis ad arma venit, venit hæc sed candida Dextra,
‘Si furit, Infelix, dum furit, odit opus.
‘Odit, & innumeras testatur mœsta per umbras:
‘Humanus sanguis res pretiosa nimis.
Ergo, magna, Tibi æternum *stant* Oppida Nomen;
Inque tuam Historiam Rura diserta virent.
Hoc Natura velit, Zephyrusque emat omnibus Auris;
Hoc tu Concordi lumine, Phœbe, vides.
Sic te Sic decuit *Laudari*; crescite silvæ,
Et suavi eloquio floreat omnis ager.
Infantumque manus ludentum ad limina prima,
Et fusa ad patrios Rustica Turba Lares;
Cælo eductæ ædes, & stratum Navibus Æquor,
Hæc sint imperii libera signa tui.
Sis longum O felix Populi sanctissima Mater,
Hoc nos; Hoc Mundi publica Vota rogant.
Usque tuæ crescant (possunt hæc) tempora vitæ,
Et qui non poterit crescere, Constet Honos.

Gulielmus Bateman, Coll S^ti Petri
Socio Commensalis, & *Jacobi*
Bateman Equitis Aurati Filius
natu maximus.

Ad REGINAM.

Q UIS numerosa Tui referat miracula Regni,
Aut possit digna Te celebrare manu?
Pingere quis valeat varios sine fine Triumphos?
Ingens Mæonidis, grande Maronis opus.
Tu Pacis Bellique potens; victoria Tecum
Pugnat, dum Sceptro pax sedet, ANNA, tuo.
Vincere cum poteras, Victrix discedis ab armis,
Et felix jam Te non timet Orbis, amat.

J. Paris, A. M. Trin. Coll. Soc.

GRATULATIO

CLANGOR Tubarum sat miserabilem
 Vexavit Europam, inter & asperos
 Martis laborantes tumultus
 Sat timidæ siluere Musæ.
 At nunc Camœnæ, plectrâ sonantia
 Movete lætæ, nunc temere modos
 Tentate inæquales, melosque
 Dulcisonis iterate chordis.
 Pax ecce! fesso mitior aspici
 Affulget orbi, jamque Britannicos
 Colit recessus, & sub ANNÆ
 Auspiciis Dea pulchra prodit.
 Bellis secundos reddidit exitus
 Regina victrix, fœdera Galliæ
 Dedit paventi, & corruentem
 Composuit sine clade Mundum:
 Te non timentis funera Belgiæ
 Duræque tellus audit Iberiæ,
 Minis remotis, inque pacem
 Depositis coeunt duellis.
 Sed auspicatæ regna Britannia
 Pax lætiori conspicit omine,
 Dum fœderatas ANNA gentes
 Imperio moderatur æquo;
 Illam Salus, & candida Faustitas
 Illam refertis Copia cornubus
 Stipant ovantes, Gratiarum
 Atque hilaris comitatur ordo:
 Sic quando Latmi per juga Cynthia
 Ducit choreas, undique Montium
 Nymphæ sequuntur, gestiuntque
 Pacificam celebrare pompam:
 Aut quando sedes Idalias Venus
 Decora visit, Mille Cupidines
 Volant per aures delicato
 Agmine, conveniuntque Divam.
 Fallor? reversos an video duces
 Multo decoros pulvere, nobili
 Palmaque, gaudentes & ANNÆ
 Ante pedes posuisse laurus.

Fallorne?

ACADEMIÆ CANTABRIGIENSIS.

Fallorne? cerno an fœderis Arbitros
Jam navigantes littore Belgico
Velis secundis, atque ramis
Tempora Palladiis revinctos.
En! en! Britanni vocibus undique
Lætis triumphant, plausibus Insula
Sonat canoris, gaudioque
Attoniti salit unda Cami.
Sic post Gigantum cælicolum Pater
Subegit iras vindice fulmine,
Sedes Deorum murmurâre
Lætitia ætherioque plausu.

Guil. Clarke, Coll. Div. Johan. Alum.

*Ad Honoratissimum Dominum Dominum
ROBERTUM Oxonii Comitem, & Comi-
tem Mortimerum, Summum Magnæ Bri-
tanniæ Thesaurarium.*

PACIFICOS inter Princeps numerande *Beatos*,
Accipe, quæ *Paci* carmina Granta Sacrat.
Accipe parva licet, nec munera parva recuses,
Dicitur & summo Far placuisse Jovi.
Pallada nostra tuam comitetur Mula, perennes
Et Citharam in laudes pulset Apollo tuas.
Munera det Phœbus, nec respue, si gerat arma,
Scalpellum lateri non parat ille tuo.

Ph. Foley, A. M. Coll. S^{ti} Petri Soc.

ΑΘΑΝΑΤΗΝ βασίλισσαν αείδετε πάντες αοιδοὶ
Μεζάρων θεράποντες ὁμόφρονες, ἡδυέπεια
Μῆσαι Πιερίδες ἑωαεῖδετε, Φοῖβ' αοιδῆς
Ἀρχόμην' λιγυρῆς ἔσω πάντεσιν ἀγῆτωρ·
Δεῦτ' ἄγετε ξυλὴν ἌΝΝΗι ἐντύνετε μολπῇ,
Σὺν δὲ καὶ ἡῖθεοι, καὶ παρθένοι, ἡδὲ γέροντες·
Βραχιάδαι, νῦν ὑμμι φόως κάλλιπον ὄρωρεν,
Ἑσυχίαν ἀπῖναχ' ἀένναον ὑμμιν ἀνασσα,

Εἰρήνιος

GRATULATIO

Εἰρήνῳ καλῶντε καὶ ἡϋθέμεθλον ὅπασεν,
 Ὑμνὲ Μᾶσα λιγεῖα θεοῖς ἐπιείκελον ἌΝΝΗΝ.
 Εἰρήνῳ ἔσπρε διάμπερες ἡμάτα πάντα,
 Νώλεμες ὄφρα μῦθον, ἵνα τ' ἀφθονα πάντα παρέσω,
 Χάζεσθ' οἷσιν ἔρις τε φίλη, πόλεμοι τε, μάχαι τε,
 Ὃς τέτων ἔραται ἀθέμιστος ἀνέσιός ἐστιν,
 Παρ δέ μοι εἰρήνη, καὶ μιν παρὶ κῆρ φιλήσω.
 Αἰνὲ Μᾶσα λιγεῖα θεοῖς ἐπιείκελον ἌΝΝΗΝ,
 Ἀρλαῖον πάντας θ', οἱ μὲν βεληφόροι ἦσαν,
 Οὓς διὰ πρῆσις ἌΝΝΗΣ ἔτελείετο βελη.
 Ἦδε κακῶν ἀνδρῶν μάλ' ἀνήνατ' μήδεα πυκνά
 Εἰρήνῳ πμύτε φέρεσθ' εἰς πατείδα γαῖαν.
 Ὑμνὲ, Μᾶσα λιγεῖα, θεοῖς ἐπιείκελον ἌΝΝΗΝ
 Παύσατ' γὰρ βροχόλοιγον Ἀέλω ἀνδροκτασιῶν
 Μὴ κλόνῃ ἡμετέρῳ κραδίῳ, μὴ τάρβῃ ὀρίνῃ,
 Εἰρήνη πάντας ζωεύξασθ' ἡδέϊ δεσμῷ,
 Εἰς ἐτέρῳ γαῖαν ὑποείκε' ἔλθῃ Ἀρης;
 Ὑμνὲ Μᾶσα λιγεῖα θεοῖς ἐπιείκελον ἌΝΝΗΝ.
 Καμιάδες Νύμφαι ὅπα λειρόεσαν ἱᾶσι,
 Νῦν γὰρ ἰδὲ ἔαρ ἦλθε, παρώχηκεν δέ τε χεῖμα,
 Σκιδναμῶν πολέμῳ νεφέων ἀνεδέδρομῳ αἴγλῃ,
 Ὡς μὲν φίλῃ ἦλθε, γέλασε δὲ πᾶσα παρὶ χθον;
 Ὑμνὲ Μᾶσα λιγεῖα θεοῖς ἐπιείκελον ἌΝΝΗΝ.
 Παντοίαις ἀρεταῖς διακόσμεῖς φύλα γυναικῶν.
 Πασάων παρὶ τ' ἔστι νόσος, παρὶ τ' ἔστι καὶ ἔργοις,
 Νῦν δὲ τὸ δὴ μέγ' αἰετον ἐν Ἀγλαίοισιν ἔρεξας,
 Καί σε θεοδέα πάντες ἐπαινέσῃ γυναῖκα,
 Ὑμνὲ Μᾶσα λιγεῖα θεοῖς ἐπιείκελον ἌΝΝΗΝ.
 Εἰρήνη τεθαλῶα θεοῖς ἐνὶ δώματι εἴη
 Εἰν αὐλῇσι τεῇσιν ἅμ' εὐθενίῃ ἐρατείνῃ
 Αὐτοκαταγνήτῃ εἰρήνης ἡμερθέας.
 Καὶ σοὶ δῶρα θεός, θαλίῳ τε, χάριν τε, διδοίη,
 Ὅλβον, καὶ πλεόντων ζῶντε διάμπερες αἰεῖ;
 Ὑμνὲ Μᾶσα θεόν τε, θεοῖς τ' ἐναλίγκιον ἌΝΝΗΝ.
 Κέλῃ, καὶ Βρέτανοί, Βέλγαί ἄλλοί τ' ἐπίκροτοι,
 Πάντες ὅμως ὑμνεῖτε, καὶ ἌΝΝΗΝ κλείετε πάντες,
 Αὐτὸς δ' ὅπως μοι Κῆραι Διὸς ἰσορὲς ὦδῃς

Ἐλθεσ'

ACADEMIÆ CANTABRIGIENSIS.

Ἐλθέσ' εἰς ἥτορ λίγυρῳ ἐδιδάξαν ἀοιδῳ,
Κίωσ' καὶ Δάφνι κροτάφους πεπυκασμένῳ ἄκρας,
Φόρμιν γλαφυρῇ καλὸν μέλῳ αἶεν αἶψω.
ἌΝΝΗΣ ἀντιθέε ἀρετῷ βέλας τε σινάπῳ
Εἰρήνῳ γλυκερῷ πρῶτόν τε καὶ ὕστατον ἄσω.

Johannes Price, Trin. Coll.

*Ad Episcopum BRISTOLIENSEM Privati
Sigilli Custodem.*

HACTENUS Arma, graves Classes, Palmasque cruentas
Heroo cecinit Martia Musa pede:
Nunc Argumentum numeris levioribus aptat
Mollius; & Pacem Pacis Alumna canit.
Quid potius canerent Musæ, Quid Præses Apollo,
Quam per quod Musæ, & Præses Apollo vigent?
Pace vigent Artes omnes: Heliconia Turba
Hinc acres animos ducit, opesque suas.
Ite leves Nugæ Sacras ad Præsulis aures
Verbaque Honorato ferte legenda Viro:
Cui prius Hos cantus, & Tenvia Dona feramus,
Quam Tibi, Qui hæc Nobis Otia tuta facis?
Tu modo, per Quem parta Quies optabilis Orbi
Ductu ANNÆ, & magni numinis auspiciis;
Cujus ab Ore suis petiere Oracula rebus,
Fata requirentes Corde micante, Duces;
Jam, postquam Eximia perfunctus munere laude
Explêris, Tibi quas credidit ANNA, vices;
Arride o facilis, tenues nec sperne Camenas,
Nostraque non dura Carmina fronte legas.
Illa quidem Vestros oculos indigna morari,
Neve satis cultis auribus apta sonant;
Qualiacunque tamen, Vota inter Publica, Nostras
Testantur grates, Officiumque pium.
Et Nos Tecum Ingens æquor tranavimus, & Nos
Pars sumus e numero quantulacunque tuo.
Quali ego Te vidi perferre Tenore labores;
Tempora nec lucis credere longa Satis;
Communem dum prosequeris sine fine Salutem,
Inque pio Patriæ pectore Cura sedet?

O

Vota

GRATULATIO

Vota Catenatæ implerunt jam publica Curæ,
 Et Finem Pietas attigit Illa suum.
 O tandem Dimitte Labores! incipe tandem
 O Requie, Terris quam facis, Ipse frui!
 Et post Europæ decisa Negotia, postque
 Constabilita Orbis Fata potente Manu;
 Dilectos Tibi jam Britonas, Patriamque revise:
 Consilium Harleius poscit, & ANNA Tuum.
 Ante Omnes poscit Veneranda Ecclesia Mater,
 Teque decus sperat, Præsidiumque sibi.
 Illa dolet, lacrymis Oculos suffusa decoros,
 Et Bristolensem plorat abesse suum.
 Supprime ploratus: venit, & pretiosius illo
 Fert spoliū Æsonides Colchide quod retulit:
 Fert Pacem, Pacisque perennia gaudia, fert *se*:
 Nil deêrit votis Hoc veniente, Tuis.
 Hoc Rectore olim Caput altum ad sidera tolles,
 Cujus, juncta Mitræ, lambit Oliva Comas.

Exton Sayer, LL. B. Aul. Trin.

ERGONE tam lenti post tot discrimina belli,
 Post emptas Britonum generoso sanguine laurus,
 Pax nostras sero quamvis respexerit oras,
 Respexit tamen? & longo post tempore venit?
 Ergone venturæ specioso nomine Pacis
 Delusi toties, toties mox affore divam
 Admoniti, (semper retro dum cedere visa est)
 Nunc ipsam fidis oculis, nunc pectore toto
 Complexi accipimus? præsentiaque ora tuemur?
 Jam tandem patet O superi quid vincere prosit,
 Quidque juvet captos ostendere civibus hostes;
 Nec querimur steriles laurus & vana tropæa.

At vos O patriæ columen, vos nomina Gallis
 Formidanda, Duces, victricia ponite tela:
 Sat patriæ sociisque datum est: si Gallia telis
 Subverti posset, vestris subversa fuisset.
 Jam bene gestarum fructus decerpere rerum,
 Jam liceat vacuis cura bellicque tumultu,
 Gallorum memorare fugas vestrosque triumphos.
 Hinc jam longinquis toties effusus in oris

Tutus

ACADEMIÆ CANTABRIGIENSIS.

Tutus in Angliaco labetur pectore sanguis.
Nulla vices belli mater damnabit iniquas;
Nulla soror patriæ successus mœsta videbit,
Et consanguineo pretiosas funere palmas.

At cur tot mœsti media inter gaudia vultus?
Cur præfagia dira, atque illætabile murmur,
In vice tam læta, tam Divûm Numine plena?
Quid Petis, Angliaci proh prodiga turba cruoris!
Usque adeone juvat rigidum producere bellum
Dum nil restiterit parta quo Pace fruamur;
Et propter pugnam pugnandi perdere causas?
Finge etenim nostra semper sine clade triumphos
Affore, successusque novis successibus auctos,
Ecquid ab everso peteretur grandius hoste
Quam quod finitis Pax ultro cladibus offert?
At vobis semper fixum immotumque sedebit
Credere nil rectum, nil non fatale Britannis,
Quod vigil Harlæus sollerti e pectore promit.
Displicet ipsa salus, non rerum copia dives,
Non secura Quies, & apertis Otia portis,
Indivulsus Amor, Commercia sparsa per orbem
Hoc Auctore placent. Scelera ipsa nefasque placebunt
Harlæi tantum fidis conatibus obstant:
Et dabitur sica vel grassatrice mereri
Et veniam & laudem, invisam spirantia Pacem
Pectora dum feriat. Tanti est placuisse nocendo.
Talia jurati coeunt in fœdera Pacis
Harlæique hostes, hinc tot mendacia, Rumor
Diditus in vulgum, messisque ter ampla, libelli
Heu nimis incautum nati captare popellum:
Huc referas quodcunque moræ est, his artibus alas
Tardarunt Pacis, sed non his artibus alas
Præcidisse datum est. En advolat Aurea Virgo,
Quam placide ridens! en queis stipata ministris!
Cana Fides, & Vesta, oræ tutela Britannæ
Faustus adest Genius, spicis redimita capillos
Flava Ceres, variisque oneratus mercibus Hermes.
Sic maneat comitata diu, comitata diuque
Si per vos liceat, Gens irrequieta, manebit.

C. Snape, A. B. Coll. Regal Soc.

Ad

GRATULATIO

Ad Episcopum BRISTOLIENSEM.

TE, dulce Pondus, Quum sibi creditum
Pacis ministrum per placidas aquas
Vexit Phaselus, Fausta fertur
Sic Thamesis cecinisse Fata.
Frustra minaci murmurē Buccina
Perstringit aures; concitat horrida
Ad Bella nequicquam Juventæ
Pollicitus spolia ampla Mavors:
Frustra Impiorum Turba Rebellium
Obmurmurant, & dedecus in suum
Obstare Paci moliantur
Invidiæ stimulata Telis:
Turba rebelli & Marte potentior,
Tibique & ANNÆ difficilem licet,
Pacem reduces clariorem,
Et lacerum recreabis orbem.
Europæ ovanti quæ nova Gaudia
Ventura cerno! jam rabiem ferox
Miles reponet, jam remittet
Martis opus Gladiumque condet.
Heroi in umbram surget amabilem
Oliva florens, cui sua Brachia
Frondesque conjunget rigata
Sanguineo satis imbre Laurus.
Nunc & colono larga fidelibus
Insurget agris Messis, & otio
Dulci fruetur membra Pastor
Ilice sub patula reclinans.
Britanna classis per mare cærulū
Merces reducet littore ab Indico,
Et Patrias longe petitis
Divitiis cumulabit urbes.
Majora cerno. Sub Duce Te lubens
Terras reviset Justitia & Fides:
Et rursus antiquum nitorem
Religio rediviva sumet.
Dum victa Magnæ Gallia Fæminæ
Sentit Triumphos, Vindice Dextera
Firmantis Europam, decusque
Imperii bene sustinentis.

Chr. Lantrow, A. B. Coll. Div. Joh.
DUM

ACADEMIÆ CANTABRIGIENSIS.

Dum pedibus, Regina, tuis sua Vota, Precesque
Anglia submittit, dum circumfusa frequentat
Tota Europa tuam studiis ardentibus Aulam;
Accipias, Regina, tamen non ultima, spero,
Munera Mularum, & tandem tua Tempora circum
Victrices inter Lauros nunc serpat Oliva.

Vos Superi, Tuque ANNA jubes; Pax missa per Orbem
Impia sanguinei compescit Limina Jani,
Gentesque incipiunt positos mitescere Bellis.

Non metus hoc suadet, non tarda ad prælia Virtus;
Ipsi concedant Hostes, Extremaque Tellus,
Quid Tua Dextra potest, quantas Britannica Virtus
Dat Strages, quantæ nobis in prælia Vires:
Sed Patria Ecce vocat! Bellis attrita requirit
Patria securam nunc sola in Pace salutem!

Quo nobis nam parta fuit Victoria? nobis
Læta tulit tandem quid tot Fortuna per annos?
Sensimus Heu! frustra Præsentia Numina, frustra
ANNA Triumphatum Victricia signa per Orbem
Extulit; obruitur mediis Britannia Palmis
Quæsitisque aliis propria Virtute Triumphis.

Non Sic Bella placent, non Hæc ad prælia Merces;
Hoc vobis, pugnae Cupidi, lentique Duelli,
Hoc vobis fiat Pretium, quibus utile Bellum,
Et posita est in Marte salus; Jam funere raptæ
Tot Fortes Animæ, transfixaque Pectora ferro
Heu! saltem nobis redimant pro sanguine Pacem;
Credite jam Belli, & Cædis satis esse; ubi Nobis
Nostra perit Virtus, atque arma Britannia victrix
Fert manibus damnata suis: cum Patria ponit
Arma, deest armis tum causa; deinde secundos
Nec Fas est sperare Deos: pro legibus arma
Si geritis Patriis, & Majestate tuenda,
Ite bonis avibus; si Publica Commoda, si Vos
Ducit Amor Patriæ, adversis date funera Castris:
Sed vobis non Iste Labor.—Quæ vincere novit
ANNA, etiam victis novit concedere Pacem,
Europæque Iras media componere Dextra;
Hinc erimus, non Marte magis, quam Pace timendi,
Hinc Bello emeritis dabit Utraque Pallas honores.

G R A T U L A T I O

Quærite Vos, *Patriæ*, pugnas & bella, *Parentes*,
 Vulneribus Fratrum propriam Firmate salutem,
 Immemores Pacis studii;——sed Gloria nobis
 Hæc erit, Hæ nobis partes; Educere cælo
 Neglectis Nova Tempia Deis; in Fœdera Gentes
 Unire, & nunquam communi de'sse saluti;
 Otia non ignava referre; Artesque ruentes
 Tollere, & Exulibus nova condere Mœnia Musis.

Gulielmus Antrobus, Coll. Regal. Soc.

PONITE tela, diu Galli dixere, diuque
 Dixere Angligenæ, ponite tela manu.
 Quod petiere utrique diu, tandem ANNA peregit,
 Tandem, quod cupiunt, Gallus, & Anglus habent.
 Jane Pater, Regina Tui jam limina Templi
 Clausit, & ut maneant limina clausa, precor.
 Non est, cur Martem extendat Britannia, belli
 Nec quæ justa fuit causa, perennis erit.
 Vos O! Heroes si sint qui sanguine gaudent,
 Et quibus est ludus flebile Martis opus;
 Vos procul a Nobis, procul ite ad Turcica Castra,
 Illic Relligio est nulla, nec ulla fides;
 At nobis est ANNA, Dei & pietatis imago,
 Defensor fidei, & Relligionis amans.
 Illa salutiferæ laurum postponit olivæ,
 Nec superare armis, sed pietate studet.
 Justitiam colit ANNA, feri non Martis honores,
 Hanc gaudet titulis inseruisse suis.
 Bella gerant aliæ gentes, populique furentes,
 Sed placidam Pacem Terra Britanna colat.
 O Tu, Quæ Scotos junxisti fœdere quondam,
 ANNA, & nunc Gallos jungis amore pari,
 Tu populos unire tuos enitere; Bella
 Cum sint nulla foris, sint quoque nulla domi.
 Turpe est, quam nequeunt externæ perdere vires,
 Anglia si pereat viribus ipsa suis.

Edw. Wells, Coll. Regal. Soc.

O Queis

ACADEMIÆ CANTABRIGIENSIS.

O Quæis futura in sæcula prorogent
Plenis honorum muneribus Tuas,
Regina, virtutes Britanni?
Succubuit nimio retusus
Fulgore rerum, difficili nimis
Penso laborans, ingenii vigor,
Mentisque robur. Ne Columnam,
Arte potens, statuas minorem.
Tractus per altos aetheris ardua
ANNAE vagatur fama; per atria
Caeli pererrat nota virtus
Unde animos & opes resumit.
Quid Marte possit, sensit Iberia;
Te Copias, Te consilium, & preces
Praebente Caelis, ANNA, gratas,
Monmuthius metit ense turmas.
Urgente fato erepta Batavia,
Rhenusque tutus milite jam Tuo,
Tinctusque Gallorum cruore
Danubius, celebrant perennes
Victorias, mercedem animi pii, &
Intaminatae iustitiae. Tuo
Laetabitur Martem furores
Arbitrio posuisse proles
Australis Indi; jamque receptui
Audit sonari, ensique recondito
Rubiginem, potor fluenti
Auriferi Libycus, precatur.
Civilibus paene obruta fluctibus,
Tranquilla stas, emersa Britannia;
Immota sicut Delos olim
Arcitenente stetit revincta.
Velata pannis prisca redit Fides
Albis; olivam Pax niveis ferens
Instat quadrigis; & ligatis
Consequitur manibus Tumultus.
Exul diu, sopita resuscitas
Tandem Britannis gaudia, amabilis
Concordia; inspiras amores
Litibus ac positis, Cupido.

GRATULATIO

Armenta permulta sobole augeas,
 Agros revisens, candida Faustitas;
 Plenoque tu cornu replebis,
 Copia, laetitia colonos.
 Tritonii sacra Veneri chori
 Concha canentes nomen amabile,
 Gratantur ANNAM temperantem
 Oceanum, dominamque Terrae.
 O si daretur carmine munera
 Cantare Te digno populis Tuis
 Quae Tu dedisti, fata ludens
 Integer haud morerer; superstes
 Miscerer aevi principibus viris
 Carus futuri. Quin, *Prior* optime,
 Haud sordidus tu Pacis auctor
 Munera perpetuare possis.

Johan. Newcome, A. M.
 Coll. Divi Johan. Socius.

ἮΣΤΟ Πάϊς Κερνίωνος, ἀπ' Οὐλύμποιο καρήνων
 Γλυῖ καλιδῶν, πεδίον τε, ὅπῃ ποτε Γάλλικος Ἄρης
 Κεῖτ' μέγας μεγαλωσὶ, κραταίαις χερσὶ δαμαδεῖς
 Ἰφθίμων Βρετάνων· θάμβῳ δ' ἔχεν εἰσορῶντα.
 Εὐρώπην δ' ἄρ' ἔπειτα Πατὴρ Ἀνδρῶν τε, Θεῶν τε,
 Ὡς ἰδὲν ἀργαλέαις ὀδύνησι, ἢ αἵματι λυγρῷ
 Τερρομήνῳ· πεσέροιο (ιδῶν) εἰ λήθεται ἔρωτ'·
 Ὡμωξεν ᾧ ἢ αὐτὸς· ἐπεὶ Θεοὶ ἰλέω εἰσιν.
 Εἰρήνῳ ᾧ καλεσάμενθ' ὡς μῦθον εἶπε·
 Βάσκι' ἴθι, Τέκνον ἐμὸν, πρῶτα μὲν ἔμβαλε θυμῷ
 Εὐρώπῃ· κρατερὸς Βρετανὸς τ' ἄρα λήγῃ φόνῳ.
 Ὡς ἔφατ', εἰ δ' ἀπὶ θηκε Θεὰ, μάλα χαῖρε ᾧ θυμῷ·
 Αὐτίκα μὲν καλαβάσσα, πρὶν χερσὶ εἴματα καλά
 Ἐσάμενθ', σέφανον κεφαλῇ πρὶν θῆκεν ἐλαίας.
 Δέξιτερὰν λάβε χεῖρα, θυγάτρων εἶδ' αἰεὶ σὺν,
 Εὐπορία θαλασσῇ, θυγάτηρ Ἀλίοιο γέροντι·
 Ἄλλῳ δ' αὖ χέθεν Εὐφροσύνη, γλυκὺ μειδήσασα.
 Μυρία ἀμφὶ Θεὰν Νύμφ' ἐγκατέρωσε χόρδον·
 Ἰλαρότης, Φιλία, Τέρψις χαρίτεσσιν ὁμοῖαι,

ACADEMIÆ CANTABRIGIENSIS.

Ἡ τ' ἄρ' Ἐλευθερίη Φιλέεσσα Βρεταννίδα γαῖαν,
Καὶ Δρυάδες βαθύκολποι αἱ ἄλγεα καλὰ νέμον',
Πᾶσαι θ' αἱ κ' βένθε' ἁλὸς Νηηίδες ἦσαν.

Ἐνθα μὲν, ἀλλ' ἐπὶ τῇσι, Θεᾶς τε μετ' ἵχνια βαῖνον,
Ἀλλήλοισι ἀραερίζοντες, πολέμους Κύνες ἄγχοι,
Λιμὸς, Ἔρις τε, Φόνος τε· φυγῶν μὲν ἀνασκοπέοντες,
Μαψιδίως, ὅπ' πάντα ἐπιχον δεσμ' ἀδάμαστα.

Ἀλλ' ὅτε δὴ ρ' ἵκανε Θεὰ πρὸς Βελγίκαν αἶαν,
Οὐτρέχτιαν τε πόλιν· γεραρωτάτῳ εἰκέλη' Ἀνδρεί·
Βεισολίῳ βαλῶν τ' ἀγαθῷ, καὶ Ποιμνί λαῶν,
Ὡς Θέμις ἠΰχρης, γλυκεροῖς τ' ἄρα χείλεσι Παιθῷ
Αἰὲν ἐταερίζε, βλεφάροισιν σέβας ἐμπνέεσσα·
Τῷ μιν εἰσαμύνη, δεινῷ περσεφώνῳ Ἐνυῷ.
Φεδγ' ἐνθεν πολίπορθε, μάχης ἀκόρητ' ἀλεγεινῆς,
Φεδγ' Ἀσίῳ πρὸς χώραν, ὑπερφιάλεις ἔ' Ἀνακλίας.
Λήγετε δ' αὖ Βρετανοὶ μένος, ὅρκια πιστὰ ταμόντες.
Εὐρώπῃ πλεῖτος ὧ, καὶ Εἰρήνῃ ἅλις ἔσω.

Ὡς ἔφαθ'· Εὐρώπῃ μάλ' ἐνὶ φρεσὶ θυμὸς ἰάνθη·
Καὶ Φιλία κρατερῶν χεῖρας νίκησε Βρεταννῶν.

Εἰρήνη δ' ἄλιν κίεν ἐς Βρεταννίδα νῆσον,
Αὐτόθι, εὐνομίῃσι πόλιν κ' καλλιγύναικα,
Κοιρανέει, μεγάροισιν ἐνὶ πύκα ποιητοῖσιν,
Οἷά γε ναιετάουσι Θεοὶ, ξανθοῖο παρ' ὄχθας
Θαμίσεως, ὃς καλὰ ῥέων πρὸς Θεαίνης,
Σεύετ' ἐς Ὠκεανὸν, μεγάλης εὐπομπῇ ἐφετμῆς.

Grimshaw Smith, A. B. Coll. Regin.

In GUL. HARRISON: Qui dum Paci Publicæ, Finibusque Imperio Gallico statuendis operam impensius daret; Febre correptus, in ipso Ætatis & Famæ flore morti cessit.

SIC tandem Gulielmus abit? sic Gloria tanta
Wiccamicis nostris, Oxonioque suo?
Dotibus his? hac Spe? tantoque favore Potentum?
Quam secura Sui est non simulata Fides!

Q

Quid

G R A T U L A T I O

Quid faciat Bellum crudelius? ipse *Diacus*
 Quid curvo poterat durius Ense minax?
 Hæc Tua Pax merces? tam fido hæc dona Ministro?
 Europa haud Tanti; Flandria tota minus;
 Signa canant; magnos ducas *Ormonde* Maniplos,
Eugenio seu quis dignior alter erit.
 Armorum Præses numen favet Artibus æque:
 Ingenio saltem vindice tutus erit.
 Care Puer! vivo tibi si valedicere tentans,
 Supremum haud potui ferre ministerium;
 Hoc saltem vano perfungar munere, Manes
 Defunctique adeam quo licet ire pede.
Omnia tecum — Aures sed quæ Vox mollior intrat?
 Quæ nova Lux Sensum, quamque benigna movet?
 Fallor an ipse adsis? — Ut vixit amabilis ipse est;
 Blandos novi oculos; Lingua venusta docet.
 “ *Desine Paule meum lachrymis urgere sepulchrum,*
 “ Publica quin potius Gaudia Carmen erunt.
 “ Nutantem Europam si Pax Brittanna quietat,
 “ Grata Bonis, dubiis Tuta, inimica Malis;
 “ Fac, vel mille meæ superessent Sæcula vitæ,
 “ Ponere, tam magno Pignore, cuncta velim.

PRO Belgis, Orbis pro Libertate, decora
 Arma, *eadem* & grandis *semper* ELIZA tulit.
 Nominis ANNA parem affectans feliciter auctum,
 Cognata, eventu dispare, Bella movet.
 Libertate Orbem & Belgas donavit ELIZA,
 Alterutri Pacem reddere non potuit.
 ANNA utramque dedit; non solo hoc falsa triumpho,
 Se potuisse magis nec voluisse minus.

G. Paul, A.M. Coll. Jes. Soc.
 Philosophiæ Prælector Publicus.

FUNESTA

ACADEMIÆ CANTABRIGIENSIS.

FUNESTA Martis munia gnaviter
Peracta dudum, mœnia & urbium
Disrupta, dum expavere cives
Semianimes ruitura saxa,
Laurusque tinctas sanguine Gallico,
Nec indecoro pulvere sordidum,
Stragesque anhelantem frequentes
Granta Ducem celebrare sueta,
Nunc lætiores aggreditur modos,
Totumque adurget Pieridum chorum
Plectris adaptantem canoris
Fila melos modulari amœnum;
Dum vota flexo poplite solvere
Gaudent Brittanni, & progeniem Jovis
Enixi adorantes procumbunt
Pacifica redimitam Oliva.
Quæ jam bifrontis Numinis arduas
Occlusit ædes vectibus æneis,
Martisque grassantis coercet
Mille malis gravidum furorem.
Haud ergo ut olim concutiet faces
Bellona sævas, tela nec amplius
Obtusa ad incudem reducet
Immodica satiata clade;
Nec hostium atro decolor amnium
Cruore torrens gurgite proximas
Terrebit Urbes, dum per arva
Fertur equos equitesque volvens.
Currente fuso parcius Atropos
Fluentis ævi stamina dentibus
Disrumpet exosis, nigrumque
Raro homines Acheronta visent:
Ad busta cæsi conjugis aureos
Matrona crines vellere desinet,
Planctusque tristes Orphanorum
Garrula non resonabit Echo.
Nec casu iniquo manca cadavera
Transfixa ferro, atque ora minantia
Post fata vindictam, vel ipsis
Sospitibus metuenda turmis;

Aut

G R A T U L A T I O

Aut arma fœdo sanguine squallida,
 Glebasque dura mole gravantia,
 Effusa acervatim per arva
 Attoniti aspicient coloni:
 At trita diris Flandria cladibus
 Et vix superstes, se reficit nimis
 Afflictam, & exultans hiulcis
 Vulneribus satagit mederi.
 Agrosque adunco vomere faucios
 Vestire denso vellere gestiens
 Spondet diu illusis canistris
 Alma Ceres segetes opimas.
 Lœti ergo terram jam pede mobili
 Pulsant coloni, atque heu! nimis exulem
 Pacem, Britannorum Minervæ
 Auspiciis, celebrant reversam.
 Quæ subditorum provida consulens
 Lapsæ saluti, bellaque civibus
 Damnosâ gaudens terminare, &
 Pauperiem venienti ab ævo
 Pulsare, pacem conditionibus
 Firmavit æquis, non sine Numine
 Agens perinsignem triumphum
 De populo male pertinaci;
 Quem cespitantem, nec sua commoda
 Satis videntem, lurida Factio,
 Jactare rumores iniquos
 Plebis avens patulas per aures,
 Larva pericli terruit hostium
 Ex fraude nati, & suavit ut impie
 ANNÆ reniterentur ausis
 Perniciem capiti imminentem
 Arcere ab Anglis haud studio pigro
 Conatæ, & æquos figere limites
 Prudenter hinc illinc studentis,
 Ne nimio Imperio valentes
 Vicina possent regna procaciter
 Vexare Marte, & jugera pondere
 Exuberanti frugum onusta
 Militibus spolianda donent.
 Queis execrandis fortiter obstitit
 Regina cœptis, & requiem dedit

Gratam,

ACADEMIÆ CANTABRIGIENSIS.

Gratam, & vel indignis utrosque
Angligenis referavit Indos.
At dum profundum tutus ab hostibus
Mercator æquor sulcat, & alterum
Explorat Orbem ut se suosque
Uberius locupletet auro;
Hic interim artes perpoliat sacra
Phœbo juvenus, hic vigeat fides
Sincera Reges in verendos,
Hincque fluant rigido Catone
Mores probandi. Et dum studet otia
Donare Musis, ter licet improbi
Frendant Rebelles, perfruatur
ANNA diu placida quiete.
Quam cum reposcant invida Numina,
Cælique tandem lucida limina
Gratentur intranti, resignet
HANNOVIÆ sua sceptrâ proli.

Tho. Atherton, A. M. Coll. Christ. Soc.

*Ad Episcopum BRISTOLIENSEM Privati
Sigilli Custodem.*

JAM satis Armorum Strepitus, Regumque minaces
Iræ, & sanguinei Tempestas horrida Belli
Angliacas rapido jactarunt Turbine Gentes:
Composito tandem Ponto, vexata Procellis
Tranquillos Portus, securaque Littora Navis
Occupat, & nulli præbet ludibria Vento.
Hæc Tibi, Sancte Pater, longi Medicamina Luctus,
Hæc Tibi sepositis debemus Gaudia Curis;
Armorum Furor insanus, Martisque rubenti
Fulmina missa Manu per Te sopita quiescunt;
Te suadente, Acies adversa in Bella ruentes
Componunt Iras, infestaque Signa reportant.
Sic olim vastas Saxis cum frangeret Undas,
Et fureret rubrum consertis fluctibus Æquor;
Mirificam Mosis dextram, Virgamque potentem
Flumina senserunt, Camposque arentis Arenæ
Liquere, & solida steterunt firmata Quiete.

R

Quæ

GRATULATIO

Quæ mala senſerunt? quæ non pejora timebant
Gentes, cum ſævi ſclerata Infania Belli
Omnia miſceret, fluerent cum Sanguine Campi,
Inficeret lætos & non ſua Purpura Flores,
Horrorque Armorum dirus, Clangorque Tubarum
Ingrueret, miſtoque ſonarent omnia Luctu?
Ut, validus tremulas Ventus cum verberat Auras,
Concurrunt gravidæ maturo Fulmine Nubes
Frontibus adverſis, collectaque Semina flammæ
Elidunt, furit omne minaci Murmure Cælum.

Jam dubius Timor, & triftis de Pectore Cura
Exulat, & ſtabiles Concordia neſcit Amores;
Lilia miſta Roſis fulgent, agitataque Vento
Confuſos pandunt undantia Signa Colores;
Mite Tubæ clangunt, & ſævi Machina Belli
Quæ celerem Mortem, Ferrumque vomebat & Ignes,
Lene tonat, micat innocuus ſine Fulmine Fulgor.
Miles agros patrios, cariffima Rura reviſit,
Oſtentanſque Notas adverſo Pectore honeſtas
Blenhemios memorat populo plaudente Triumphos;
Qualis fulmineo ardebat Marlburius Enſe,
Sanguine cum patrio ſpumabat decolor Iſter
Ferreæ contorquens ſinuofis Arma ſub Undis:
Qualiſque Ormondus Germano obſtare Furori,
Et Belli frænare Iras, timidusque videri
Auſus erat: medica dum, Tu Pater, omnia Dextra,
Pertentans læſæ ſanaſti Vulnera Pacis.
Te præclarus Honos memores producet in Annos,
Virtutemque Tuam, intertextaque Laurus Olivæ
Fronidenti Sacram cinget Diademate Mitram.

G. Wall, Aul. Pemb. A. B.

ET jam funeſti clauduntur limina jani,
Nec Mars Sanguineos impius urget Equos,
Et Vos Angliacis iterum Deus Appulit Oris,
Pax alma, & placidæ Pacis alumna quies;
Dii, Suprema Salus! Quod vix ſperare liceret
En ultro Nobis obtulit una Dies;
Una dies! læto Qua rident omnia vultu,
Quique odit pacem Munera Pacis habet.
Quid melius populus potis eſt optare Britannus,
Quid majus potis eſt ipſa vel ANNA dare?

In

ACADEMIÆ CANTABRIGIENSIS.

In Cælum redeas Sero, Sanctissima Princeps,
Nam Cælum in terris Tu Dea Nostra facis.
Harlæo Quantum jam debes Patria magno,
Testis erit dives Copia, & Auctus honor;
Frustra fatalem intentat Sicarius Ensem,
Si te non tangant Vulnera, nulla timet.
Quo Te Sancte Pater, mea Carmine Musa sequetur
Musa mea in Laudes obsequiosa tuas?
Te Te Consilium & Divos præbente, Britanna
Terra alias inter surgit, & ampla viget.
Quid Te, Straffordi, memorem? tua digna Nepotes
Venturi grato pectore facta canent;
In Patriam accendit Te Præsulis Æmulus Ardor,
In Patriam fidus, nec simulatus Amor.
Quæ non Ormondi resonarunt Littora Laudes?
Hoc Duce Quæ Chartæ prælia gesta silent?
Maeste invicte Heros! nunquam tua fama peribit
Dum Bello pax est gratior, Hoste Salus,
Maeste Heros! Lodoix non ultra Perfidus audit,
Et Rex & Galli dediticere dolos.

*Edmundus Bacon, Coll. Caii Commenfal.
Filius Natu Max. Edmundi Baronetti
de Gillingham Com. Norfol.*

A R M A diu, & lætos felici Marte Triumphos
Vidimus attoniti, magnosque in bella secuti
Heroas parili cecinerunt laude Poetæ:
Nunc ubi pacatis odiis Gens aurea tandem
Surgit, & Occiduo Belli furor exulat orbe,
Fas sit inexperta tenero mihi ludere Musa,
Atque humiles tentare modos: Sic nigra per agros
Tempestas si quando furit, Jovis armiger ales
Sustinet & venti furias, cælique ruinam:
At postquam toto cesserunt nubila cælo,
Effulsitque dies, teneros Philomela sub auras
Educit foetus, luditque emissa Juventus
Per ramos, lætumque rudi ferit æthera cantu.
Felix armorum, Salve, Brittannica tellus,
Depositis tandem, ô Salve, felicior armis:
Ite domum, egregii Heroes, spolia ampla referte,
Bellorum exuvias; potuit quæ plurima Virtus

Esse,

G R A T U L A T I O

Esse, fuit. nihil O Superi jam restat agendum,
 Ista nisi ut justo claudatur limite Virtus.
 En! ut jam primum retro cedentia Signa,
 Jam primum in patrias oras conversa feruntur!
 Hæc aliquis summa mirans suspensa sub arce,
 His inquit medio sublata ex hoste Tropæa,
 Gallica quot jactas, his debes, Anglia, Signis;
 Sic O sic longum requiescant fixa, suasque
 Hic illic studiosa intexat Aranea telas!
 Hæc admiratos quoties meminisse juvabit
 Sic Gallos fugisse olim, sic milite fracto
 Et tremere, & validis solitos se includere castris!
 En! ut Flandriaci tandem vetus Incola Campi
 Post denas sua regna videns lætatur aristas:
 Hic locus, inquit, Equis erat, hic certare solebant
 Hostiles animi: Villam hanc Victoria felix
 Dat famæ, Cannas Gallorum, inamabile nomen;
 Hæc Winnendaliæ faustissima silva Britannis,
 Virtutisque simul monumentum & fraudis honestæ.

O fortunatæ gentes! quibus omne peractum est
 Quicquid habent fata adversi; quibus omne futurum est
 Quod sibi successu poterunt promittere Ovantes.

Hostilem in Britonas mentem accepisse subactum
 Pœnituit Gallum, flatusque minasque remisit
 Bellorum in Serie minor, & certamine longo:
 Longe Exul, proscriptus abest, qui fœdera turbet,
 Et vano moveat titulo nova Semina belli,
 Ascanius fictus, magnæ spes irrita Romæ.

Interea vectæ secura per æquora classes,
 Ultra anni solisque viam, vix cognita nostris
 Littora iustrabunt peregrinoque orbe recessus.
Alter erit tum Tiphys, & altera quæ vebat Argo
 Delectam Britonum pubem, Australique sub axe
 Vellere Phryxæo referent pretiosius aurum.

O quam felici procedent omnia fato!
 In quantum spe tollet Avos felicius ANNÆ
 Nomen, ubi exhaustas multa cum laude Britannæ
 Gentis opes videant reparari mercibus Austri.
 Cum nostros Orbi gens necdum nota Triumphos
 Audiet, & tanti monumentum insigne laboris;
 Chiliacum Angliacos aurum memorabit honores.

Zach. Pearce, Trin. Coll. Alumn.

J A M

ACADEMIÆ CANTABRIGIENSIS.

JAM Martis atrox excutitur jugum,
O & Furoris cæca Domestici
Desæviat vis, luctuosos
Nec Patriæ foveamus ignes!
Quo fauce aperta, Seditio, ruis
Ciere turbas callida, sedula?
Quid fata commentis Olivæ
Carpere Vis meritos Honores?
Nil promovebis, desine turpium
Convictorum, Legibus integra
Stat invidendis Pax, tuamque in
Perniciem Opprobriumque stabit.
Præfens Britannis Diva vocabere,
Gentes Parentem Te Sociæ canent,
Et Curiam audacter fideli,
ANNA, tuos Procuresque dicent;
Vos, Civitatis Lumina, plurimo
Honore fas est tollere, Patriæ
Vos elaborastis petitam,
Immemores propriæ, Quietem;
Ægris ruentem sic humeris Polum
Sustentat Atlas, & doleat licet
Vix ponderi Par, stat dolere,
Ne miseros feriant Ruinæ.

G. Doughty, A. B. Coll. Regal Soc.

Ad REGINAM.

O Regina, tuis Decus & Tutela Britannis,
Vincere digna foris, & dare Jura domi;
Palladis instar ades, Laurumque innectis olivæ:
Te Pax alma Deam, Martis & arma decent.
Fatorum geris una vices: Tibi Janus uterque
Obsequitur, templi Janitor ipse sui:
Europa ancipiti jamdudum lance reclinans,
Subjicit arbitriis pendula regna tuis.
Tu punire simul, potes & pacare rebelles:
Sceptra gerant alii, sed dare sceptra tuum est.

GRATULATIO

Post domitas gentes, juga dempta, urbesque refixas,
Sola vacas patriæ, dum licet orbe frui:
Anglus habet quam gens hominum desiderat; & quo
Imperium minus est, Gloria major erit.

Thomas Cooke, Aul. Trin.
Soc. Commens.

PROELIA decantent alii clarosque Triumphos
Victorum memorent, queis bellica gloria cordi,
Oblitis quanti constet victoria, gentis
Quantum victricis, quam vix reparabile damnum:
Interea dum nos pacem, pacisque Sequestram
Materno in populos ANNAM celebramus amore.
Heu nimium lenti sub iniquo pondere belli
Nequicquam victrix, gemit Britannia, post tot
Insignes, multo sed non sine Sanguine partas
Nequicquam laurus, tamen heu! jam vidit in annos
Produci strages, bellum æternumque futurum;
Scilicet invaluit longum dominata per urbem
Factio crudelis, pacem averfata, perita
Concinnare dolos, patriæque intendere fraudes,
Et Spoliis expilatæ ditescere gentis.

Hos Regina graves tandem miserata labores,
Et fessis præsens patriæ succurrere rebus,
Te vocat e medio procerum, Vir Maxime, cœtu,
Quem Mitra, & pietas ornat dignissima Mitra;
Cujus & assiduam testatur Suecia curam;
Te vocat ANNA, simulque paratis instruit armis
Non clypeo & galea (qualem Thetis anxia Achillem
Induerat) sed consilio monitisque secundis
Firmabat generosum animum, atque hæc addidit ultra:
I bone, ad Europæ proceres hæc iussaque defer,
Horrida dic sacris suspendant arma columnis,
Spiculaque & gladios, belli Instrumenta cruenti,
Cessent infestis lacerare furoribus orbem;

Nec mora, Regina mandata capeffere fidum
Pronus in obsequium, parat ecce insignis oliva
Ad fortunatos Utrechi tendere muros!
Supra alios tanto felices hospite muros:
Huc legati adeunt variis e partibus orbis,

Ut

ACADEMIÆ CANTABRIGIENSIS.

Ut dubiis responsa petant firmissima rebus:
Eloquio Ille potens iras mulcere feroces,
Ille potens dextram sublatam in bella ruentum
Sistere, surgentemque animo compescere Martem,
Hostiles conjungit amico fœdere gentes,
Æterna imponens discordibus otia terris.

Gaudeat externo jam functa Britannia bello,
O! si fas odiis fungi internoque tumultu!
Tum liceat tristes æternum ponere curas,
Sollicitosque metus, & inania somnia luctus
Venturi, & veros de pace egisse Triumphos.

Benj. Glover, Coll. Regal. Alum.

SALVETE Vos O! lucida sidera
Amica Pacis; quæ placidam undique
Vim spargitis, pacare Gentes
Blanda diu misero tumultu
Belli occupatas. Vox filet ænea
Mavortis, acris cui strepitus tubæ,
Clamorque cordi est. En, Minerva
Ægide deposita virentem
Gestans Olivam! fallor? an Angliæ
Regina sic incedit amabili
Splendore, Paulinas ad Ædes
Magnifica comitante Pompa.
En! Te potentem consiliis Virum,
Harlæe, cerno: copia Mercium
Quo fonte derivata pleno
Labitur in Thamesin fluento.
Vultu Sacerdos pacifico sacrum
Ornat Triumphum: sic docet aurea
Lux solis ardentem nitore
Insolito radiare Gemmam.
Precamur, adsis; & careas diu,
Vir Sancte, cælo jam tibi debito;
Et Numini conjunge Gentes
Unanimes propiore vinclo.
Nunc Anglicanum lumina Memmium
Læta intuentur, Gallia Patriæ

Quem

GRATULATIO

Quem reddidit desideranti
Muneribus Lodoicis auctum.
Ormonde, fronti ferta parant tuæ
Molles Camenæ: Te facilis Virum
Amplectitur Daphne, sequentem
Quæ fugitiva Deum fefellit.
En! læta cornu Copia fertili,
En! nuda Virtus, almaque Faustitas,
Artesque solennem laborant
Ingenuæ decorare Pompam.
Sed grande munus non mihi convenit:
Hoc Ille tractet, quem vigor ingenî
Altum, Poetarum relicta
Plebe, tulit fugiente penna.

Gul. Burchett, Coll. Pet. Alumnus.

Ad Reverendum admodum in Christo Patrem Johannem Episc. BRISTOLIENSEM &c.

CUM comes in mediis *Dibbeni* Musa procellis
Teque, tuamque Pater, cecinit, Venerande, carinam,
Sit mihi fas, Generis spes ô & gloria nostri,
Hoc Tibi sedatos gratari carmine fluctus;
Sit fas (exiguo quamvis humilique Poëtæ,)
Jam procul amotum quicquid fuit ante malorum,
Quodque moras potuit tantis inducere rebus
Dicere, & in placido pennas expandere Cælo.
Tu, Pater, audenti precor ô semel annue vati,
Dirigis ut pacem, pacis mihi dirige carmen.
Jamdudum rapidi Martis, miserique fragoris
Pertæsum armorum est, jamdudum pœnitet ANNAM
Sanguinis effusi, licet ipso effusus ab hoste
Largior exiret, jamdudum pœnitet urbes
Obsidione capi, quod non sine cæde suorum
Vinceret, & Britonum Gallorum sanguine sanguis
Commistus flueret, licet æquo haud flumine mistus.
Conclamat Regina, & Tu carissime Præsul,
I, fuge, pacatæ jungantur fœdere gentes;
Amplexusque ferat placidæ jam Gallia dextræ
Quam timet armatam, spargentem fulmina belli

Quam

ACADEMIÆ CANTABRIGIENSIS.

Quam fugit, occurrens jungat grata oscula, dextræ
Dextera juncta novos ANNÆ testetur amores.

Dixerat; at virtus urget sua plurima Patrem
Tendere per casus, per mille pericula ponti:
Eia age, quantumvis fluctus, Neptune, frementes
Objice, quantumvis incerta per æquora navem
Disjice, non illum terrent, pater invidet, fluctus
Fluctibus impositi, tua jam, Neptune, videnti
Horrida non facies, menti dum cara recurrit
Reginæque novos animos inspirat imago.

Solve metus, Lodoice, tuas jam mitte querelas,
Ut juvat! ut gratum est armis spectare Britannum
Depositis, nec, ut ante, tuis fatalia Gallis
Consilia, at tacito versantem in pectore Pacis
Omne opus! interea dubiis sedet anxia curis
Europa expectans, nec longum tempus, & ingens
It cælo clamor, resonat pacem undique littus;
Plausibus accipiunt lætæ sua fœdera Gentes:
Sic ô, sic populis det jura volentibus ANNA,
Et Jovis ad morem pacatum temperet orbem.

Tu salve ingentis molem omnem emense laboris,
Nil Tibi quod poteras, nihil, ô Patrone, relictum est:
Unum oro, majora velis si commoda pacis,
Te modo redde tuis; O quam jucunda voluptas
Cum reducem augusta Proceres in sede locabunt!
Longævum advenies Thamesin cum cinctus Oliva!
Ecce Senex Tibi jam venturo flumina sternit!
Patria Te revocat, revocat Regina, precesque
Addit, & ingentes iterumque iterumque labores
Haurire, & pendere cupit narrantis ab ore
Per quantos casus per quot discrimina Pacem
Firmasti intrepidus, quæ gestant pectora Galli,
Quæ Batavi, pacem quali amplectantur amore.

*Tho. Robinson, Filius Gulielmi Robinson
Baronetti Trin. Coll.*

G R A T U L A T I O

ARMA diu cecinit Vates pulchrosque Triumphos,
 Et fractas acies, Gallia maesta, tuas.
 Jam molles numeros invitant otia Pacis,
 Otia securis vatibus ANNA dedit.
 Quales pro patria fudisti ex ore querelas;
 Innocui quoties pectoris, ANNA preces?
 Ascendit caelum pietas tua, & Aethera vincit;
 Factaque placati est Mollior ira Dei.
 Scilicet hinc Caeli Labor est servare Britannos,
 Sollicitant ANNAE cura salusque Deum.

*J. Greene, Jun. e Coll. Div. Joh. Evang.
 Socio Commensalis.*

JAM Cædis Famæque satis. Defessa Triumphis
 Grandævos bello Heroas, Pubemque rubentem
 Sanguine, ab infestis revocat Brittannia campis.
 Et cum non ultra locus est, aut causa furori,
 Victores condit gladios, atque imperat Armis.
 Fortunata Dies! & felix exitus artis
 Funestæ! Quanto jam luctu respicis arces
 Disjectas, Europa, tuas; & civibus Urbes
 Nudatas? Quanto, tua Tempia ingentia quondam
 Nunc divulsa vides, miseras Regumque ruinas?
 Heu nunquam felix bellum, lachrymabile semper
 Victori & Victo!—Sed vulnus clausit amica
 ANNA manu. Tandem disjectæ surgite Turres;
 Plaudite servati cives; Vos Tempia nitore
 Educenda novo, Regesque Palatia rursus
 Vestros acceptura, Britannum plaudite curæ.

Tu vero, Britonum sedes, felicibus ANNAE
 Auspiciis bello multum, sed Pace timenda
 Verius, & dilecta magis, Tu grata benignos
 Agnoscas cælos, & donis utere Divum.

Te vocat Oceanus Dominam. Thetis ipsa recessus
 Ecce tibi cæcos aperit, terrasque recondit
 Ignotas, & regna jugum subitura Britannum.
 Pro Te Terra tegit pretiosum pondus, & Arva
 Intactas Messes, sudant tibi balsama silvæ,
 Succina durescunt pro te, Pontusque sub undis
 Secretas occultat opes, gemmasque repostas.

Jam

ACADEMIÆ CANTABRIGIENSIS.

Jam tandem extremos securum, Navita, ad Indos
Findere iter poteris, nihil est quod ab Hoste timebis:
Et Vos privatis curis, studiisque beati
Innocuæ vitæ, tranquilla per otia vestras
Exercete artes, veteris monumenta laboris
Seu dociles renovare, novisve imponere limam;
Spiet ebur, Musæ pingant, Pictura loquatur
ANNA, dum placida pectus dulcedine tacta
Egregias Regina omnes, quas promovet, artes
Ornat, & ipsa suas miratur Pallas Athenas.

Edv. Greene, Coll. Regal. Alumn.

ΠΑΝΤΑ ὅς (φάλλειν ἐθέλησεν αἰών,
ἌΝΝΑ, Βρεττανίων δαΐφρων ἀνασσα,
Σοὶ μόνῃ πλησίον ἔρον ἀρχαῖς

ἔ μεταβάλλει.

Πᾶσα χθών, ὕδωρ πολιῶ τε πόντος
Δητὰ κύμαινον, σᾶ ὑπαὶ δὲ ζευγλᾶ
Σφίγγει· χαίρει πότε ναὺς ἔχουσα

Νηνεμίω τε.

Ἦδη εἰρήνην περιπᾶσα πατρὸς
Τὸν δόμον, σὲ λισαμύραο, ἦλθεν
Ἄρμ' ὑποζεύξασα, περὶσεραὶ δὲ

Παρθένον ἀγνῶ

Ἦγαγον καλαί, σόμαίῳ φέρεσαι
Τὴν ἔλαιαν, ἣ πλέρυγας ταχέας
Πυκνὰ δινεύσαι ἀπ' ὤραν, αἰθέ-

ρεῖα διὰ μέσῳ,

Αἶψα ἐξίκοντο· ἔδωκαν Ἀγέλοισι
Πᾶσι τ', εἰρήνῳ, σεφανόν τε ἌΝΝΗ,
Ἄξιον, δεινὸς θορεῖ ἔκείτ' Ἀρης,

ἔδ' ἐπὶ τοιγός.

Βελπίων ἀλλ' ἦλθε Κρόνοιο αἰών,
Πᾶσα χθών πασιν περιφέρει τε πάντα,
Καὶ εἰς Εὐρώπῳ φέρεται μάκαιραν

Ἰνδικα γάζα,

Κα'

GRATULATIO

Καὶ Πλάτῃ χερσὶν Θάμει δίδωμι.

Τοῖά σοι πρέσβιστα δέδωκε μοῖρα,

Οὐνεκ' εἰ πάντων δρετὴ ἀμείνων,

Δία γυναικῶν.

Χαῖρε νῦν, ἢ ὡς χαλεπᾶν ἔλυσας

Ἐκ μεριμνᾶν, ὦ Βασίλισσα, Ἀγλῆς,

Ἡ αἰὲ ἀλλοις, ἀρετὴ σοι αὐτῇ

Σύμμαχος ἔστω.

R. Edborough, Coll. Regin. Alumn.

AUGUSTI Heroum cineres, sacræque Favillæ,
Reliquiæ ingentes! Quocunque, sub axe jacetis
Seu vos Vigovios tinxistis sanguine fluctus
Seu rotat extremus sinuoso flumine Ganges,
An brumalis habet polus, exultate! cruoris
Mercedem effusi lætabilis attulit Hora.

Non iterum infaustas laurus, urbesque Britannus
Audiet everfas & Castra minantia Castris:
Nec fluet, ad strepitum armorum, fremitumque Tubarum
Gallicus Angliaco commistus sanguine sanguis.
Auspiciis, Regina, tuis felicior Ætas,
Pulchra redit Series, & lucidus ordo dierum
Exoritur, faustosque jubes procedere Menses.

Sic ubi Tempestas spumofum verberat æquor,
Austerque, Zephyrusque tonat, creberque procellis
Africus, ad cælos montes volvuntur aquarum,
Littora tunsa procul resonant, furit æstus arenis.
At Venus æquoreis subridens emicat antris
Fragrantique sinu ambrosios diffundit odores,
Protinus aspectu Divæ Maria alta residunt,
Blandaue tranquillo decumbunt æquora somno.

Ecquis jam Vates divino percitus œstro
Immortale melos properat? Tu Carmina dulci
Effundas, Granville, Lyra! Tu Carmina surdis
Non fundes, Granville; tuis e rupibus Echo
Respondet numeris, silvæque & saxa resultant.
Et Tu, quem fidum Pacis Regina Ministrum
Elegit, docte Eloquio sopire furores
Armorum, insanos moderari docte tumultus,

Sume,

ACADEMIÆ CANTABRIGIENSIS:

Sume, Priore, Chelyn, contende loquacia fila,
Nam si digna ANNA Modulari carmina Musæ,
Digna tuæ Musæ modulari carmina possunt.

Sic ubi jurarunt in olympia regna Gigantes
Firmavit Phœbus superos, magnumque Tonantem;
At postquam ætherios jaculatus Jupiter ignes
Disjecit Rhœtum Cæumque, trucemque Typhœum,
Protinus auratas tentanti pollice chordas,
Laudibus æterni sonuere Palatia Regis,
Et pro qua steterat, decoravit Carminē Pacem.

Guliel. Broome, A. B. Coll. Div. Johan.

IA M Mari Terraque manu cruenta
Plurimos Bellona furens per annos
Straverat misto Juvenum senumque
Funere campos.

ANNA cum gentes miseras, feracem
Litum prolem, proprio cruore
Turpe! fœdatis miserata, dixit
Victa dolore.

Gentis Humanæ Pater Alme, amicos
Vinculo nectens metuente solvi,
Quique discordes placido coerces
Fœdere mentes;

Eximas leto propiore Terras
Et diu optatam laceris reducas
Gentibus Pacem viridi decoram
Tempora oliva.

Tuque dum æterno Solio beatus
Insidens æquo moderere jure
Ultimas Terras, Tibi gratus Orbis
Serviat Uni.

Annuens Votis Precibusque Cælum
ANNA, quas grata pietate fudit,
Tradidit, Regina, Tibi tenendas
Martis Habenas.

Tu minor solo Jove; Te jubente
Exulant Orbis gemitus; beatæ
Pacis adventu redeuntque in Aurum
Tempora Priscum.

GRATULATIO

Ampliet Vitæ spatium benignus
Jupiter, nostris adimens diebus,
Quod precor Vestris opulento adauctum
Fœnore reddat.

Donec emensæ facilem Senectam
Detur in Cælos Patrios redire,
Nectaris succos trahere, ac Deorum ac
-cumbere Mensis.

Gul. Warter, Coll. Div. Johan. Alumni.

EDOMITOS hostes, sæpe arma urbesque Ducesque
Auspiciis captos vidimus, ANNA, Tuis.
Quacunque Angliacus gessit fera prælia miles
Fortuna imperio paruit alma tuo.
Sed nimio palmæ maduerunt sanguine, Gallus
Si periit, Cives & periere tui:
At nunc quæsitæ redeunt sine cæde Triumphæ
Nostræque non ullo gaudia cive carent.
Olim insignitos bellis feliciter actis
Cæca superstitio credidit esse Deos;
At tibi quid solvat plaudentis cura senatus
Dum pace & bello, Te manet æquus honor?
Aurea jam vere panduntur sæcula, prægnans
Dum venit innumeris pacis oliva bonis.
Nunc ubi mille olim ceciderunt, flavet arista,
Luxuriatque hausto sanguine foetus ager.
Per Mare per scopulos properans Mercator ad Indos
Jam tuto lætus tramite carpit iter.
India jam varias emittit prodiga gemmas
Instituant capiti quæ diadema Tuo.
Æquoris immensi tradit Neptunus habenas
Et sua dat sceptro regna tuenda tuo.
Cuncta Tibi parent, recipit Tua vincula mundus
Quæque a Te veniunt vincula, nulla putat.

Pet. Selby, Trin. Coll. Alumn.

ACADEMIÆ CANTABRIGIENSIS.

JAM lenes numeri incipiant, jam mollius ire
Carmina, non clades Gallorum, aut qualis in hostem
Ormondus ruit invictus, nunc grande Camenæ
Dant argumentum; cecidit belli impetus omnis,
Conversique animi, & (quod ne sperare licebat)
Gallorum & Britonum dextræ miscentur inermes.

At non imperii, aut exscindere Gallica regna
Spes sæva, Angligenas Sociis se jungere turmis
Induxit, sed Libertas, sed Publica causa.
Hoc erat, ANNA, tuo toties quod milite cinctus
Malbrovius trepidos egit formidine Gallos,
Atque animos fregit Lodoici vincla minantis
Captivæ Europæ: postquam timor ille recessit,
Liber & Orbis; habes toto quod Marte petisti,
Ormondumque jubes ardentem ad prælia ferrum
Condere sanguineum. Sed nec, fortissime Princeps,
Gloria vestra minor: quamvis tua tempora circum
Nullæ frondescunt Laurus, quæ sanguine Gallo
Et Matris miseræ lacrymis Viduæque rigantur.
Laus tua, quod Patrios repetit Brittanica pubes
Te Duce, salva Lares. Heu! quot tua, Flandria, tristis
Terra tegit, dulces reditus queis Fata negarunt.

At vos illustres animæ Heroësque sepulti,
Fortunati omnes: quoniam per funera vestra
Orbi parta quies, omnique soluta timore
Res Batavum stat vicinis minus obvia Gallis.

Aspice quam læto se attollit Flandria vultu!
Luxuriat per castra seges, fossasque profundas
Jam pecudes implent, agni tenerique queruntur
Balatu, quo sueta audiri fulmina Martis.
Pacis hoc est omen, jam spondent omnia pacem.
Marsque adeo Comitesque Dei, crudelia monstra,
Deseruere agros; irati & sæva minantes
Si Boreæ populos, Suecos & Danica regna
Incendant bello. Quanto, Mitræ Sacerdos,
Jam desiderio Te poscit Suecia: nosti
Tu bene surgentes animis sedare tumultus.
Sed dulci caruit longum satis Anglia Nato,
Fertque moras ægre, dum tutum littore curvo
Excipiat: fessum hic curis, annisque gravatum
Alma quies foveat; neve ultra nesciat Ipse
Solutus, quæ peperit Britannis, otia Pacis.

Gul. Offley, Coll. Regal. Alum,

IN-

G R A T U L A T I O

INSANIENTI dum quatit impetu
 Pagos & urbes concitus effera
 Mars Sævus ira, Quæ tumultu,
 Quæ misera caret ora cæde?
 Confossa passim membra, cadavera
 Aggesta, prædas, damna, sine incolis
 Domos ruentes, & cruoris
 Flumine humum videas natantem:
 Desolat agros dira necessitas,
 Et tecta captarum ignibus urbium
 Accensa fumant, & Triumphi
 Sub cumulo gemit ipse Victor.
 Testis tot cheu! Gallia cladibus
 Funesta, Testisque Anglia lugubri
 Vexata bello, tot per annos
 Se lanians Sibi dissidentem.
 Dum pendet anceps Anglia, & anxia
 Fati futuri, concita dum gravi
 Europa bellorum tumultu
 Perniciem timet imminentem:
 En! ut serenum cum caput exerat,
 Neptunus undas mulcet; ut asperos
 Ventosve nutu (non flagello)
 Æolus arce sedens coercet:
 Sic Tu, ferocis jurgia Sæculi
 Harlæe, sedas; sic rabidas minas
 Compescis affatu, sagaci
 Consilio, placidoque vultu:
 Sic corda Regum flectis ahenea,
 Gravique mulces bile tumentia,
 Siccoque lætari Triumpho
 Impatiens Patrii cruoris.
 Vides ut axi jam rediit jubar,
 Pulsamque Phœbus restituit diem:
 Verumque fucō instat remoto,
 Et niveum sine fraude pectus:
 Vesana jam Discordia ut exulat,
 Ut Scissa pallam, vinctaque ferreæ
 Nexu catenæ, claudicanti
 Membra trahit prope nuda gressu.

Post

ACADEMIÆ CANTABRIGIENSIS.

Post indecoro Sanguine Sordidum,
 Et crine cano fert Odium pedem,
 Dolensque Se loris revinctum
 Dente humeros lacerat cruento.
 En! plaudit omnis Castalidum chorus,
 Phœboque concors carmina concinit,
 Dum Europa, jam florente Pace,
 Læta novas peragit Choreas.
 Ornata pulchris Compita Vestibus
 Rident; ab altis mœnibus ærea
 Tormenta, jam conversâ in usum
 Lætitiæ, ingeminant fragorem.

Chr. Jenyns, A. B. Aul. Pemb.

ἌΡΕΣ μαχᾶν μεμαλῶς
 Σὺν τοῖς βέλεσι φεύγε·
 Σάλπιγξί γάρ τι καὶ μοῖ;
 Τὶ ἐλχέουσιν ὤμοις;
 Ῥομφαία ἢ τί δεινᾶ;
 Ἐώραχ' αἶμα, καὶ αἶνάν
 Τὰν φύλοπιν, καὶ ἀέλλας·
 Ὀλωλ' Ὀλωλ' ἐμ' ὄψις.
 Ἄλις ῥ' ἀκήκο' ἤδη
 Κλαγγᾶν τε καὶ αὐτᾶν·
 Ἄλις ῥ' ὀπωπα ἤδη
 Φόνωντε τραυμάτων τέ.
 Ἐρρώσθε πάντ' Ἀρηῶ,
 Εἰς αὐθις ὄκ' ἐσθῆται
 Ὑμῖν τί καὶ μοῖ; ὄκ' αὖ
 Ἄρες με σὸν καλέσσεις,
 Ἐγὼ γάρ εἰμι φοῖβε.
 Σὺ φοῖβέ μοι δὸς αὐλὸν,
 Λύσαντε τὰν καλὰν σευ,
 Χρόνος γὰρ ἦλθε καὶ ἄσει
 Νῦν θ' ἄσυχος μάκαρ τε,
 Θέλω θέλω χαρῆναι.

X

Εὐδῶσι

GRATULATIO

Εὐδωσι τὰ μερίμναι,
 Σὺ Βάκχε νῦν τ' ἐσέλθης,
 Ἥτορ τέ μεν ἱανθὲν,
 Ἄμναμον ἠδὲ ἄρδ' ἴω
 Τάων πάλαι λυπάων,
 Νῦν ἄρξεται λιγαίνειν.
 Εἰράνα αἰ τελέισα
 Νῦν ἥρχεθ', αἰ μεθ' αὐτὰς
 Φέρετ' αἰ πάνθ' ἀπᾶσι.
 Φανέντ' Ἡλίοιο,
 Δύντ' τε, ἠδὲ αἰεὶ,
 Θέλω θέλω χαρῆναι.

Tho. Bolton, Aul. Pemb. Alumn.

DULCE Triumphantes, lætoque tenore fluentes
 Præcipe, Musa, modos, quales tibi, Pollio, Vates
 Composuit, magnos hortans procedere Menses:
 Aut quales olim, Thebanæ conditor arcis,
 Mellita eduxit solers testudine cantus;
 Auriti quando lapides modulamine capti,
 Exiluere, & sponte novas iniere figuras.

Auspice Regina, coeunt sub fœdere gentes,
 Longas deponunt lapidosus cordibus iras,
 Et mortale genus vel saxo durius ANNA
 Evocat in pacem; disruptaque vincula nequit,
 Pacatumque regit propriis virtutibus orbem.

Conciliare homines qualis provincia! qualem
 Est sortita ducem! quam fors hæc convenit illi,
 Quæ circumvestit te purpura, Maxime Præsul,
 Felix qui poteras duplicem meruisse coronam,
 Legatus duplex! ANNAque Deoque iubente
 Exit Legatus Pacis quam prædicat orbi:
 Exiit edixit; vixcepit Belgia vocem
 Audiit extremis quin illico Celiber oris
 Pœnituit Gallos belli, coiere vicissim.
 Pax conflata redit, rumpendo firmior: Ecce!
 Insignis, mediisque resurgit pulchrior armis.
 Pristina Pax etenim, semel interrupta, docebat
 Qua victu facilis, minus in qua parte valeret,

Atque

ACADEMIÆ CANTABRIGIENSIS.

Atque refarcito renovatur vulnere tuta.

Sic si forte satis irruerit amnis abundans
Aut nivis, aut pluviae, rupto munimine valli
Qua datur ire, ruunt undae, per prata, per agros
Effundunt sese, atque obducunt omnia limo
At postquam fluctus multo sudore Colonus
Undantes bibula jam derivavit arena;
Certius ædificat vallum fruiturque periclo,
Inque novum reficit munimen, & altius agger
Eductus frustra minitantes despicit undas.

*Richardus Shukburgh Coll. Div.
Johan. Socio Commenfalis.*

AUREA depositis revocantur sæcula Bellis;
Et resonant Urbes Laudibus, ANNA, tuis.
Te Socii merito celebrant: Te Vindice, læta
Pars Magna Europæ reddita jura tenet.
Sat Marti Furiisque datum: nunc mollior ætas
Otia securis Gentibus alma ferat.
Curarum vacui subigant nunc arva Coloni,
Dum placida Miles membra quiete levat.
Gallia pone metus, jam tandem pone decennes:
Non Batavus, non te territat Anglus ovans.
Gaudeat in gelida Princeps tuus Ille senecta,
Pace potes, Lodoix, vivere, pace mori.

*Edvardus Southwell, Magd. Coll.
Socio Commenfalis.*

LÆTITIAM dum magnam, effusaque gaudia Civis
Omnis agit, reduci exultans post bella quiete;
Pacificam tu sume lyram, tu succine pleno
Musa choro; taceat lituus, nec murmure rauco
Cornua triste sonent, placidis invisa Camenis.
En belli cessavit opus! Mars horridus armis
Sulphureo invehitur curru, visitque Suëcos,
Russiacasque acies. Terror pernicibus alis,
Et fugit ante Metus; Cædes perfusa cruore,
Insanusque Furor, nodis astrictus ahenis
Pone rotas premit, atque indignans vincula quassat!

Sic

G R A T U L A T I O

Sic cælo visum est, Galli deferbuit æstus
 Bellicus, & socio coeunt nunc ordine Gentes
 Conjunguntque manus; litis vestigia nulla
 Apparent, præter litem & certamen Amoris.
 Haud aliter discordantum concordia vocum
 Conventus dulces parit, Harmoniamque decoram.
 O gratæ placitæque vices! oblita tumultus
 O si discordes sic, Terra Britanna, quiete
 Quam præstas aliis, & amica pace fruaris!

Cum vero Lodoix bello perterritus oras
 Pacem; cum dextram dextræ conjungere amicam,
 Atque in complexus avide cupis obvius ire;
 An fœdus tu poscis, ut inviolabile serves
 Numen amicitiae? An potius te in fræna reclinem
 Subjicis, ut ruptis instaures bella catenis,
 Regnaque contundas festa florentia pace?
 Sic tibi Consuleres Princeps? non talia spondent
 Majestatis honos, promissaque Regia nobis.
 At mens insano ne fors correpta furore,
 Imperium mundi, & rerum captaret habenas;
 Imposuit Regina tibi, Lodoice, catenam,
 Quam non excuties omni molimine, qua non
 Te notæ expedient artes, fraudesque latentes.

Sic Proteus formas assumens mille solebat
 Vinculis excidere, & per fraudem elapsus abire.
 Ast in Aristæi manicis, & compede dura
 Implicitus, frustra consuetas fugit ad artes,
 Invitum custodit ineluctabile vinculum.

Hoc opus, ANNA, tuum; & quid non sperare licebit
 Auspice te? ut rerum se pandit amabilis ordo?
 Ut crescunt artes? ut nunc commercia florent?
 Traduntur Dunkirki arces, aperitur Eoum
 Occiduumque solum, concessa licentia ponti est.
 Ut Ruri sua forma redit? vestitus honore
 Ridet ager, funditque sinu prædivite fructus.
 Castra tegunt segetes, per propugnacula ludunt
 Exultim pecudes, impuneque pabula quærunt.

Sic postquam fluvius, qui laxa exhibat habena,
 Impatiens ripis cohiberi, atque aggere terræ,
 Volvit aquas lenes, riparum conditus ulnis;
 Graminis herba virens tenues se rursus in auras
 Explicat, & sulco seges inclinata resurgit.

Joannes Legg, Coll. Regal Alumn.

ACADEMIÆ CANTABRIGIENSIS.

Ad Pacis Oppugnatorem.

PRODI, Qui placidæ numeris obstare solebas
Pacis; & ostendas, Invide, triste Caput.
En! dum Carminibus celebrantur tempora festis,
Obducta est nigro Vestra Thalia peplo!
Vina mihi rident vel *Gallica*, plus ego vinis,
Quæ Tu, ne fuerint mista Venena, fugis.
Sternitur innumeris mea mensa amplissima Discis;
Omnibus hospitibus Janua nostra patet:
Dum Tu Radices tenues & Vilia prandens
Solus cum Solo fercula mœstus edis.
Quam lepide Daphne, quam Daphnes saltat Amicus,
Pacis ad accentus ingeminatque gradus.
At vix crura Chloe ducit sponsusque, moventque
Ut *Cancris Orti*, lævus uterque pedes.
Nostra modos hilares recitat; Tua Carmina Nympha
Quæ canat ad miseras immoritura cruces.
Omnia jucundo mihi suaviter Ore renident;
Uno horrent cædes, sanguis & arma Tuo.
Unde hæc? ni steteris querula quod parte malignus,
Ipseque præ reliquis Civibus alta sapis.
Hinc illæ Lacrymæ: Hinc vi, censu, voce resistis:
Et Pacem, quod res pax mihi grata, negas.
Sic quia Morosus non ederit Ipse Catellus
Gramina, Jejuno respuit ergo Bovi.
Num Tibi non Cordi est quod Diva Ecclesia floret
Anglorum, & prisca est intemerata fides?
Quod nondum Lodoix spectandus ducitur Unco?
In Cineres versam Lutetiamque vides?
Scilicet ad Græcas potes ista videre Calendas
Quum nec Res Gallis, ars, neque miles erit.
Num modo Dimissum post trima Silentia, Vatem
Et fero linguæ verba soluta Times?
Num quid Te terret fictusque & Degener heres?
Num quis de pura Religione metus?
Pulsat Papa fores, Heu clamas perditæ! & intrat;
Truxque Colenda Tibi fert simulacra Deos.
Ah Timor insulsus, Læsi que Chimæra Cerebri!
Curare Angliadas Numina nulla putas?
Nonne regit pavidas ANNA Inviçtissima Terras?
Et Genti pacis fœdera cuique parat?

Y

Non

GRATULATIO

Non domus HANNOVIÆ Illustris stabilitur in ævum?
Non genus æternum, perpetuumque Decus?
Si minus hæc placeant, Anglis discede: Nefandum est,
Quum sunt nulla foras, bella ciere domi.
Gratus eris Moschis, Suecis Turcisque Remotis:
(Quorum &, si Offensa est *Patria*, sume *fidem*,
Turbatum furiate cupis volitare per Orbem;
I, fuge; sed poteris Tutior esse Domi.

Johan. Boldero, A. M. Coll. Christi Soc.

TANDEM Læta dies, Britonum quæ sæpe fefellit
Spes nimium celeres, maturæ conscia Pacis
Præsentem Auspiciis animat melioribus annum.
Scilicet hunc Nostri finem voluere laboris
Europæque salus & provida fata futuri:
Fracta nec ulterius potuit tentamina Pacis
Ludere & horrendo Mavors punire flagello.
Non huc sævierat Bellum, nisi Nostra tulisset
Fortuna Hostiles arma usque laceßere gentes,
Donec Pacis Opus Britonum sit Gloria, & ANNA
Imponat Morem Victo & Victoribus æquum.
Nam cum fama volans narravit ubique, Britannos
Auspice Marlburio Gallis concurrere Pace,
Ascendit redimita comas *Victoria* lauro
Sideream ad sedem, qua Rex supremus habebat
Concilium Divûm perpendens omnia secum
Quæ faciant homines terris quæque inde sequantur.
Præsentem colit Illa Deos ac talia fatur;
Cælicolæ Magni, quænam sententia vestras
Mutavit mentes? aut vobis cura meorum
Cessit abhinc Britonum? nam certe lumina Vestra
Haud latet ut Victor positus inglorius armis
Auscultet Paci & Victum tam sæpe Tyrannum
Æquali accipiat coeuntem fœdere. Egone
Dicar ob Hoc Solum toties in prælia turmas
Duxisse infractas Britonum, Gallique superbas
Et prius invictas acies stravisse, pudendam
Gallorum famam raptis Insignibus augens?
At sperabam equidem (neque enim sine Numine vestro
Me reor Angliacos huc extendisse Triumphos)

Non

ACADEMIÆ CANTABRIGIENSIS.

Non prius Ultrici Britonas desistere ferro
Quam Dux Marlburius grassans victricibus armis
Lutetiæ tonet ad Portas, & fulminis instar.
Deturbet folio Regem —————

Talia jactantem Divum Sapia, Pallas,
Reprimit & ridens, quid Tu temeraria voce
Exultas vana, & secreti nescia fati
Ad Spes tam vastas Te ducis imagine rerum?
At Tibi par fuerat Nobis parere, nec ultra
Quærere, qui maneat supremus iussa Deorum
Finis, quæ Series sese egerat ordine rerum.
Sed ne forte putes te sollicitudine solam
Torqueri, Britonum pariter nos Gloria tangit:
Nec ferient Ullum nisi dextro tempore fœdus,
Cum Regina geret Pacem quæ prælia gessit.
Quæ tantas suffecit opes Dux Inclyta Belli,
Auspiciis Eadem Socios in fœdera ducet,
Pendere Jura potens æquatis lancibus Orbi.
Hoc Illi Imperium repletæ Numine Nostro
Ipsa dedi, ut Belli firmas & Pacis habenas
Dirigat, & Rerum Caput insuperabile perstet.

His tamen Auxiliis optatam absolvere Pacem
Vix poterit, ni fata juvent; tanta ardua rerum
Se mole objicient, & tanta Insania belli
Iræque Invidiæque furens Vi, pectora passim
Pulchræ odio Pacis Martisque accendet amore.

Hæc, addit, mihi fas orientia tempora longe
Ex illo monstrare jugo quod celsius extat.

Aspice Reginam Britonum, quàm fronte serena
Per lætum vehitur populum dum Turba Virorum
Fida Ministeriis stipat, quos pectore fixus
Suadet amor Patriæ lauro præponere olivam.

His Visis stupefacta rogat *Victoria*, quisnam
Ille sit anterior qui semper sedulus aurem
Reginæ inclinat, vocesque referre videtur
Consulto similis? reor, haud Insignibus esset
Talibus ornatus (namque hæc gestamina nosco)
Hos sibi ni proprios Virtus fecisset honores.

Has læte excipiens voces Dea talibus infit.
O Decus & Columnen Britonum! Quæ Gloria tandem
Reginæ Patriæque Tuæ ventura, scelestam
Si profugi dextram effugies diramque Tuorum

GRATULATIO

Invidiam, & furias quascunque emisit Orcus!
 Tuque etiam Harlæi salve Comes atque levamen
 Dulce laborantis, qui tantas pectore fido
 Participas curas. Vos semper Carmina jungent
 Cognatas animas, Vos multo Munere Phœbi
 Ornatos Chorus omnis amat Musæque sequuntur.
 Aspice Straffordum, Cui, sæpe experta fidelem
 Et res ad magnas aptum Regina, Supremum
 Hoc committit opus duro discrimine plenum,
 Possit ut æternum partæ decus addere famæ.
 Aspicias En! Alium, qui mitram vertice gestat
 Atque Sigilla manu, quo non præstantior alter
 Discordes æquo conjungere fœdere gentes.
 En Multos alios! quorum constantia rebus
 Conspicua in dubiis seros se extendet ad Annos.
 Adjungens sibi tam fidos Regina Ministros,
 Consulet Europæ, & lento tabescere bello
 Non sinet, at (nisi queis *Pacem* sua fata maligna
 Invideant) Populos felici Pace beabit.

Hæc ubi finierat pressoque obmutuit ore,
 Concilium solvit Magni Moderator Olympi;
 Perque auras pennis *Victoria* lapsa, revisit
 Militiam variasque Virum spes atque labores.

Phil. Farewell, A. M. Trin. Coll. Soc.

Ad Episcopum BRISTOLIENSEM.

JORDANO ripas jam transiliente, Sacerdos
 Collocat in liquidis seque Deumque viis;
 Stans sacro pede findit aquas, Nova Mœnia surgunt,
 Undaque fluminibus Ripa fit ipsa suis.
 Anglica post narret, memorat quæ Pagina sacra,
 Undique purpureum Marte vomente Mare,
 Ut Tu, Sancte Pater, Te plenum Numinis infers
 Fluctibus, & mediis Littora figis aquis.

J. King, A. B. Aul. Pemb. Soc.

O Quem

ACADEMIÆ CANTABRIGIENSIS.

O Quem canoræ Phœbe potens Lyræ
Heroa Divûm sedibus inferis,
Cujus repercussum jocosæ
Nomen amant celebrare Silvæ:
Seu Tu Natantis cœlitus Insulæ
Revisis oras; seu Lyciæ tenes
Dumeta; seu lentus recumbis
Castalii prope Fontis undas?
Ecquid sonandum pectine dignius
Quam Vos Beatæ! Vos Animæ! Quibus
Æterna defensi Penates
Angliaci statuere signa?
Videre Lucos jam videor pios,
Sacrique lætas Elysii Domus,
Manesque Majorum stupentes
Facta novo superata Marte:
Furore tandem percitus Entheo,
Alcæe, chordas altius increpas,
Stat fixus Ixion, nec acrem
Sisyphus ingeminat laborem.
Quin Vos amœna Pace fruamini!
Vestros paratos Patria sanguine
Ducens Triumphos Pacis Artes
Compositis meditatur armis.
Dicam subactas Hesperiae Plagas,
Et imminutis magna Cohortibus
Te Bella, Mordanti, gerentem
Austriacæ memoranda Stirpi:
Non Arma semper, Martius aut vigor
Laurus reportant: Est ubi præripit
Instructa mens, Pectusque sano
Consilio bene præparatum:
Superbus undis dum Tagus aureis
Fulvas arenas in Mare proruet
Te Fama victorem Madriti
Alta canet referasse Portas.
Dicam tremendas Argylî minas
Rubra vibrantis Fulmina dextera;
Montesque inaccessos secundis
Auspiciis Juvenis receptos.

Z

Nec

G R A T U L A T I O

Nec Te filebo, Nobilis impares
 Invicte Vebbi sternere copias :
 Te Flandriæ late sonarunt
 Arva, Vinendalique Campi.
 Solus labantem restituit statum,
 Et invidendas Imperii vices
 Harleius indefessus æquo
 Ferre Humero valet, alter Atlas.
 O A N N A, Regum Progenies, Deum
 Donanda Templis, Quæ Tibi creditum
 Sublimis exornas, Tuoque
 Arbitrio moderaris Orbem,
 Quæ dedicabit Marmora, quæ Tibi
 Tropæa sistet Cura Patrum Tuas
 Sat digna Virtutes futuris
 Perpetuo memorare Sæclis?
 Te Mars jubentem cinctus aëneis
 Exaudit armis: Nec mora: Per Freta,
 Terrasque grassantes Catervas
 Frænat ovans, Furiasque Belli.
 Vultu sereno Pax redit: Aurea
 Tandem resurgunt Tempora; nec timet
 Astræa delabi Parentem
 Justitiam comitata cælo.

R. Attwood, A. M. Aul. Pemb. Soc.

*Ad Honoratiss. D. D. Baronem HARCOURT
 Magnæ Britanniae Cancellarium.*

S P L E N D O R E M antiquæ qui stirpis honoribus ornas
 Ipse decus proavis, lumen reddisque paternum
 Auctius, eximio cui dignans A N N A favore
 Justitiæ dedit arbitrium, legesque tueri.
 O mihi si minima eloquii, suadæque potentis
 Qua flectis mentes, & corda sequacia fingis,
 Pars esset, facili fluerent tum carmina vena;
 Carmina quæ possent animos sedare furentes,
 Et blando invisæ succendere Pacis amore.

Quid

ACADEMIÆ CANTABRIGIENSIS.

Quid desiderio torques Pax alma, diuque
Suspendos incerta tenes? nunc clara decorum
Ostendis caput effulgens, mox luce maligna
Perfpiceris sub nube latens, nos undique circum
Funduntur tenebræ, telorumque ingruit horror.
En tandem Divam fugientem prendimus, ægri
Incaſſum nec ſuſpiravimus, en Jubet ANNA,
Compoſitique ſilent ſtrepitus, fera bella reſidunt,
Pacatiſque quies terris late incubat alta.
At vos lætitia diffundite pectora gentes
Attritæ bello, longos & ſolvite luctus:
Cernite qua nuper ſeſe explicuere cohortes
Ordine terribili, & campum texere patentem,
En deſerta vacat regio, lateque filetur.
Nec tuba languentes animos clara increpat, acrem
Virtutem inſpirans, diro nec fulmina belli
Diſſultant crepitu, pulſus dum fluctuat aer,
Et ſonitum pugnæ mixtum, vocesque volutat.
Non vigilans portas timor excubat ante, nec hoſtis
Callidus inſidias explorat mœnia circum.
Nuda ſinus tellus viridi ſe veſtit amictu
Gramine læta novo, læſosque inſtaurat honores,
Atque impune ſeges vacuum jam prodit in æquor.
Nec tamen ipla intacta malo viget Anglia victrix
Fortunata ſitu, non hoſtibus obvia ſævis,
Quam Pater Oceanus liquido munimine cingens
Diſtinet a lætis bellum feliciter oris.
At Pax replet opes exhaustas, undique ridet
Copia, miraturque novas Brittannia merces,
Et fructus proprio quos non tulit ubere glebæ.
Jamque fides pelago, nemoris jam gloria Quercus
In mare deſcendit, ſilvam deſonſa comantem,
Quæque altis fundata ſolo radicibus hæſit,
Nunc vaga, & inſtabilis, veliſque ferentibus apta
Findit iter liquidum, & peregrinas advolat oras.
Tu, Pax, everſo pergas ſuccurrere ſæclo;
Ne tamen inſidias, vultuque infida Sereno
Diſſimules fraudem, mendax dum gaudia præfers:
Moliris nil tale, metus ſecedite ficti;
Ereſtæ Britonum mentes, & vivida virtus
Vincla indignantur, nequeunt ſubmittere turpi
Colla Jugo, libertatem ſed pectora ſpirant.

Nec

GRATULATIO

Nec cultu immodico vanos adsciscet honores
 Relligio, pompa vel luxuriabit inani
 Consumpta in Speciem, Papam, fictumque Tyrannum
 Quid metuum? aereis tradam ludibria ventis
 Irrita, quæ, veri cum lux inimica refulsit,
 In noctem, atque leves abeunt evanida fumos.
 Sic tenues cæca volitant caligine formæ,
 Terribiles visu formæ, pavidisque timorem
 Mentibus incutiunt; quas fama est linquere terras,
 Et raptim celerare fugam, cum languida primis
 Purpureum radiis Aurora retexerit orbem.

Edv. Adams, A. B. Coll. Regal Soc.

TRISTIA vix Magni plorarat Fata Wilhelmi
 Anglia, quem toties funesto Gallia Marte
 Grassantem horruerat, Terraque Marique potentem;
 Cum fastu elatus Lodoix, nova prælia tentans,
 Pallenti Europæ crudelia Vincla minatur,
 Atque Tibi insultat, Britannia; nescius Ille,
 Quid Bello horrendo possit quid Fœmina in armis;
 Sed debellato didicisti, Galle, furore,
 Quid Bello horrendo possit quid Fœmina in armis.

En! Solium Angliacum summis Virtutibus ANNA
 Ascendens, misero gaudet succurrere sæclo.
 Scilicet Imperii Pondus Gallicque prementis
 Sustentat molem, fortes in prælia mittit
 Heroas, Patriæ violati fœderis Ultrix.

Marlburium video lætis assueta Triumphis
 Agmina ducentem, Dextraque in Marte potenti
 Germanas tutantem Aquilas, patriosque Britannos.
 Heu quales Acies fudit, quantasque cievit
 Strages! Fulminei non impar Ille Gradivi
 Armatus framea mediis in millibus arsit.

Ah! Utinam Lauro placidam junxisset Olivam!

Non opus est rapido contundere fulmine Gallos,
 Corporaque horrendis late prosternere telis,
 En! Tua jam, Regina, feras sine vulnere mentes
 Devicit Pietas ficcis lætata triumphis!
 Bis Victrix Regina, Tuo quæ fulmine terres
 Marte potens, sed vincis amore potentior Hostes!

Vidi-

ACADEMIÆ CANTABRIGIENSIS.

Vidimus Hârleium, cui magnam Mentem Animumque
Inspirat Numen, subeuntem mille pericla,
Nec, Guiscardæ, tuo timidum se opponere telo,
Dum Patrias Leges, dum Relligionis Honorem
Asseruit, Solioque ANNAM stabilivit avito
Consiliis & Pace valens. Sic maximus Atlas
Insudans Cælos immani vertice fulcit.

Vos precor, O Superi, queis nostra Britannia curæ est,
Hunc servate Virum, ne direptum Anglia ploret
Palladium, Hostisque accensi cito sentiat iras.

Quis novus hic Hospes, qui miti insignis Olivæ
Incedit Ramo, Angliacis nova Gaudia portans?
Agnosco Vultum Mitramque in pace potentem.
Hic est, quem tanto exultans Brittannia plausu
Gratatur Reducem — Quin Tu, Sanctissime Præsul,
Cujus consilium Europæ compescuit Iras,
Respice discordes Anglos, Precibusque furentes
Componas Animos, placataque Numina reddas.

Et Vos, Heroes, quos Laudum arrecta Cupido,
Ardorque in Patriam Divûm ad Consortia misit,
Cælesti comitante Choro, hæc felicia Regna
Despicite, & læti conjunctis plausibus Omnes
ANNÆque & Vobis partos celebrate Triumphos.

Pergas, ANNA potens, & jam feliciter Hoste
Pacato, proprias placide tuteris Olivas,
Æternaque Tuos jungas pace Britannos.

Joh. Rigden, A. B. Coll. Div. Joh.

HUc agite, atque odiis Divam celebremus omissis,
Dislita quæ sacro fœdere regna ligat.
Ergone, quæ nobis nimium cessasse videtur,
Longum sperati temporis hora redit?
Ergone Pax ANNÆ ingentes cumulavit honores,
Omnis Quam virtus officiosa colit?
En: ut per cælum fulgentes explicat alas,
Et spargit radio lucidiore diem!
Ut properat jamjam telluri insistere nostræ!
Aspicite, & lætos tollite ad astra sonos.
Ecquis lætitiæ pudor est? jam, sobrie, larga
Vina bibas, sanos jam furor iste decet.

G R A T U L A T I O

Quisque tibi longam poter, Regina, salutem,
 Sola tua incolumes nos facit, A N N A, salus.
 O Quantus nunc sæclorum sese explicat ordo!
 Visura est quales Anglica terra dies!
 Pax belli strages, monumentaque tristia Martis
 Destruit, & præsens cuncta vigere jubet.
 Sic quando Ventorum insana licentia fluctus
 Excitat, atque ingens per freta sævit hiems;
 Si voce increpuit Neptunus, flamina cessant,
 Et taciti rident æquora læta maris.
 Jam pia Relligio florescet, & auspice Pace
 Longa salutiferas trans freta mittet opes.
 Quas ædes, Regina, struis? quæ condere templa,
 Tantum Paulinis inferiora, paras?
 Quas arces A N N A auspiciis, quos surgere muros
 Cernes, Regali nomine digna Domus!
 Publica jam toties exhausta æraria crescent,
 Quod Regina petit, Curia sponte dabit.
 Scilicet absumptæ crudeli peste duelli
 Restituet genti robora firma salus.
 Quæ vires nullæ potuissent perdere bello,
 Ardua Dunkirki mœnia pace cadent.
 Utraque in Albionem portabitur India, nostræ
 Divitiæ, totus quas parit orbis, erunt.
 Nimirum, post longa cruenti tædia belli,
 Quæque artes A N N A, & Pace fovente vigent.
 Ut flores læto rorantes imbre renident,
 Cum Sol purpureo lumine pingit agros.
 Æternos Cæsar populando expectet honores,
 Et speret, Prædo qui fuit, esse Deus.
 Tu vero invitas gentes servare laboras,
 Regina, & pacem justa per arma petis.
 Et Quis Reginam culpet? Quis talia demens
 Abnuat, & malit bella nefanda sequi?
 In bellum armatur truculenta Gorgone Pallas,
 Post Illam graditur Mors, Timor ante volat;
 Sed tamen Hæc oleæ admirans venerabile donum,
 Temperat invictas, fortis ut A N N A, manus.
 Tu, Pax, hanc Delon siste, & quæ fœdere gentes
 Tot Jungis, Britonum pectora Junge, precor.
 Discordes coeant cives in fœdus amoris,
 Nos premet externo nullus ab hoste metus.

Edv. Kemey's, Coll. Regal. Alumn.

A S T R A E A M

ACADEMIÆ CANTABRIGIENSIS.

ASTRÆAM redeuntem, & bella exhausta canamus,
Emeritasque acies, & jam sine cæde Triumphos:
Tuque Minerva, adsis, posita sed casside, pugnas
Jam celebres, olim quas inspirasse juvabat.

Ulterius Regina vetat sævire tumultum
Armorum, bellicque minas; & tanta tropæum
Gloria non placuit, nimio quod sanguine parta,
Nec referat lauros indeffetosque Triumphos;
Ocius ANNA tuos reprimat, Bellona, furores,
Nec cessat, donec patrium detrusit ad Orcum
Te, Furiasque tuas, discordia numina belli.
Uberibus lacrymis viduæ, lacrymisque parentis
ANNA dedit finem, tantos miserata dolores,
Quæ fuit ipsa parens, viduarum & conscia luctus:
Et non oblita est, sævo in certamine Martis
Vulnera quæ turmæ pro Libertate tulerunt,
Pro Patria atque ANNA; sic Dî voluere rependi
Heroas Britonum, quorum victricibus armis
Collo excussa jugum exultans Europa resurgit.
Nunc tantum ludant belli simulacra theatri,
Nec jaceat miles nisi in hac inhumatus arena:
Hic fusas acies everlaque mœnia detur
Spectare, hic Britonum resonent ANNÆque triumphi.
Non tamen absistunt Britones, quia dextera bello
Deficit, aut minor armorum generosa cupido,
Sed major pietatis amor, pacisque triumphi.
ANNA quidem, ut Macedo (tamen hoc discrimine) plures
Explorat, tantum plures ut protegat orbes.
Jamque acies cohibet, cum res evertere posset
Borbonias, & humi tot diruta mœnia fument:
Sic fulmen belli Armoricis Edoardus in oris
Victrices turmas spoliis tot onustus opimis
Frænat, palantique animosus ab hoste recedit.

Gul. Bouchier, Coll. Trin. Alum.

SUB-

G R A T U L A T I O

SUBSEDERE gravis jam tandem incendia belli,
 Nec amplius discordia
 Haurit opes nostras multos dominata per annos,
 Sed nomen hostis exulat.
 Vicerunt alii Gallos feliciter, ipsum
 Sed **ANNA** Martem contudit.
 Gentibus Illa diu vexatis cæde, metuque,
 Dulcem quietem reddidit.
 Reddidit Illa diem festam, quæ gratior omni
 Venit triumpho patriæ.
 Vincula quis dubitat pacis mansura, quis audet
 Concordiam divellere,
 Cum Regina illos hortatur fœdus inire,
 Quos posset armis cogere?
 En Lodoix Anglis animo se jungit amico
 Vinculus catena duplici.
 Auspicia hinc **ANNÆ** impellunt, viresque secundæ,
 Inde & benignitas pia.
 Felices repetit terras secura Voluptas
 Æterna spondens otia.
 Dilectæ Charites nexu proprio ligantur
 Prægestientes cernere,
 Quam bene gens humana suos imitetur amores,
 Et mutuam concordiam.
 Hæc facies rerum nunquam mutabitur, **ANNA**
 Suos Britannos dum regit.

Gul. Hawtrey, Coll. Regal. Alumni.

QUALITER excitus Venantum vulnere sæva
 Massylus movet arma Leo, quem arcere frementem
 Telorum genus omne nequit, quin dente tenaci
 Obstantem rapiat secum laceretque colonum,
 Donec sese ultus paulatim inhibere furorem
 Incipit, atque Animo luctantes excutit Iras:
 Haud secus Invisi Britones, Fortissima Pubes,
 Supplice, deponunt jam corda ferocia, Gallo,
 Immemores odii veteris, Bellique cruenti.
 Accipe, Magna Parens, Generosa Britannia laudem
 Quæsitam meritis; sævis Inimica Tyrannis,

Sed

ACADEMIÆ CANTABRIGIENSIS.

Sed nunquam ad duras Miserorum furda querelas !

Sed nunquam Victos nimium Crudelis in Hostes !

En ! ubi pacatos Præpinguis Flandria campos
Ostentat, nostram resonaverit Incola Famam,
Ridere insolitis cum cernet Fructibus Agros,
Cum tutæ surget fœcundo ex ubere Glebæ
Cæde ferax Seges, & Britonum de Sanguine Messis.
Materiam inveniet nostro de nomine, Musam
Agrestem meditans sub munito Aggere Pastor,
Sparsa boum vacuis passimque Armenta videbit
Castris Marlhuri & vallo mugire relicto.

Undique visendi studio venit Advena, Scenam
Bellorum explorans; Magnas a Sedibus Urbes
Everfas stupet hic, Saxis avulsaque Saxa
Murorumque Minas illic, Vestigia Martis:
Ipse animo hostilis fingit simulacra Tumultus,
Eugeniumque videre recentem a cæde videtur,
Ipse timet strepitus, fictæque Pericula Pugnæ,
Tantus ubique Horror, terret simul Ipsa Ruina.

Hæc ubi perlustrans animo mala plurima volvit,
Borboniæ Gentis scelus execratur avitum,
Ingentique ANNAM sua fert ad sidera laude.

At Patriæ fines tandem Arva Britannia revisens
Miratur Miles celsas se tollere moles,
Sanctum Pacis opus, Templis Decora alta futuris.
Multa rogans natos, jam Grandes, excipit ulnis,
Amplexuque tenens reduces ex agmine toto
Monstrat Ductores, & facta & nomina narrat;
Hillumque Webbumque acres, Duo Fulmina Belli.
Te quoque monstraret si, quas in bella ruentes,
Marlbure, assuêras turmas stimulare, videret
Ad Patrias modo ducentem Feliciter oras,
Tu tamen ah ! — faciles veletis cætera Musæ.

O Quis mirandos digno canet alite Vates
Annales, Regina, tuos? super omnia late
Justitiam video sperata extendere Regna;
Amplius haud detenta suis en Pallas Athenis
Præsens! voce nova Camusque Isisque canentum
Jam nunc tardantur, gratissima Flumina Phœbo.

Hæc reputans humilis deducto carmine grates
Musa parat; Tuus ast utinam Spencerus adesset,
Pembrochiana Domus! Spencero digna geruntur.

GRATULATIO

At quanquam, quibus Ille suam celebravit Elizam,
ANNA, mihi haud detur numeris tua dicere facta;
Respicias placide tamen Hos, Insignia Cultus
Exigua Ingentis, Mentis munuscula grata.

Wilhel. Crayford, Aul. Pemb. Alum.

LAUDARUNT Alii felices Marte Britannos,
Venales & sanguine Lauros;
Laudarunt merito; Quis enim neget Anglus Honores
Malbrovio, & victricibus Armis?
Jam vero Arma silent, Rediit cum Pace Minerva
Jam Belli defuncta labore:
Hæc dedit Ingenium Nobis, Hæc otia fecit,
Paciferis Dea Candida Ramis:
Te, Dea, Quam memorem! posita cum Gorgone Dira,
Sacram ANNÆ cum induta figuram,
Hanc animo & vultu referebas, visere tandem
Belligeros dignata Britannos;
Bristolæque vocans Pastorem ex Omnibus Unum,
(Sæpius Hunc experta Fidelem,)
Qui Pacis Divina ferat Mandata, Britannos
Indomitos Qui temperet, Inquis:
'I Legate Dei, Patriæque, I Care, perenni
Europen & Fœdere jungas.
'Gallia mæsta diu gaudentes sanguine Natos
Jam satiatos sanguine vidit:
'Crescentes Lauros reprimat matura Britannum
Gens Superis dilecta, decoro
'Ne pigeat ramo ornari Pacalis Olivæ.
Se Vincat, Quæ cætera vincit;
'Ex Gallis a se doctis succumbere, discat
Incertis non fidere Rebus,
'Semper & O, Quamvis imitetur cætera Gallos,
Sit semper discrimen in Hac Re.
Consilii expertum Pallas sic fata Ministrum,
Huic multos afflavit Honores.
Hunc Pietate gravem ut vidisti Europa, repente
Conticuerunt Horrida Bella;
Indignans primo renuit Bellona Catenas,
Eloquio sed victa quievit;

Agnovit

ACADEMIÆ CANTABRIGIENSIS.

Agnovit tandem gaudens Europa Salutem,
Et Præsentia Numina Divæ.
Sit Procul Hinc, Quicumque Armatum pectus habebit,
Nunc positis feliciter Armis.
Eximii Heroes, Patriis quos detinet Oris
Flandria Franco Sanguine Pinguis,
Publica Qui toties peperistis gaudia, tandem
Publica gaudia percipiat;
Si vos Bella juvent, memoretis pristina Bella,
Et Franco describite Vino
Campos, Quos toties tinxistis Sanguine Franco;
(Hos Olim meminisse juvabit)
Non ANNÆ Immemores tamen inter Pocula læta,
Et Bellis & Pace Potentis,
Belligeros, Vos O Fortissima Corda, furores
Hesperio Committite Ponto:
Sic Vobis faciles fiant redeuntibus Undæ;
Sic revehat Vos Mollior Aura.

Ad. Elliot, Coll. Regal. Soc.

BELLORUM assiduo confecta Europa tumultu,
Natorumque graves iras miserata Suorum,
Sanguine fœda virûm, & discissâ sordida pallâ
Albionem invisit; tum Regia Tecta Stuartûm,
Augustumque ANNÆ Thalami penetrare petivit.
Hanc magnas magno versantem pectore Curas
Infelix querulis compellat vocibus ultro:
Ergone vexabunt Nostras fera classica gentes
Perpetuo, & putres quatiet gravis ungula campos?
Et frustra gravidis flavescent frugibus Agri?
Quid Cereris prodest, quid mitia dona Lyæi
Ferre? quid immodicis quod nulla caloribus uror?
Quod rabidæ Tigres absunt, tumidique veneno
Angues, nec fulvos metuunt armenta Leones?
Felix prole Virûm! si non tam Martius Ardor
Afflasset miseros, & Laudis dira Cupido.
Sat Furiis iræque datum;—————
Tu, Decus, & præsens rerum Tutela mearum,
Arma infesta prior ponas; Teque auspice, denum
Unanimi coëant in mutua fœdera Reges.
Te Gallus, Te durus Iber socialia pacta

Jun-

G R A T U L A T I O

Jungentem accipient læti; Te Cæsar amicam
 Agnoscer positâ tandem placatior irâ;
 Te Batavus, Te Istri potator, & Accola Rheni.

Dixerat; ANNA jubet concordia Fœdera jungi,
 Ulteriusque vetat Socios concurrere bello.
 Consensere omnes, ponuntque ferocia læti
 Corda volente ANNA; cessit Letalis Enyo,
 Iræque insidiæque, & pallida Mortis imago.
 Alma Fides subit, & testatus gaudia vultu
 Dulcis amor, cœcisque diu celata latebris
 Aurea Pax Niveis plaudens circumvolat alis.
 Haud secus armipotens gentes Tritonia Virgo
 Nunc in bella ciet, galeâque & Gorgone torvâ
 Horrida sanguineum funesta ad Prœlia Martem
 Provocat, aut Thracas debellatura feroces
 Aut Phrygas indomitos; positis nunc mitior armis
 Cecropidis dat jura suis, placidoque renidens
 Numine turbatas solvit formidine terras,
 Sævi Eadem belli præses, Pacisque Magistra.

Tuque adeo, tua præcipue quo Cive superbit
 Anglia, quo gaudet Fido Regina Ministro,
 Auspiciis ANNÆ felicibus otia blanda
 Impiger infractis peperisti, Harlæe, Britannis,
 Pacis & ornandas donasti sedulus artes.
 Te magnos auctore excepit Curia Patres,
 Pulchrior enituitque novo præsignis honore.
 Qui simul ac Britonum successisti, Inclyte, Rebus;
 Extulit os sacrum Felix Concordia Cælo,
 Et trepidas exul Terras optata revisit;
 Cædibus assiduis udus non perfurit Ensis,
 Infesta & prohibent Reges procedere signa.
 Ipsa venenatâ non audet carpere linguâ
 Invidia, atque in Se tacite mirata recessit.
 Sic Phaëthontes mundo lugente ruinas,
 Mobilia excepit signantes tempora currus
 Phœbus, & effulgens radiis spectabilis aureis
 Viêtrices domuit fausto moderamine flammæ.
 Extemplo frondere solum, semûsta renasci
 Gramina, lætificis mitescere fructibus arbos,
 Almaque fœcundo Tellus revirescere partu:
 Servatum Superi celebrant Pæanibus orbem,
 Jupiter & summo tutus confedit Olympo.

L. Ward, A. B. Coll. Jes.

ΔΕΥΡ' ἴθι, Μῆρα Θεά, ἐπίχαρτόν τ' ἐννέπε Φήμῳ
 (Πάντ' οἶδαδ', ἀμαθῇ με δ', ἀπυσόν τ' ἔμμεναι οἶω)
 Ἦδ' ἔαν Βρέτανόις, ἢδ' ἀνδράσι δυσμενέεσσιν,
 Οἱ πρὶν ἐπ' ἀλλήλοισι φέρον πολύδακρυον Ἄρηα.
 Εἰς μέθον Εὐρώπης μακρὰ κατέβαινε Ολύμπου
 Εἰρήνη δὴρ' ἄπεσ', πόλεμός τε πέπαυ'.
 Οὐκ αὖθις βροτολογὸς Ἄρης, ἢ φύλοπις αἰνή,
 Σάλπιγγ' κόνει' ἔσθ' ἰσχυρὰ τ' ὀδύρματα φωτῶν
 Ὀλυμπίων, μητρῶν ἀναλκείων ἀκασά.
 Φλάνδριακός τε φόνος· νεκρῶν ἢ αἵματι γαῖαν
 Αἰχίσλῳ κλείει· Δανῶν δ' ἢδ' ῥέεθροις,
 Πορφυρέοισι φόνος Βληνείμω μόρσιμον ἡμάρ,
 Σιγῶ· λυθρῶδεις νίκαι, κακὰ ἄλγε' ἔχουσιν,
 Κυδαλίνης εἰρήνη ὡς κρείττων μάλα νίκης
 Ἀνδρῶν ἢ πολλὰς αἰδοί· περὶ αἶψαν ἀγαυῶν.
 Ἦρ' οὐδ' ἔχοντ', εἰς πατεῖδα καλλιγύναικα
 Ἀψ' ἀπονοσήσαντα, φόβον Φραγκοῖδ' αἶψα
 Εὐφρογέσ', ἢ δ' αἰδοίετο, δέξεται ἀκοίῃς
 Ἀλκοῖν' ἐλθῶν, καὶ οἷα ἔπαχεν ἐρευνᾷ,
 Υἱέες ὡς, καλὰ τε θυγάτρες, ἀγλαὰ τέκνα.
 Ἀντιθέη Βασίλειος, ἢ Ζεὺς μὲν σῆπτερον ἔδωκε,
 Χαῖρε, τεοῖσι θεοῖς ἢ μήδεσιν πάντα τέλεσας
 Δυσμῆρας τ' ἐδάμας, ἢ ἀμύμονα λαὸν ἔσωσας·
 Ἀλλὰ Θεὸς Σοὶ ἀρωγὸς ἐγίνετο, μήδ' ἄρα πάχε
 Μήδεσι δμηθῆναι δολίοις, ἐχθρῶν τε ἀπειλαῖς.
 Φραγκῶν βασιλεὺς, πάσης μέγα δαῖμα πάροιθε
 Τῆς Εὐρωπείης, ἰκέτης εἶ ἢ ἔλδετο εἶναι·
 Οὐτὲ μένων αὖθις μαχέσασθαι ἐναντίον· ἀλλὰ
 Ἦιτεε μὲν φιλόπτητα ἔσθ' ὅρκια πῖσά γενέσθαι,
 Ὡν κυρῶν, ἈΝΝΗ κῦδ' οὐδ' αἶνον ὀπάσθαι
 Τῇ ὅπῃ μὴ ἐρεδες φίλοι, πόλεμοί τε, μάχαι τε
 Οὐδ' ἀνδρῶν τέρποιτο φόνους, σοναχῆς τε δαμαρτων
 Ἦδ' ὅπῃ δυνάμει ὀλέκεν, πᾶσι πλεῖστον φίλῃ·
 Ὡ μάκαρ Ἀρλεῖ· Ὡ μοιρηγῆρες, ὀλβιόδαιμον
 Βεισόλι, αἰδοίης μίττης μέγα κῦδ' ὅς ἐστι·
 Ὡ Στραφφόρδε, φρένας καλῶς πεπυκασμένης βελαις·

GRATULATIO

Ἀγλιακός δ' ὅσα ὑμῖν χαρίσματα λαὸς ὀφείλει,
 Εὐπραγῶν, ἅς πάντες ἐόργατε πατείδα γαῖαν;
 Πόλλ' ἀγαθὰ πράξαντες, τ' ἄλγεα πολλὰ παθόντες
 Ἀρχέκακοι δόλιοί τε ἂν ὑμῖν ἄνδρες ἐκόσμευν.
 Ὑμεῖς τῷ Βρετανῶν βροχολοιγὸν ἀμύνατ' Ἀρηα,
 Δώκατέ τ' εἰρήνῃ, νίκης μάλα κρείττονα πάντως
 Ἡδεῖ εἰρήνη νίκης κλέος, ἥδ' ἢ πένθος.
 Χαῖρε δέ μοι Βασίλει' Ἀγλῶν χρυζόθρον' ἈΝΝΗ,
 Σοὶ μέγ' ἄλῃ περ Ἀρης πμὴν πολίπορθ' ὅπασε,
 Μείζον ἔδωκε κλέος δ', Εἰρήνη, δῖα Θεάων.
 Αἰθ' Ἀγλοῖσι τεοῖσι πολὺν χρόνον ἐμβαλεμένοισι.
 Χαίρετε Ἀγλιακῶν παῖδες, ἢ ἀμείβετε Νύμφαι
 Εὐπλόκαμοι, καλαί, λιγυρῆς μὴ φείδετ' αἰοιδῆς.
 Χαίρετε Λονδῖνα εὐπύργα ἄκρα κάρηνα,
 Γραντὶς τ' ὡς χώρη, ἣν μὴ φιλέεσκεν Ἀπόλλων.
 Χαίρετε νωλεμέως κατ' Ὀλύμπια δώματ' Ἄρτα.

Adam Barnes, Coll. Div. Joh. Alumn.

DEFUNCTA Longis ANNA Laboribus
 Secura tandem Gentibus Otia
 Indulfit; æternamque Pacem
 Auspiciis iniit secundis.
 O nos beatos! Quos neque Civium
 Effusus Ardor; nec Furor Hostium;
 Nec Cæde gaudentes Sigambri
 In nova proripuerunt Bella.
 Non jam æstuosus cruda Cadavera
 Devolvit Ister; sed Britonum Decus,
 Cum Pace delabens in Ortum,
 Per medios feret Ottomanos.
 Belli secundos audiet Exitus
 Princeps, Britanni Nonminis æmulus,
 Præclarus Exul; Sueciarum
 Triste Decus Columeque Rerum:
 Dicetque tandem: Væ misero mihi!
 Quam pæne summo Culmine decidi!
 Vexilla Victor pæne Moschæ
 In media posui Suburra.

Crebris

ACADEMIÆ CANTABRIGIENSIS.

Crebris gemebat Russia Cladibus,
Moscho erubescens sanguine Vistula
Retorsit Undas; Orbis Arma
Attonitus stupuit Suëca.
Europa summum quem vocet Arbitrum,
Dignus videbar; quidlibet impotens
Sperare, Fortunaque dulci
Ebrius: at minuit Furorem
Pultova Clades: occidit, occidit
Spes nostra! at ANNÆ Dextra potentior
Terris redonavit perennem
(Sic Superi voluere) Pacem.
Me, Diva, Rerum prospera respice,
Dum te Batavus, Gallus, Iber colit,
Supplex & Europæus Orbis
Compositis veneratur Armis.

Joh. Thomas, Aul. Kath. Alumn.

POST tot fœdatos Fluvios, Agrosque natantes
Sanguine, lassatamque diu Furialibus armis
Europam luerint si non sat crimina Gentes,
Si satis offensum Numen non sæviit; eheu!
Quæ nos Fata manent? vel quis manet exitus? O Di
Parcite, & afflicto faciles succurrite Mundo:
Nunc, O nunc reſerata nimis jam limina Jani
Claudite, & æterna clauſum ſervate catena.
Quo vero queruli gemitus, aut vota Britannûm?
Conſilio Harlæus pollens, & mente ſagaci
Effecit, quod vix auſi ſperare Britanni.
Pacis opus primum mirerne? domive reſſam
Inſanam Turbam, quæ Pacem lumine iniquo
Aſpexit, Patriæque inimica obſtabat honori?
Luminibus vero liceat mihi credere noſtris?
Fallorne? an video Pacem, florente Corona,
Ire per Anglorum Terras? Radiosque Comasque
Et video, novique ſatis: neque Factio neſcit
Longius atra moras; crebris aſſultibus inſtans
Sæpe novos iniit; ſemper ſpe futilis, auſus.
Ut cuncta exultant, audito nomine Pacis!
Undique jam Populi, qui tandem tædia longæ

Excuf-

GRATULATIO

Excussere moræ votis communibus, omnes
Lætantur, spectantque Deam: lætatur & Ipsa,
Exhilaratque suo dejectas lumine mentes.

Nec tamen interea tanta inter gaudia, tantam
Lætitiâ Populi, memores non possumus esse
Bristolli, Pacis patriæque Deoque fidelis
Legati; Te sæpe Ecclesia, sæpius ANNA
Consultit; Harlæus Tecum communicat alta
Consilia, arbitrioque tuo, Bristolle, quiescit.

Quæ Vobis, quæ digna, Virûm Par Nobile, (tantam
Quos voluit rabiem, tantos compescere motus
Provida Cura Dei) Britannia præmia solvat?
Illa quidem solvet grates; & cætera Vobis
ANNA dabit, mansura dabit per sæcula Fama.

Ut jam per Terras facies placidissima rerum
Ridet, & incipiunt fausti procedere menses!
Qui modo funestas agitarunt mentibus iras,
Mutuam amicitiam, & socialia fœdera jungunt;
Et late cessant crudelia Bella per Orbem.

Auspiciis hæc, ANNA, tuis perfecta videmus,
O Patriæ Tutela tuæ! Tu Maxima semper
Diceris Nobis, & eris Tu maxima semper.
Non aliam Dominam supra Te Europa fatetur,
Te Mediam Belli & Pacis; Tibi Maximus ultro
Jam cedit Wilhelmus; eadē jungere Gentes
Aggressus, plus æqua operis Tibi parte reliquit.

Gaudia jam tandem læti captate Britanni,
Quod votis optastis, adest. non amplius atro
Sanguine fœdantur Fluvii, non prælia Campi
Jam spirant; siluere Tubæ, siluere Furores,
Et rabies Belli. Gladius nunc vulnera figit
Vitibus innocuis, funestaque spicula Martis
Horrendi placidæ Cereris sinuantur in usus.
O nunquam mutent faciem! defessa quiescat
Europa, & lentī reparet dispendia Belli:
Tuque, ANNA, externis quæ donas Otia Terris,
Pergas internos Populi sedare tumultus.

Richardus Leightonhouse, Coll. Regal. Alumn.

ACADEMIÆ CANTABRIGIENSIS.

MARS ab Aloïdis quondam (ut fert fama) ligatus,
 Vincula, captivis quæ facit, Ipse tulit:
 Nunc iterum Arctōas Deus ille refugit ad oras
 Regina veritus vincula nexa manu.
 Pallas at ut mœstum videt æmula Diva Gradivum,
 His dictis hebetem luset amara Deum.
 “ Miles habent positis Artem quam exerceat armis
 “ Desuetam, Belli sed Deus ipse nihil.
 “ O cujus nullum est sine cæde & sanguine Numen,
 “ Ecce! tuis armis te, Deus, ANNA fugat.
 “ Illius eximios ornabis & ipse Triumphos?
 “ Et tandem vinclum te muliebri manet?
 “ I fuge, Hyperboreo potius frigesce sub axe,
 “ I patriam procul hoc pulsus ab orbe petas.
 “ Incultas vilesque animas ad Tartara mitte,
 “ Non alios quam te quæ coluere Deos.
 “ I Scythicas, qua Volga fluit, disperde cohortes,
 “ Victima ibi gladiis est magis apta tuis.
 “ Pacificam hic Regina Lubens colit usque Minervam,
 “ Ast Invita tuis est operata Sacris:
 “ Turea Dona Aris Britones Pietate vel Armis
 “ Insignes pariter sæpe tulere meis;
 “ Non alii plures vitam excoluere per Artes,
 “ Hic auget veteres, invenit ille novas.
 “ Nunc mea, siquando, late se pandet Oliva,
 “ Perpetuo in fertis dum viret, ANNA, tuis.
 “ Et quoniam Antiquas jam barbarus Hostis Athenas
 “ Occupat, & dudum displicet iste Locus:
 “ Cara mihi ante alios Granta & Rhedycina recessus;
 “ Hic ANNÆ, gessi quæ prius Arma, canam.

Gerardus Whitworth, Trin. Coll. Alumn.

SANCTA ad Templa Deum grati ducantur Honores,
 Sanctior impositis resplendeat Ara Coronis,
 Dīs semper Pietas, semper Britannia Curæ est.
 Alma Fides, & quæ Terras Astræa reliquit
 Averſata malum, Terras Astræa revisit
 Placata, & miseris quæ fuderat Anglia votis

D d

Æquior,

GRATULATIO

Æquior, & Magnæ Virtutibus æquior ANNÆ.
 Illis læta Comes nitidis Pax advolat Alis
 Exultim ludens, & victo Marte triumphans.
 Sera ANNÆ frustra que diu quæsitæ, Britannis
 Pax redit; at centum Nodis devinctus ænis
 Post Tergum, subjecta quatit Furor impius Arma
 Infrendens, animumque sono delectat inani.

Gratia prima Deis. Te mox Venerande Sacerdos
 Musæ canet, longumque dabit per sæcula Nomen.
 Te Duce sæva resederunt Incendia Belli,
 Tu Regum insanas Iras, Animosque minaces
 Corrigis, & placida componis sæcla Quiete.
 Talis, ubi multo miscetur Turbine Pontus,
 Et fulvis imum Pelagus furit intus Arenis,
 Cum circumfusus obductus nubibus æther
 Infremuit, totumque cient Elementa Furorem;
 Neptunus tumidis placidum Caput exerit Undis,
 Collectamque fugat Noctem, furibundaque mulcet
 Æquora, Sol rursus jaculatur Tela Diei
 Lucida, diffusoque renidet Lumine Cælum.
 Æternos peperit si Martis Laurus Honores,
 Et merito propriam Ormondo Bellona dicavit
 Famam, Ormondo armis claro belloque potenti;
 Majorem, tibi, Sancte Pater, pia Munera Pacis,
 Et fusæ dulces mellito ex Ore Loquelæ
 Famam æternabunt, & quam Regina Britanna
 Pacatæ propriam Fronti prætexit Oliva.
 Illa suas Tibi Virtutes, Animumque potentem
 Inspirans, claræ Legatum misit ad Urbem
 Utrecæ, & Pacis moderari jussit habenas.
 Talis, ubi quondam Hesperias allapsus ad Oras
 Arcadis Æneas Evandri Tecta subivit,
 Auxilii socia arma petens & Fœdera Teucris,
 Alma Venus vultû roseos spiravit Honores,
 Talis conspicuæ Majestas addita Fronti.

Geo. Frohock, Coll. Regin.

ERGO

ACADEMIÆ CANTABRIGIENSIS.

ERGO iterum redeunt tranquillæ munera Pacis,
Angligenûmque Salus?
Festivos audet rursus spondere cicatrix
Jam coitura dies?
Lætum omen! nubes se purgat in æthera apertum
Jam propiore Dea.
Cum Sociis Mavors circum sua claustra cruento
Horridus ore fremit;
Gallus enim nostras vires fidumque Senatum
Vidit & ingemuit;
Vincere desperans, solium dum possidet **ANNA**
Fulmineumque movet
Ormondus gladium, supplex in fœdera Pacis
Arcta coire parat;
Regis suppliciter mœsti genibusque minoris
Audiit **ANNA** preces;
Ex illo ultrices subsidunt leniter iræ,
Et redit alma Quies;
Alma Quies; nec quid contra conamina Regum,
Nec valere minæ;
Hector amet cædes, & multis utile bellum,
Pacis inire vias
Quæret Polydamas; lento Regina duello
Hoc sibi proposuit;
Bellica sic viridem Ramum pacatis Olivæ
Palladis hasta tulit.
Dum tamen, **ANNA** Tibi, turba importuna Poetæ
Munera parva damus,
Gaudia plebs agitat, mensis ardetque secundis
ANNA M adhibere Deam;
En! spissas vincunt tenebras funalia, ducunt
Insolitumque diem!
En! festis fervent ludis, plausuque secundo
Compita læta sonant!
Adsunt Germanusque audax, & flava repexo
Gallia crine ferox,
Adsunt, & dextram gaudent contingere, per quam
Incolumes steterint.
Plaudite vos o! nautæ, alacresque insurgite remis,
Trans mare velivolum

GRATULATIO

Tuta patent vobis commercia, sub sua jura
 ANNA dedit Pelagus;
 Angligenæ & Galli nullo discrimine aguntur,
 Auspiciis paribus,
 Communem populum imperiis felicibus ANNA
 Cum Lodoice regit.
 Tuque o! cui cælum tribuit confidere in agris,
 Et renovare solum,
 Aude iterum fidis committere semina fulcis,
 Jam tibi Tuta Quies.
 Non lætas segetes, non culta novalia miles
 Barbarus ense metet.
 Qui sonipes nunc fræna ferox spumantia mandit,
 Mitis aratra trahet;
 De cœloque tibi fœcundo copia cornu
 (Sic jubet ANNA) pluet.
 Unanimes populi coëant, almæque rependant
 Munera justa Deæ,
 Regnet Amor, lateque domi discordia cesset
 Tetra repressa foris;
 Infanæ hinc abeant lites; solum utraque semper
 Certet Amore Pari,
 ANNA magis gentem imperio justo, an magis ANNAM
 Gens beet Obsequio.

Tho. Thackeray, Coll. Regal. Alumn.

At o quid iste languor, & Silentium,
 Et invidi Vultus volunt?
 Aut quo juventæ fervidus fugit vigor
 Beate Crumwelli nepos?
 An junioris torreant adulteræ
 Solo Latentis angulo
 Rîsus? vel acres occupas parum pio
 Lites duello solvere?
 Infanientis an cultor Sapientiæ
 Struis Sacerdoti Dolos?
 Curas metusque solve: Quam rugæ truces
 Lauro atque olivæ discrepant!
 Quid Vina cessant? huc die festo, puer,
 Affer severum Gallicum.

Dicat

ACADEMIÆ CANTABRIGIENSIS.

Dicat sodalis nauseam quid excitet :
Vel fervidum Hispanum petit ?
Miser ! Venena malle m haurire Colchica
Aut Viperinum Sanguinem.
Depone quæ te cunque fata frangere
Tentent amicis auribus ;
Fideliori non prement silentio
Arcana qui celebrant Sacra.
" O Quamvis instat (posteri videbitis)
" Luctus Britannis ! I fuge
" Quocunque te circumvagum rapit mare, &
" Nautis protervus Africus.
" Felix Tyranni qui tumidas pavet minas,
" Sequanamque Splendentem bibit :
" Aut belluosas qui procul Syrtes colit,
" Inhospitalem aut Caucasum.
" Heu ! spissa frustra destinas pomaria
" Mollesque adunas Surculos ;
" Frustra superbas moles sollicitus struis,
" Fontesque certantes Vitro.
" Non hæc Senectæ sedes ; sed Dominus brevis
" Amæna linques Jugera.
" Nec vana terrent ; quæ mihi læva ex arbore
" Annosa Cornix occino.
" Quid accidit ? Formidolosus ignibus
" Martyr præstus non gemit ?
" Cave ah Cave, quo te rapiat malus furor,
" An ferret hæc Belga duplex ?

Johan. White, A. M. Coll Div. Johan. Soc.

CUR struit insidias pacique obstacula fingit
Nequicquam patriæ Gens inimica suæ ?
ANNA jubet large effusum post sanguinis amnem,
Cædesque innumeras, ponere tela duces.
Quisquamne ulterius diras producere cædes,
Sanguinis aut Britonum prodigus esse velit ?
Tu Regina, Harlæ, pio succurre labori,
Magnæ mentis opus perface, Pacis opus :
Nam quid sedulitas & cedere nescia virtus
Quid fidæ Harlæi non potuere manus ?

GRATULATIO

En tandem e mediis fulget Pax clara tenebris
 Principe digna ANNA, Præsule digna Dei,
 Unica quæ genti potuit fulcire ruinam
 En tandem Angligenas Pax miserata redit!
 Qua visa mediis pallet Bellona Triumphis
 Ingemit & spoliis Mors viduata suis.
 Jam Regina satis te consuluisse saluti
 Britannæ patet; ah! consule Diva tuæ;
 Nulla quies etenim est, si sit Tibi nulla, Britanno
 Nulla salus populo, si Tibi nulla salus.

Joh. Campion, A. M. Coll. Regal. Soc.

NOSTRA Successus habuere lætos
 Vota: post longi Mala dura Belli
 Pax Triumphali Britonas revisit
 Candida Curru.

Jam cruentato Satiatus Ense
 Janus Ormondi, & prece Suscitatus
 Publica, Martem vacua duellis
 Clausit in Æde.

Jam Mari Terraque Ducem potentem
 Pace compostis veneratur Armis
 Gallia, & Mandata petunt Superbi
 Nuper Iberi.

Altior Pompa spoliisque ferrum
 Exuit victor placidus, decora
 Inter Insignes Capitisque Laurus
 Crescit Oliva.

Muneris tanta super impetrati
 Gratia, flavis Dea cincta Spicis
 Ridet, apparetque beata pleno
 Copia Cornu.

Fas verecundi cyathos Falerni
 Ducere; & multum, Bromio favente,
 Mittit in nostros bene grata Portus
 Gallia Vini.

Ipsa cum longo Grege Gratiarum,
 Classico dudum male personanti,
 Lætior Terras repetit quietas
 Territa Virtus.

Aurei

ACADEMIÆ CANTABRIGIENSIS.

Aurei & circum pia Regna sæcli
Virgo felices quatit alma pennas;
Faustitas per quam sua Restituto

Additur Orbi.

Quo rapis vatem mea Musa plenum
Pacis? Harleium celebrare sumas
Tibia, vel Pacificam salutes

Gratibus ANNAM.

Dic Robinsonum patriæ fidelem,
Inclytum Gentis columnen Togatæ,
Hunc aget Penna metuente solvi

Fama Superstes.

Joh. Adcock, Coll. Div. Joh. Alumn.

ILLUXIT jam læta dies; deferbuit æstus
Armorum, clamorque virum, strepitusque tubarum;
En domitus Mavors! meliorque in pace triumphus!
Pax optata redit, redeunt Saturnia regna,
Aureaque Australi revehuntur sæcula classe.
Pascet oves fundus ridens, oviumque magistros.
Non matrona, querens natum, avulsumque maritum,
Publica privato miscebit gaudia luctu.

Nullæ concurrent acies, non arma virosque
Ister purpureo devolvit vortice aquarum,
Gallorum cladis pudibundus; ni vaser olim
Ludat amabiliter vates horrentia Martis,
Et mala bella diu jam depugnata reponat,
Eliciatque novum simulato sanguine luctum.
Alter erit Ludovicus, & alter qui fluat Ister
Sanguine, cum pugnax revocabit prælia Musa,
Heroasque suos defunctos morte refinget,
Et coget veteres in pompam iterare labores;
Multum dispergat dum pagina dira cruorem,
Et trepidet carmen, raucoque in murmure versus
Horridus inflatis imitetur tympana buccis;
Percurrens librum, dum lætus imagine sæva
Sanguineo intersit lector sine sanguine bello.

Compositas iras renovataque fœdera regum,
Et coalescentem sub pacis legibus orbem,
Jam canimus, læto ridentia carmina plectro;

Majus

GRATULATIO

Majus opus bello! miretur Roma superba
Fulminis alatos Aquilas per bella ministros,
Et Jovis & Romæ: & cujus suffecerat armis
Non unus mundus jactet victricia castra,
Purpureus latro, Spoliisque superbiat orbis.
Abstinuisse, & non plures egisse triumphos,
Laurus erit, Regina Tibi major meliorque
Quam vel Alexandri, vel quam Tua bella dederunt.

O quæ digna satis resonet Lyra? carmine quali
Musa salutatum veniet Te, Maxima Princeps,
Victricem Te, quam minuit, qui comparat, omni
Majorem invidia, exemplo, spe, carmine, laude!
Nam Tua fingentem præcurrit fama poetam,
Atque laborantem post se videt, & gravat artem;
Verbaque deficiunt, ubi Tu non deficis, Ipsa
Sola Tibi similis, nullamque habitura Secundam:
Impar Musa suas vires, Regina, fatetur,
Et totum obducit sibi non imitabile velo.

Laurentius Jackson, A. B. Coll. Div. Johan.

SATIS Triumphos, Prælia, Vulnera,
Infensa castris castra, tubæ sonos,
Virûmque clamores, Britanni
Carminibus cecinere Vates.
Relata Belli Marlburio duce
Tropæa, chartis cuncta fidelibus
Mandantur, ut feri legentes
Facta Patrum stupeant Nepotes.
Mutare tempus tristia mitibus,
Pacis Poetas materies vocat;
Præ funebri quam semper almæ
Pierides coluere Bello.
Amica Musis otia Pax refert,
Raucos fragores, & strepitus fugat;
Grato invicem secura Pacem
Carmine jam celebret Camena.
ANNA peractum est Auspice grande Opus
Cui nec Wilhelmus par erat; & pius
Præsul, quod infectum reliquit
Marlburii manus ipsa, fecit.

Jam

ACADEMIÆ CANTABRIGIENSIS.

Jam dira cædes, & Furor impius
Belli quiescet, nec Lodoix suis
Diffusus armis sperat ultra
Jam domitis dare jura Terris.
Exorat æquis fœdera legibus,
Et vincla gaudens fœminea induit
Imposta dextra, nec Britannûm
Arma iterum juvat experiri.
Quid non beatum ducet ad exitum
ANNÆ potestas, consilio sacro
Adjuta Bristolli, pioque
Obsequio populo fidelis?
Ut vicit hostes, & bene fœdere
Constrinxit, ô sic sic Britonum feros
Sedet tumultus, sic suorum
Corda domet, doceatque Pacem!

Joannes Ducke, Coll. Regal. Alumn.

EN post tot ductos Gallo super Hoste Triumphos,
Tandem felices visunt Capitolia Pompæ!
Quasque diu Gentes junxerunt fœdere binas
Imperiique artes, & summa potentia rerum,
Devincit Pacis junctas aurata catena;
Et nunc armatam se vincit Pallas inermis.
Lilia mista Rosis fulgent; horrentia Martis
Castra Duces relinquunt, nunc Mollia Castra secuti;
Virgo cicatrices tacite stupet ore decoras;
Quodque gerit Juvenis forti sub pectore miles,
Vulnus habet venis: reducis jam Sponsa Mariti
Blande colla tenet, pugnataque prælia poscit:
Sic tu, Diva, tuum gremio complexa Gradivum
Vulnera cruda foves, dulcique rependis amore.
Flandria, Pingue Solum; nuper Scena horrida Martis,
Non jam Præda jaces, non jam scena horrida Martis,
Inque sinu nullum sentis, nisi Vulnus aratri;
En post tot rivos fusi super arva cruoris,
Florentes Campos Saturnia Regna revisunt!
Jamque Ceres flavas effundit spicea fruges,
Qua modo Præcipiti durus stetit aggere Miles;
Quaque sub adverso radiarunt Sole cohortes,

GRATULATIO

Nunc Vites Tyrium ducunt e Sole colorem;
Et juga Bacchus habet, Genialis Conſitor uvæ;
Nunc juga Bacchus habet, Genialis turba, Poëtæ,
Linquite Virgineos latices, & Somnia vana,
Aonidasque Deas; nunc Orgia ducite Baccho;
Quiſque ô Neſtarei pleno jam Numinis hauſtu
Provocet ingenium; jam quiſque inflatus Iaccho
Turgentes repleat generoſo carmine venas.

Sævi qui Martis flamma propiore caleſcit,
Dicat Sanguineo torrentem Vortice Rhenum,
Sulphureas nubes, atque arva natantia tabo;
Diſruptosque enarret hiulco Volnere muros:
Te Pacis, te Virgo canit Thymbræa potentem,
Heroum cœtus moderantem, Magne Sacerdos,
Comptum inter Galeas ramo frondentis Olivæ:
Stant circum (quales, umbrarum turba ſilentum
Alcæum pleſtro prona bibit aure ſonantem)
Dulcia te Pacis, te Belli dura canentem:
Felix ardentes animos Facundia mulcet;
Fruſtra Germanus centenas objicit Arces,
Fruſtra centimanus crepitantia concutit arma;
Suadent os ſacrum, Pietasque potentior armis.

Quin properes, Venerande Pater, lenire tuorum
Vulnera, & inſenſas dolci medicamine mentes;
Illa Ducum poterant iras mulcere feroces,
Illa ligent Fratres, quos Inſula ſacra ligavit,
Reſtinguantque faces, quas non accenderat Ara;
Vidimus inſano miſceri Tempſa tumultu,
Bellantesque Togas, & Roſtra minantia Roſtris:
Pellere Lingua potens Martis furiale Venenum,
Vipereum e ſacro deducat Pectore virus:
Te preſante, olim veluti preſante Propheta,
Letiſeras vires mutabit Sibilus anguis,
(Nec jam mirifica ſub Dextra ſibilus anguis)
Germine floreſcens fietque ex aſpide virga.

Guil. Shirley, Aul. Pemb. Alumn.

ACADEMIÆ CANTABRIGIENSIS.

שד פשוט ומרבע

צוהלו נא כל ישרי ארץ
 כי בא לנו גוד פרץ
 הנה שלום משמים
 נשא מרפא בכנפים
 שברו חרב שברו חצים
 כי צרינו כל מפצים
 לא קול מלחמת עוד לנו
 שד ושבר בחמוצינו
 לא יבכו עוד אבות בנים
 לא חשד האש העדים
 על כן שבחו מלכנו
 אשר צור ומגדל לנו
 אשר שמחה לעינינו
 ויהי ורוח לאפינו
 אשר בעלת גבורה
 שיש לה שבט ותורה
 הו מלכת בצדק כסאך
 חסד ואמת לפניך
 לכן יהיה לך רב שנים
 וקץ תרום על אמים
 מזה שם הנכבד תרום
 יקרא לך מלכת שלום

Aug. Bryan, A. B. Coll. Trin.

INNEXOS post mille dolos causasque morandi,
 Multa dolens, & multa fremens, & multa minatus
 Tandem Threicias abiit Gradivus ad Oras;
 Pone trahens Comites sibi Terroremque, Fugamque,
 Cædemque, Horribilemque Famem, diramque Rapinam,
 Pauperiem pannosam, & edax in tempore Fœnus.

In quorum subiere locum Præsignis Oliva
 Paxque, Salusque, & agens molles Cytherea Choreas
 Cum Nymphis innexa manus, ridensque Cupido,
 Et tandem caput attollens, frontemque serenans,
 Cana Fides; pleno sequitur post Copia cornu,
 Et Jocus & Risus: Rerum pulcherrimus ordo!
 Fortunæque vices gratæ! Quacunque vagantur,
 Seque ferunt oculi, placidissima pascit Imago.

Ecce coronatis fulgens invec̃ta Quadrigis
 A N N A triumphales agit per compita currus,
 Et Divûm delubra petit: longo ordine Patres,
 Eximiique duces stipant; & cæcula Cæli

GRATULATIO

Illustrant fulgore novo; Clangore Tubarum
It sonus: impulsæ referunt ad sidera turres.

Non aliter, gremio centum complexa Nepotes,
Centum Cælicolas, Phrygias turrita per Urbes
Invehitur curru, spumantiaque ora Leonum,
Flectit agens Cybele: pulsant crepitantia circum
Cymbala Curetes: resonat tinnitibus Æther:
Dum tacitum matris pertentant gaudia pectus.

Undique conveniunt Populi, studioque videndi
Aereasque domos scandunt & tecta coronant;
Turba gravis! gemit imposito sub pondere moles.

Tum videas spectare Nurus, tenerasque Puellas,
Ardentesque oculis, & honesta veste decoras.
Spectantes pariter gaudent, & gaudia præbent.
Hinc acies ah! verte tuas, Ignare Viator,
Lumina luminibus nec mittere cominus aude,
Nescis, Infelix! nescis, tibi quanta Ruina
Immineat; flebis fero immiserabilis ignem.

Consulit adstantem Nutricem nescia Virgo,
Quis Dux ille, procul rutilis qui fulget in armis?
Quos Hostes domuit? Qua gessit prælia parte?
Quos ostentat Avos? Oculi quam dulce minantur?
Paulatim, dum spectat, amat, perituraque ridet,
Et nequit expleri, magis ardescitque videndo.

Ast aliquis Puer imbellis metuensque pericli
Signa Britanna videns, placidis fluitantia ventis,
Attonitus refugit visu, verosque Leones
Esse putat, matrisque libens se condit in Ulnis.

Immemor annorum exultat longæva senectus,
Et temnens exacta, colos & stamina Parcæ
Hunc gaudet nevisse Diem: Vox omnibus una est,
Vivat, Io, Regina diu, fruitura triumphis.

Factioque ipsa filet, nec, quod reprehendere possit,
Invenit; invitæ tacitis vox faucibus hæret.
Sic cum, descendens tristes Acherontis ad Undas,
Orphæus amissum Cithara lenibat amorem,
Infernæ stupuere domus, pœnasque remisit
Tartarus immitis; non Tantalus ore fugaces
Captavit delusus aquas; non viscera carpsit
Vultur edax Tityi, flagris nec sæva Megæra
Horrendum insonuit: tenuit tria Cerberus ora.

Parte alia videas pendentia carbasa nautas

Con-

ACADEMIÆ CANTABRIGIENSIS.

Convertisse domum, terræque advertere proras.
Ecce laborantes venti molimine magno
Velivolas puppes & castra natantia ponto
Vix lente impellunt, quantumvis impiger Eurus
Curvaritque sinus, viresque intenderit omnes.
India in Albionem vehitur; totusque Potosus!

Flavus arundineum Thamesis caput exserit undis
Immenſas miratus opes, gazamque natantem;
Et dura sub mole gemens, non eſſe ferendo
Seſe oneri exclamat, fluctuque reconditur imo.

At Ruris quam dulcis Honos! ut vinſta coronis
Incedit formoſa Ceres! ut florea Chlorin
Serta decent, plenumque gerit Pomona Caniſtrum!
Quam leviter volitant Nymphæ ſaltando per herbas,
Impediuntque orbes, texuntque in gramine gyros!
Quas procul obſervans Faunus pater, ardet, & optat,
Quamque optat, ſequitur: Petulans fugit illa ſequacem
Et quærit latebras; ſed vult male teſta videri.
Interea ſpectant læti, plauduntque Coloni.

Tantas inter opes, & tot ſolatia Vitæ,
Quis furor, O cives, ipſos concurrere iniquis
Inter vos odiis, &, cum ſint arma repoſta,
Armatoſ retinere animoſ? Deponite tandem
Seditionis opus. Per mutua vulnera caram
Quid Patriam foditiſ? Patriæ, quod funditur, omne
Sanguiniſ eſt: quicunque cadit, luit illa furorem.
Quod ſi tantuſ amor litis, Diſcordia tanti eſt,
Ingenteſ animoſ generoſior excitet ardor,
Utilior Civis quiſ, amantior audiat Hoſpeſ,
Quiſ patriæ ſtet Honoſ; in longum proroget ævum
Quiſ laudeſ ANNÆ, famamque ad Sidera tollat.

Tho. Rees, Coll. Regal. Alumnus.

DIFFUSA late lucida Gaudia
Orbem ſerenant; arva Britannia
Tranquilla rident ore læto,
Triftitiæ nebuliſ remotiſ.
Horrenduſ armorum cecidit fragor,
Bellique portuſ clauſit æneuſ
Multo ſatur Mavorſ cruore,
Militiæque labore fractuſ.

G g

Iſta

G R A T U L A T I O

Ita cruenta vidimus æmulos
 Depræliantes pulvere fervido,
 Mistosque Gallos, & Britannos
 Viribus indomitis furentes.
 Tandem, ANNA, faustis auspiciis Tuis
 Fessæ cohortes urbibus abditæ
 Bellis quiescunt, atque pacem
 Compositis venerantur armis.
 Sic corruentes viribus obviis
 Nubes citatæ turbinis impetu,
 Horrore diro murmurantes
 Attonitum quatiant Olympum;
 Sed cum minaces fulminis impetus
 Exhausta Nubes fundere desinit;
 Cæli serenantur tumultus,
 Sole Dies meliore fulget.

T. Bedford, A. B. Aul. Pemb.

VINCENDO fessos celebravit anhela Britannos
 Musa diu, & fusas Gallorum clade catervas.
 Sanguine spumantem quoties audivimus Istrum?
 Heroum quoties gemebunda strage triumphos
 Permistos, tristi turbataque gaudia luctu
 Vidimus? at tandem cessant bella, horrida bella;
 Pacis ut optatæ majora tropæa canamus.
 Quæ non Malburius, dum fervidus intonat armis,
 Annorumve decem felicia bella reportant;
 Consiliis, Harlæ, tuis, ANNÆque beato
 Prendimus auspicio, fugientia munera Pacis.
 Eximios merito jam tu, dignissime Præsul!
 Et Regni, Mitræque decus, tibi poscis honores.
 Sed, Regina! tuos volventi mente Ministros,
 Innumeræ assurgunt laudes, quæ carminis arctas
 Despiciant leges, angustaque vincla recusent.
 Tu regis imperio populos, tibi fræna relinquunt,
 Ut possis bello, pacique imponere morem:
 Europam ast firma dum tu, Regina! quiete
 Conciliare studes, & mutua fœdera jungis;
 Felix, heu nimium felix! bona si sua nôrit,
 Internis jactata odiis Britannia fervet;

Dulcem

ACADEMIÆ CANTABRIGIENSIS.

Dulcem inter pacem fremit arma; furenſque minatur
Visceribus propriis invicta recondere tela.
Sed poſt tot gentes æterna in fœdera miſſas
Nutibus, ANNA! tuis, juiſſiſque; domeſtica tandem
Jurgia compescaſ, indignaque murmura ſedes.
Sic folio felix ſtabilita ſedebis avito,
Laudibus Europæ, ſtudiisſque ornata tuorum.
Et cum ſera dies (veniat quæ ſeriùs) ANNAM
Nativo revocet cælo, & conjungat Avorum
Felici numero; meritis pro talibus æquum
Accipiat pretium, cæleſti Pace beata.

Gul. Sommer, C. C. C. Alumn.

OBSEQUIOSA Jovi, Vultum Natura Serenat,
Prælia cum Venti compoſuere polo:
Compoſitis bellis, Tu, Factio ſævior armis
Des ANNÆ facili colla premenda jugo;
Te regat illa manus, quæ Gallica contudit arma,
Quæ regit Europam, te regat illa manus;
Illa manus; velut Haſta potens, quæ vulnera ſanat;
Pacatusque Orbis vim medicantis amat.
Claffica, quæ nimio perfuſa cruore tropæa
Cantabant, placido dulcius ore ſonant.
Dulcius ore ſonent, commixtaque vocibus altis
Carmen Iô repetant, Pax venit, ANNA, jubet:
Sat Cædi, Ducibusque datum: Victoria major
Pace venit; belli vincitur ipſe Deus.
ANNA ſedet Gentes librans Moderamine juſto,
Arbitra quæ bellis, Arbitra pace ſedet.
O ſervet duplices Armorum & Pacis honores,
Laurigerumque caput mitis Oliva regat!
Sic Dea Bellatrix pacali fronde refulget,
Diſſimilemque vicem præſtat honore pari.

Benj. Willſon, A. M. Coll. Regal. Soc.

G R A T U L A T I O

JAM Cereri falces, aut Arma Diania cudet,
 Non Marti Gladios, non bellica tela Pyracmon;
 Armis non opus est: cessit Gradivus Arena
 Flandriaca, Paphiamque petens jam mitior Urbem,
 Horrentes Veneris demittit ad Oscula Cristas;
 Inque Deæ Gremium ponens fera colla reclinis
 Otia dat terris; Gratissima dona, Britannis
 Exoptata diu; At Celebrentur nulla per urbes
 Artis Lemniacæ spectacula, qualia sumptu
 Immodico, Pompaque ingenti sæpe parata
 Novimus; ignitos jam flamma imitata Dracones,
 Quæve alia ludens sub Imagine pascit hiantem
 Rictu spectantem Populum, terretque Rotatu
 Ignivomo, Gyrisque suis per inane, faceffat.

At vos ob reducem vultis qui Gaudia pacem
 Debita testari, satis est, pro more vetusto
 Festivas (nimios nec enim Dea poscit Honores;)
 Accumulare Pyras; non illos Arbor ad Ignem
 Ulla Cadat; tua, Faune, tibi stet tuta voluptas,
 Stet vobis, Dryades; nil Quercu Ruris Honore,
 Fago nil opus est Silvas spoliare, nec Orno,
 Nil Volucrum violare domos; bene sufficit amplius
 His flammis alibi fomes solennibus. Arma,
 Arma huc ferte, viri, longo quæ Militis usu,
 Multa Cæde calent, taboque madentia sordent,
 Huc ferte, inque struem surgant congesta; Comantes
 Huc Galeas, Clypeos, Saga, Baltea, & huc genus omne
 Bombardas, Glandes, Lituos, cava Tympana, Cultu
 Cum reliquo Martis, totum quem dicere Musam
 Haud penes est; quid plura? gravis Belli atque nefandi
 His pereat flammis tota execranda supellex.
 His magis aucta strues surgat; Cumuloque Batavum
 Audax accedat Monitus, quo Belgia Rebus
 Se nimium nostris immiscuit; addite fœtos
 Seditio, probris, & multo felle tumentes
 Tradendi quos, Cadme, tibi evomere, Libellos.
 Adduntur. Rogus ardet: Iô! crepitantia fumant
 Arma; hæc in Cineres abeunt, hæc Igne liquefcunt,
 Cuncta simul pereunt: circum & memorabile Bustum
 Ecce! Dearum astant cantantum dulce, Corona,
 (Pax, Themis, Alma Salus, Charites, Musæque,) Choreas
 Dant

ACADEMIÆ CANTABRIGIENSIS.

Dant agili pede, dum sinuosis fluctuat Aer
Vorticibus fumorum, ardentemque æthera complet
Ludens flamma Pyræ; Cui, Pax, tibi, Diva, dicatæ
Quicquam est surripuisse nefas, quicumque vel unam
Hastæ particulam, furabitur inde, minutasve
Ensis Reliquias, Chalybisve aurive liquati
Frustula, quæ (tanti ut veniant oblivia Belli)
Omnia debuerant flammis periisse; profanus,
Furti vindicibus populo puerisque, frequenti
Saxorum jactu pereat, sub mole sepultus
Infami, & Cautos dent hæc monumenta Nepotes.

R. M. Aul. Pemb. quondam Alumnus.

SI tantum Pax Ipsa juvat post tædia Belli,
Quo magis Auctorem Pacis habere juvat?
En igitur, lapsis cui fas succurrere rebus,
Et Populis unam ferre duobus opem!
En ANNAM, Belli vicibus quæ fessa, quietem
Ut Patriæ tribuat, negligit Ipsa suam!
O scelus! an tantum licuit furialibus armis,
Has etiam placidas posse movere manus?
Jam tamen absistit, misera ne morte Nocentum
Se nimis ulciscens, sit magis Ipsa Nocens.
Negligit & nimios laurus Victricis honores,
Ne fieret Populi fœda cruore sui.
Nempe quid Ille velit, Vanos qui ad Martis honores
Intima per Patriæ viscera tendit iter?
Anne parum vicisse putat, nisi sanguine vincat?
Et, nisi per mortem, nulla paranda salus?
Ah, superi frustra dederint egisse triumphos,
Ni tandem dederint sic potuisse Frui.
Pax etenim sola Victorem laude coronat,
Quæ major, nullo sanguine parta, venit.
Ut, Marte exacto repetit sua munera Pallas!
Ut melior Lauros inter Oliva Nitet!
Jam lenti reparare licet dispendia belli,
Quamque hosti dedimus, posse saluti frui.
Gallia non iterum fera nos ad bella laceffet,
Non iterum, toties victa, rebellis erit.
At Vires sæpe, ANNA, tuas experta quiescet,
Et, ne serva foret, fiet Amica tibi.

Car. Willats, Coll. Regal. Alumnus.

H h

Παγω-

GRATULATIO

Παρωδία πρὸς κρέατονα πῖνα ποιητικῶς εἰς τὴν
εἰρηνογραφίαν πρῶτη ἐπική.

ΠΙΝΔΑΡΟΥ ζάλωσ' ὅς, Ἴαλε, Μοῖσαν,
Ἄπλερον κήρωμ' ὅγε κινδυνεύει
Δαιδάλε πάλλων κυανῇ(ι) θήσιν
Οὔνομα δίναις.

Ὡς κατ' ἄρ' ἄκτης ποταμὸς κατ' ἑρέων,
Τὸν δ' ὑπερβάλλειν τέφρην ὀμβροῖς ὄχθας,
Ἄσπετον ζεῖ, ἢ φέρε(ι) βαθυρρῆν
Πίνδαρ(ο) ἀχῶν,

Φοιβάδ' ἐξάπλων κροτάφοι(ι) δάφναν,
Εἴτε τολματὰν διδύραμβον ὄρσας,
Μέτε' ἀμέτῳς ἢ μαλ' ἄτακτα σιωθεῖς,
Οἶδμα κυλίνδ(ει)

Ποικιλόφρον' εἴτε Θεὸς, Θεῶν τε
Αἶμ' Ἀνακτας, (τῷ ὑπὸ χέρσ' ὑβριζᾶν
Πίπτε Κενταύρων γέν(ει), ἠδ' ἐτρωσᾶς
Φλέγμα Χιμαίρας,)

Εἴτε τὰς γ' (ἀδ(ει),) ἀνέπεμψε νίκη
Ἥλέαθεν Ἀμιθέας, κέλητα,
Πυγμαχὸν τ' ἀντάξιον ἀνδρείων
Μυριοσήμων

Ἑμνέων. Διρκαῖον ὑπὸ ὄρνιν ἔρ(ει)
Παλὺς αἰωρεῖ νεφέων ἐφ' ὕψη
Βάν(ει) κήγῳ θυμὸν ἔχων Ματίνης
Οἶα μελίτης

Ἀδὺ τευχέσσης μέλι παλυμόχθως,
Πολλάκ' ἀνθηρὸν νάπ(ει) ἀμφὶ θ' ὕγρῳ
Χάμιδ(ει) λειμῶνας αἰοιδὸς ἔργον
Εὐτελὲς ἀσκά(ει).

Πηκπὶδ' ἄσεις ἀκροτέρη πύγ' ἈΝΝΗΝ
Κάλλεα τρωσῶν ἀγαθῶ Θεάων,
Μῆτιν, Εἰρήνῳ, Θρόνῳ ἀξίωμ', ἰδ'
Ἄρεος ἔργα.

Μεῖζον ἥς θνητῷ γμεῖτ' ἀμεινον
Ἐκ Διός γ' εἰδέν χαρίσαντο Μοῖραι,

Οἶδ'

ACADEMIAE CANTABRIGIENSIS.

Οὐδ' ἔχοι δωτὴρ χαρίσασθ' ἑάων
 Χῶ πάρε' Αἰών
 Χρύσεος· γράψαις τειπόθατον Ὠρών
 Κύκλον, Εἰρήνης τε Φαινὸν ὄμμα,
 Τῆς γ' ὑπ' εὐδίας ἐγέλασθ' ἀπείρων
 Πᾶσα παρὶ χθών.
 Εὐδὲ ὡς Ἄρης χερσὶν παλαίσεας
 Ἄσμεν' ἤδη γ' αἰναρέτας· φίλη τὰ
 Περὶ κόρυς λαμπρὰ, πρύλεός τε Καμβρᾶ
 Εχθρὸν ἐς ὄμμα.
 Εἰ ὁ μὴ δμηθεὶς Μεγάλας ἔκαλε
 Παλλάδος, βλώθρ' ὡς κυπάρειτος Εὐροῖς
 Ἦειπεν, μακρὰν κεφαλῇ τ' ἄραξεν
 Κεῖμεν' Αἴαν,
 Τῆς Μόνης γ' ἤτων, (ὑπέροπλ' ἄλλων,)·
 Καίπερ αἰχμητὴς, Διὸς ἐκ τε Φύτλης,
 Τευλόνων πύργους περσέβαλλε μακρῶ
 Ἐλχεὶ θυῶν
 Ὅς ποτ' εἰ λάθρη βαρὺς, ἀμφιδὸν ὅ
 Νηπίες (οἱ! οἱ!) κατέκαυσε κηλεαῖς
 Φλοξὶ δηώσας, τὰτ' ἀφαντα κεδναῖς
 Ἐμβρυα μητρὸς
 Νῦν τ' ἀρ' ἡ δίας ἐλίκεσσι πεθεῖς,
 Ἀχέτω μάλλον βέλτε ἢ δαμασθεῖς,
 Σὲ τε Τυδείδew περσνατὸς ἔλχε,
 (Χάλκεον ὕπνον
 Ὅς σχεδὸν κοιμᾶτο πάρε' γ,) ὁδ' αὖθις
 Νήγρετ' εἰρήνης τευφεραῖς ἐπ' ἀγκαῖς
 Δρέψε' ὕπνων μαλακῶν ἄωθ', ὡς
 Νεῖκε' ἀπαυδῶν
 Σοὶ πολικλαίων μόλε, πομφόλυξε
 Θῆλυς ἀμφοῖν δ' οἱ βλέφαρων ἔερση·
 Ὡ γὰρ δὴ, ὡς εἶδες, ἐπ' ὀμμάτεσσιν
 Ἰζε γέλωτος τευ·
 Εὐδε, τὼς εἶπας, ὅς κεσσον ἄλγη,
 Ἐννόδ' ὁ ἔμψης, σὺ κάχ' ὅσ' ἔοργας

GRATULATIO

Μυεῖ ἀβληχεῖς, βροβλοῖγέ, λαῖς,
 Τειχεσιπλήκτα,
 Τῆς τε θρησκείας παρέωσας ἀγνῆς
 Δόγμ' ἀληθές· Νῦν νοεραῖς θυηλαῖς
 Ἐμπυροὶ βωμοὶ, σέθεν ἔκέτ', Ἄρες,
 Ὀπλομανεῖν,
 Ζήλω ἐκκαύσας λατρεύμαθ' ἀπλῶ
 Ἄγν' ἀνείδωλ'· Ἀλλὰ τε μυεῖ ἄσαις
 Χάρματ' Εἰρήνης πολύδωρα καλῆς,
 Ἔργον Ἀνάσσης.
 Τῇμ' αὐδᾶς (εἰ πὶ γ' ἀκαστὸν εἶπω,)
 Σοὶ ἐμᾶς μίξξ' σόμα πάλυς ἄχ'·
 Ἀλίς φῶς, ἢ κλυτὸν ὄμμ' αἰίσω,
 Πυκν' ἐπαμείβων
 Καὶ τὸ γ' ὡς πομπεύῃ, ἰὼ τὴ Πομπή·
 Οὐχ' ἅπαξ ἀσεύμες, ἰὼ τὴ Πομπή,
 Ἄσυ ξυμπᾶν· τῷ τε βροτῷ Ἀνακτὶ
 Θύσομ' εὐχάς.

Phil. Bouquet, Coll. Trin. Soc.

JAM satis Armorum, plus quam satis: Horror ubique
 Martius intonuit; strictus desæviit Ensis,
 Cæde satur longa; Tempestas fervida Belli
 Jam nimium grassata diu. Pax alma, recurris
 Blandior à Decimo veniens, & gratior anno.

O Lux Imperii! O semper Dea culta Britannis!
 Quæ tantæ tenuere moræ? Qua jam arte reducta
 Has repetis sedes? Ut Te post Funera densa,
 Post variam stragem, & Belli duo Lustra cruenti;
 Lætati aspicimus, cupidisque amplectimur ulnis!

Nunc demum longis te solve, Britannia, curis,
 Lætitiæ da fræna, ac tota percipe mente
 Gaudia, quæ fas est, quæ Res & Tempora poscunt;
 Delicias agita, atque animo totum excute Martem.
 Jam Lyra pro Lituo resonet, jam Tibia dirum
 Clangorem evincat; Belli cum turbo quievit,
 Detonuitque fragor, feriat vox mollior aures:
 Aurea Libertas securas concrepet alas;

Et

ACADEMIÆ CANTABRIGIENSIS.

Et Furiis Musæ, & Marti succedat Apollo.

Tuque, Minerva, tuo sociante se Apolline, dium
Junge Chorum: sat Te tenuerunt Flandrica Castra,
Sat leto, Fatisque datum: fas condere diram
Ægida, tutamen Britonum; fas Cassida duram
Solvere, fatiferamque Hastam, quam Gallia sensit,
Ponere: nunc Divæ exemplo, Diva ipsa, Britannæ,
Pacificis da te studiis; nunc Castra Togata,
Civilesque Artes, duræ solamina vitæ,
Naturamque colas: cape Tela accommoda Dextræ
Fœmineæ; cultura tuæ Te poscit Olivæ.

ANNA pios Matrum gemitus, viduasque querelas
Audit victa animi; tanta mercede Triumphos
Non emeret, refugitque virentem Sanguine Laurum.
Illius imperiis pendent molimina Belli
Interrupta: Orbis sed enim miserata labantis
Subvenit ANNA manu magna, fulcitque Ruinam.
Nempe ob communem cum sumpserit Arma salutem,
Non meditata sibi Imperium, majoraque Regna;
Pro communi eadem ponit nunc Arma salute:
Temperat Ipsa suis successibus: æquaque Lances
Dum tenet, ac justo librans examine, Fatum
Ponderat Europæ; metatur limite certo
Cuique suos Fines, studia ambitiosa recidens:
Nec Juga demta velit Belgæ, transponere Gallo.

Ecce Duces Britonum, longo de Marte reversi,
Florentem repetunt Patriam, dulcesque Penates.
Patria, læta tuos Heroas ad æthera plausu
Ingeminato effer, gremioque admitte patente
Vulnera cruda levans, tibi quæ peperere salutem:
Jure sibi repetit, Patriæ quem præstat, Honorem
Miles. Iô Cives, solennes ducite Pompas;
Æra canora strepant; &, quæ modo Prælia diris
Sueta ciere sonis, nunc bellica Machina lætum
Intonet, innocuosque edat displosa fragores;
Spirent saxa viros; Monumenta perennia surgant
Virtutis Britannæ, & ad astra operosa Columna
Indicium stet Pacis: eos decernit Honores
Grata suis ducibus Britannia; nec tamen Istis,
Si quibus ulterius, quam par sit, Bella trahantur,
Si quibus immodicos Mars accumulavit Acervos,
Et celsæ Exuviis fulgent Castrensibus Arces:

GRATULATIO

Hi sibi, non Patriæ, pugnant: vos Præmia solos
Tanta manent, quos eximio Mars signat honore
Insons, qui Patriæ justo flagratis amore,
Publica qui propriis secernere commoda nostis:
Teque adeo imprimis; Meritis O maxime Ductor,
Cui toties viguit pridem in Certamine duro
Dextera: Nunc fortis premere alto in Corde tumentem
Bellandi ardorem, atque innatos pectoris æstus,
Pro nostra Timidus patiens audire salute!
Te fama innocuos feret unum egisse Triumphos,
Summaque de Gallo spolia, & sine cæde tulisse
Speratam, haud ullo temeratam sanguine Pacem.

Quis procul Ille autem, Cui sacros Infula crines
Digna premit, frondemque super pacalis Olivæ
Induitur? nosco venerandi Insignia Patris;
Bristolense piis O semper amabile Nomen!
Hic est, qui Regnum Christi, nec secius ANNÆ
Promovet Imperium; Qui dissociata revinxit
Felici nodo studia, ut communiter idem
Sacra Pia, solerte manu Civilia tractet.
Jampridem Hic Aulas Regum notissimus Hospes
Longinquas lustrat: Hunc ambit Purpura supplex,
Et magni certant sibi conciliare Tyranni.
Huic ultro cedens Straffordius ipse priores
Assurgit, tollitque Loci se jure secundi.

Salve, Auguste Pater, Præsul sanctissime, salve;
Magna suas Cui rite vices concredidit ANNA,
Arbiter ut Belli fieres, Pacificæ Minister:
Bellum abiit, Curisque Tuis Pax reddita terris.
At tibi pro Meritis istis, pro Munere tanto
Quid, venerande Pater, reddat Brittannia? Quo Te
Excipiat studio? Redeas O! Patria dudum
Te desideriiis ardentibus icta reposcit,
Et nimium nimiumque diu suspirat abesse.
Te socium Harleius jampridem adjungere dignis
Consiliis cupit, &, quas alto in pectore versat,
Partiri Tecum Curas, & publica Fata.
Tandem redde Tuæ Dominæ Te, redde Britannis.
Aggredere O summos (aderit jam tempus) Honores,
Justaque longorum Tibi Præmia sume Laborum.
Auspiciis, Pater alme, Tuis Ecclesia posthac
Fulgebit Ritu nativo ac simplice, Sponso

Digna

ACADEMIÆ CANTABRIGIENSIS.

Digna Deo: Fucum externum, insanosque Colores
Respuet indignans: Illam nec spuria Proles,
Sordida Sacra colens, turpi fœdabit Honore;
Nec Romana superstitio, studiosa novorum,
Inferet ignotos Cultus, Ritusque pudendos.

At vos Defunctorum Umræ, Britannia per quos
Otia agit, patriis qui procubuistis in armis,
Atque animas pulchra pro Libertate dedistis:
Si quis inest Umræ sensus, cinerique sepulto,
Hoc & vos Manes solat ferte sub imos,
Cernere, Quos Vestræ Virtutis Patria Fructus
Percipit; inque ipsis (si fas) gaudete sepulchris!
Nec vero interea quos Musa rependit, Honores
Temnite, pallentes Lauros, atrasque Cupressos,
Quæque audent Lacrymæ festos turbare Triumphos,
Atque importuno castigant Gaudia luctu!

O Janè! O medius Qui Belli & Pacis, honore
Effulges duplici, bino Qui Munere polles:
Aspice, suspensis animis tua ut Atria circum
Sollicitent, scissi studia in diversa, Britanni:
Sint licet, æternum tua Limina, Dive, patere
Qui cupiunt, & Bella trahi, gaudentque cruentis:
Tu tamen, attrito misere, jam mitior Orbi,
Mitior O! ne tam crudelibus annue Votis:
Ast ANNÆ imperiis victus, precibusque Bonorum,
Fatales jam claude Fores, atque obice firmo
Emuni, diros iterum ne Cardine moto
Emittant tonitrus, iterum furialis Enyo
Prorumpens cieat Gentes, ut, fœdere rupto,
Europæ stabilem tentent turbare Quietem.

Tuque adeo, externo, Britannia, Marte soluta
Comprime & internos Motus, ac Civica Bella.
Mitte aliquando leves Rixas, dubiosque Timores:
Nil erit a supposito, ANNA regnante, Jacobo
Quod trepides: Illi Ludovicus, fœdere Nobis
Astrictus, Nervos, falsi munimina Sceptri,
Subducit; patuere Doli, Fraudisque paratæ.
Infano liceat Juveni indulgere furori
Innocuo; liceat ferre imperiosa Britannis
Edicta; & Regni ludicram computet Æram,
Fictitius Princeps: vana se jactet in Aula
Majestate tumens aliena, Errore fruatur;

Sceptra

GRATULATIO

Sceptra modo HANNOVIÆ Genti Brittanna relinquat.

At tu, summe Pater, Cujus Concordia munus,
Et socialis Amor, fraternaue Gratia; Serves,
Æternum O serves Pacem, Pacisque Ministros!
O tandem Britonum corda exagitata residant
E tumidis Odiis; animique flagrantibus iris
Vexati, æterna compositi Pace quiescant!

Gulielm. Crow, Aul. Trin. Alum.

SA T Furiis Martique datum est. Pax alma revisit
Terras, & Britonum Regna serenat Ovans.

At quid, Turba procax? Quid agis, Fanatica Turba?

Quid pergis vanos usque ciere Metus?

Cuivis jure licet Bella, horrida Bella timere;

At Quid Pace minus terribile esse potest?

*Guil. Godolphin Armiger, Aul. Pemb.
Socio Commensalis.*

ANNA Victrix Pacifica

PA C E beat, justo quem bello perculit Orbem;
Lausque, laborque foret vel domuisse minor.

Johan. Chetwood, Coll. Div. Johan. Soc. Commens.

שיר פשוט ומרבע

אשרינו הרואים שלום
אשרינו בזאת כל יום ויום
על ק המלחה בשירות
נשבת יחד גם בתורות
מיום ויום נהדרנה
גם כל בכוח נכבדה
העשתה השלום לנו
הנתנה נוח מצרינו
הלך גם צדל חלך היא
ומאד ומאד לעשות תפליה
השבת מכפר יצץ
הנור על ראשה יצץ
גם רב ימים על ימיה
הוסף האל לחייה
אכן כפקוד המור לה
וברוח גור לשאולה
שא נא הנפשה שמימה
גם נדה לנו באדמה
תמלך שמה עם מלאכים
וידו כסאה עד עולמים

גילו שמחה כל האמים
שירו עמי שיר השירים
איש איש בחוריה הרעו
בשופר ובתפים תקעו
שועז גבננים הדרים
זמרת המשוש הרנינים
עלוז הרמים שמים
גם פצחי הארץ רנים
כי חול ההמוק מלחמות
גם רחקה ועקרת הריבות
נה אור מאפל לנו
מצלמות צוהר בנו
שלום גם שלוח פרזו
קדש גם חסד זרחו
נפעז הששון גם עדנה
נשקו הצדק ואמונה
לא עוד תרורה כנר ארץ
מדם כפלגי הפרץ
כי אם תורה הגפנו
נשב לבטח כלנו

Jo. Wake, Coll. Jes. Alumn.

Ad

ACADEMIÆ CANTABRIGIENSIS.

*Ad Excellentissimum Virum MATTHÆUM
PRIOR ad Galliarum Regem de Pace Legatum.*

PAULUM severis Musa negotiis
Si te vacantem læta beaverit ;
Juvabit & plectro loquaci
Sollicitam explicuisse frontem :
Adsis, Britannæ dulce decus Lyræ,
Contende chordas, grande parans melos,
Quosque ANNA, Te curante, jussit,
Carminibus decores Triumphos.
Dicenda seris Bella nepotibus;
Dicenda Pacis major Adorea;
Tutata quos, quos fregit armis
Perpetua fover ANNA Pace;
Natos in usum lætitiæ modos
Tu dulcè fundis, prælia Tu potes
Pugnata, & Hostes, grande munus !
Dicere compedibus revinctos.
At Te vetabit si Patriæ salus
His occupari, ô candidus accipe
Hæc, nostra, quæ deducta, lufit
Musa modos imitata Horatî.

DEscende Cælo Diva potens Lyræ,
ANNÆque, gratum munus, amabiles
Cantus recensens, tange sacros
Calliope numerosa nervos :
Non, si decoris Tempora laureis
Victricis ornans, evehis ad Deos,
Et Pacis, ANNÆ dona, lætas
Diva neges memorare Olivas.
Nec, cuncta lustrans, Sol quia videris
Nil *Majus* ANNA cum Britonas vocat
Ad arma, Eâdem, Pace quidquam
Phœbe pater *Melius* videres :
Quin nec videbis, jam revocas licet
Luces beatas, jam nova sæcula,
Tenente terras ANNA, in aurum
Incipiunt properare præcum.

K k

Gra-

GRATULATIO

Gratum elocuta est concilio Patrum
Regina, Belli longa gemens mala;
Astræa quali luctuosas
Flevit amabilis ore Terras:
“ Quæ non Triumphos, cæde, Britannicos
“ Testata, dixit, flumina? quod Mare
“ Utroque decurrens ab Axe,
“ Quæ caret ora cruore fuso?
“ Et Te superbas dedocuit minas
“ Britanna Virtus, cedis & impotens
“ Tellure inulta, osus vocari
“ Hesperia, Lodoix, Tyrannus.
“ Quin & remoti edicta Britannica
“ Discunt volentes æquoris Accolæ;
“ Resignat & Calpe Britanno
“ Imperio Herculeos labores:
“ Sit ista nostris meta laboribus,
“ Bellum residat—donec Iber suis
“ Gallusque præscriptis teneri
“ Finibus, imperioque norint.
“ At ter, si iniquam Gallus Iberiam
“ Superbus ambit, ter pereat meis
“ Victus Britannis, Fata plorans
“ Cressiaci renovata Campi.
Sic fata, ferrum triste recondidit
Regina terrarum & pelagi potens;
Labantis Europæ nefandam
Una potens prohibere cladem.
At ô, quis æquo carmine Maxima
Æternitati Nomina consecret?
Harlæe, quæ Te audax, Tuumque
Musa Bolinbrocium loquatur?
Quamvis Britannæ dum vigil excubas
Custos salutis, munera dum paras
Optata Pacis, scis merendo
Dulcisonas animare chordas.
Tu temperando, rebus in arduis,
Fatalis Orbi debitus Arbiter,
Rerum Sub alto fluctuantium
Pondere non dubius fatiscis.
En! & Mitrata Caniciem procul
Cerno, & decoræ fulgura Purpuræ!

En

ACADEMIÆ CANTABRIGIENSIS.

En Præfulis nosco verendi
Paciferæ, sacra dona, dextræ!
Nempe, ANNA, solers Hunc Pietas Tua
Pacandi habenis imperii admovet,
Rerum ut sagaci usu, piisque
Ut precibus modereris Orbem.
Oblivioso, Musa, silentio
Wentworthianam ne taceas Domum;
O nomen æternum colendum
Per titulos memoresque fastos!
Nec, signa nostro dum Capitolio
Miranda stabunt Hostica, dum fluunt
Et Scaldis, & Mosa, & perennant
Ramelii, Hocstatiique campi,
Iustis carebis, Malbure, laudibus,
Gallos tremendus seu miseros fugas,
Seu mox triumphandum rebelles
Te Bavari revocant ad Istrum.
Ormonde fessum, Maxime, quo rapis?
De Marte victo, Dux bone, Patriæ,
Dum fidus ANNÆ jussa Servas,
Exoritur potior Triumphus.
Hæc Musa sacro Te infereret Choro,
Priore, Nostri gloria; nec Tuum,
Talbotte, quem penna superstes
Fama vehet metuente solvi,
Nomen taceret; Vos modo candidi
Quæ Musa donat, sumite gaudia;
Miscebitis mox consilique
Ardua, dividuasque curas.

Hos egit axe Gloria fulgido,
Mori negatos; Hos, ubi publicas
Res ordinaris, Magne Vates,
Concine Nobiliore plectro.

Christoph. Anstey, S. T. B.
Coll. Div. Joh. Soc.

FINIS.



